

ТЕМУР  
ТУЗУКЛАРИ





ТЕМУР  
ТУЗУКЛАРИ



ти




ХАЛҚАРО АМИР ТЕМУР ЖАМҒАРМАСИ  
ЎЗБЕКИСТОН РЕСПУБЛИКАСИ ФАНЛАР АКАДЕМИЯСИ  
АБУ РАЙҲОН БЕРУНИЙ НОМИДАГИ ШАРҚШУНОСЛИК ИНСТИТУТИ



ТОШКЕНТ  
«ЎЗБЕКИСТОН»  
2011

УДК: 94(575)  
ББК 63.3(59)4  
T39



ISBN 978-9943-01-356-8

© «ЎЗБЕКИСТОН» НМИУ, 2011



## МИЛЛИЙ ДАВЛАТЧИЛИГИМИЗ ТАРИХИННИГ МУМТОЗ НАМУНАСИ

Бутунги куннинг ўткир ва долзарб муаммолари биздан замонавий тараққиётнинг асосий тамойилларини ҳар томонлама чуқур таҳдил этиш билан бирга, инсониятнинг яқин-олис тарихидаги бой тажрибасини ҳам теран идрок этишни, шу асосда амалий хулосалар чиқаришни тақозо этмоқда, яъни тарих тажрибаси одамзод учун тобора муҳим аҳамият касб этмоқда.

Ҳеч бир муболағасиз айтиш мумкинки, ўзбек ҳалининг кўп асрлик тарихи ҳам ана шундай буюк тажрибалар манбаидир. Бу тарихнинг энг ёрқин ва шонли саҳифаларини ташкил этадиган улуғ аждодларимиз ҳақида сўз борганда, буюк давлат арбоби ва саркарда, соҳибқирон Амир Темур бобомизнинг ўлмас номини биринчилар қатори тилга олишимиз табиий, албатта. Мана, қарийб етти асрдирки, бу улуғ зотнинг шону шухрати, ҳаёти ва фаолиятига бўлган қизиқиш жаҳоннинг турли мамлакатларида тобора ортиб бормоқда.

Шуни таъкидлаш жоизки, улуғ аждодимизнинг ўзи яшаган замонга, шу даврда Осиё ва Европа қитъалирида рўй берган, жуда катта тарихий аҳамиятга молик үзгаришларга олиб келган воқеа-ҳодисаларга ҳал қилувчи таъсири, унинг бу жараёнлардаги роли наинки тарихчи ва сиёсатчилар, ҳарбий илм мутахассислари, балки бадиий ижод аҳлининг ҳам диққат-эътиборини ҳали-ҳамон ўзига жалб этиб келмоқда.

Бу беназир зотнинг қандай миллий замин ва тарихий шароитда ўсиб-улғайгани, қай тариқа шундай



юксак чүкүларга күтариlgани, зафарли юришлари ҳақида, унинг нафақат давлат арбоби ва енгилмас саркарда, айни вақтда инсон сифатидаги фазилатлари, ички дунёси ва кечинмалари ҳақида Шарқ давлатлари билан бирга олис Европада – Буюк Британия, Франция, Испания, Германия каби мамлакатларда ҳам бундан неча юз йиллар аввал күп-күп илмий ва бадиий асарлар яратилгани яхши маълум.

Чунончи, Амир Темур бобомиз ҳақида инглиз драматурги Кристофер Марлоу 1588 йили тарихий пьеса, машҳур немис композитори Георг Гендель 1724 йили опера, американлик адиг Эдгар По эса 1827 йили шеърий поэма яратган. Ва бундай асарлар бугунги кунда ҳам кўплаб пайдо бўлмоқда. Франциялик таниқли олим Люсьен Керен томонидан 2006 йили халқаро миқёсда кенг нишонланган Соҳибқироннинг 670 йиллик таваллуд тўйи арафасида Парижда француз тилида нашр қилинган «Самарқандга, Амир Темур даврига саёҳат» номли фундаментал тадқиқот бу фикрнинг яқъол тасдиғидир. Табиийки, бу асарларнинг барчаси улуғ бобомизнинг ҳаёти ва фаолияти билан боғлиқ кўпгина масалаларга жавоб топишда, уларни тарих ва бугунги замон нуктаи назаридан ёритишда муҳим ўрин тутади. Уларнинг ҳар бири Соҳибқирон сиймоси ҳақида ўзига хос тасаввур ва тушунча беради.

Минг афсуски, мустамлакачилик йилларида, яъни миллий қадриятларимиз, азиз-авлиёларимиз ва алломаримизнинг бой мероси, табаррук номларини халқимиз хотираси ва юрагидан бутунлай ўчиришга қаратилган сиёsat ҳукм сурган даврларда Амир Темурнинг ҳаёти ва фаолиятини ўрганиш у ёқда турсин, ҳатто унинг номини тилга олиш ҳам мутлақо тақиқлаб қўйилган эди. Бу мавзуда яратилган баъзи бир илмий-бадиий асарларда Амир Темур сиймоси тарихий ҳақиқатга зид равишда бирёқлама, асосан қора бўёқларда акс эттирилар эди. Таассуфлар бўлсинки, собиқ тузум дав-

рида яратилган тарихий ва бадиий адабиётларда ҳамда уларнинг таъсирида чоп этилаётган бутунги айрим китобларда ҳам мана шундай ғаразли ёндашув алматларини ҳануз учратиш мумкин.

Оллоҳга шукрки, истиқолла ганимиздан кейин бу масалада ҳам тарихий адолат қарор топди. Муқаддас юртимиз заминида яшаб ўтган кўплаб улуғ сиймолар қатори Амир Темур бобомизнинг номи, шаъну шавкати ва мероси ҳам қайта тикланиб, бу буюк зот ҳақидаги асл ҳақиқат холис ва ҳаққоний ёритилмоқда, тадқиқотлар олиб борилмоқда, китоблар ёзилмоқда. Зоро, Амир Темур шахсини идрок этиш – тарихни идрок этиш демакдир. Амир Темурни англаш – ўзлигимизни англаш демакдир. Амир Темурни улуглаш – тарих қаърига чуқур илдиз отган томирларимизга, маданиятимизга, қудратимизга асосланиб, буюк келажагимизни, ишончимизни мустаҳкамлаш демакдир.

Бу ҳақда гапирганда, Амир Темурнинг давлатчилик ва дипломатия, ҳарбий маҳорат, бунёдкорлик салоҳияти, илму фан, санъат ва меъморчиликка оид қарашибари, ҳайётнинг маъно-мазмуни, инсонни улуғлайдиган эзгу ишлар ҳақида билдирган фикрлари, дину диёнат ва адолатни жойига қўйиш, салтанат ишларини кенгаш ва тадбир асосида амалга ошириш, ҳар бир масалада узоқни кўзлаб, эл манфаатини ўйлаб иш тутиш билан боғлиқ, ибратли фазилатларини алоҳида таъкидлаш ўринлидир. Айнан мана шундай масалалар Соҳибқирон тафаккурининг маҳсули бўлган «Темур тузуклари» асарида ҳар томонлама аник, ишонарли ва таъсирчан тарзда ёритилган, десак, ҳақиқатни айтган бўламиз.

Шунинг учун ҳам ўзининг бекиёс азму шижоати, мардлик ва жасорати билан Мовароуннахр заминида мўғул зулмига барҳам бериб, ҳалқимизни қарамлик исканжасидан халос этган, тарқоқ ва пароканда эл-улусни бирлаштириб, мустақил ва қудратли давлатга





асос солған бу улуғ сиймонинг мазкур китобда ифода этилган ғоя ва қарашлари нафақат ўз даври, балки бугунги ва келгуси авлодлар учун ҳам муҳим аҳамият касб этиши бежиз эмас.

Шахсан мен Соҳибқирон бобомиз бизга мерос қилиб қолдирган «Тузуклар»ни ўқисам, худдики ўзимга қандайдир катта руҳий куч-қувват топгандек бўламан. Ҳар бир сатри бир умр эл-юрг, салтанат ташвиши билан яшаган фидойи инсон, улкан давлат арбобининг кенг миқёсдаги ўй-фикрлари, ҳаёт ва қураш тажрибаси, мушоҳадаси, баъзан эса дардли ва изтиробли кечинмалари билан сугорилган бу асарда қандай теран маъно мужассам эканини маърифатли, зукко китобхон яхши англайди, албатта.

Мен ўз иш фаолиятимда бу китобга такрор-такрор мурожаат қилиб, ундаги ҳеч қачон эскирмайдиган ҳаёт ҳикматларининг қанчалик түғри эканига кўп бор ишонч ҳосил қилганман. Масалан, «Тажрибамда кўрилганким, азми қатъий, тадбиркор, ҳушёр, мард ва шиҷоатли бир киши мингта тадбирсиз, лоқайд кишидан яхшироқдир», деган фикрлар бугунги кунда ҳам нақадар долзарб экани барчамизга аён. Ёки у зотнинг: «Салтанат ишларининг тўққиз улушини машварат, тадбир ва кенгаш, қолган бир улушини эса қилич билан бажо келтириш зарур», деган қўрсатмаларида ҳозирги нотинч замон учун, XXI аср сиёsatдонлари учун ҳам ҳар жиҳатдан ибратли фикрлар борлигини таъкидлаш жоиз. Амир Темур бобомизнинг бундай чуқур маъноли сўzlари, айниқса, «Билаги зўр бирни, билими зўр мингни йиқар» деган ҳикмати инсонни доимо ақл-идрок, илму маърифат асосида яшашга даъват этиши билан эътиборлидир.

Улуғ аждодимиз, гарчи буюк бунёдкор ва жаҳонгир бўлса-да, куч-қудрат зўрлик ва зўравонлиқда эмас, аксинча, адолатда, ҳамжиҳатлик ва ҳамкорликда эканини ниҳоятда чуқур анлаган. Унинг давлатни оқило-



на бошқариш, ўта мушкул ва имконсиз вазиятда ҳам түгри йўл, тадбир топа олиш қобилияти, ноёб ақл-заковати ҳар қандай одамни ҳайратга солади. Амир Темурдек буюк ва бетакрор сиймони ҳар томонлама тушуниш, у барпо этган қудратли салтанатнинг сиёсий, ижтимоий-иктисодий, маънавий-мафкуравий асосларини, Соҳибқироннинг давлат бошқаруви борасидаги улкан салоҳияти, маҳорати, билим ва тажрибаларини ўрганишда, умуман айтганда, ҳаёт сирларини англаб етишда «Темур тузуклари» бебаҳо қўлланма бўлиб хизмат қилади.


Айниқса, бугунги мураккаб ва таҳликали даврда бу китобни қайта-қайта мутолаа қилиш, унинг мағзини чақиши биринчи галда раҳбар, етакчи бўлишдек масъулиятли вазифани ўз зиммасига олган одамлар учун, қолаверса, ҳар қайси зиёли инсон учун бағоят фойдали экани ҳақида ортиқча гапириб ўтиришга ҳожат йўқ, деб ўйлайман.

Ишончим комилки, ёшларимиз бу китобни меҳр қўйиб, тушуниб, чуқур англаб ўқиса, уларнинг қалбида миллий ғурур туйфуси юксалади, ўзининг қандай буюк зотларнинг авлоди эканини янада чуқурроқ ҳис этиб, ҳаётнинг ҳар қандай синов ва қийинчилклари ни енгишга қодир инсонлар бўлиб вояга етади.

Шу маънода, «Темур тузуклари» китобининг мамлакатимизда она тилимизда янгитдан юксак сифат билан чоп этилиши, ҳеч шубҳасиз, маданий ҳаётимиздаги ўзига хос муҳим воқеадир. Қадимий ва бой, шавкатли тарихимиз, бетакрор меросимиз, азалий қадриятларимиз билан қизиқадиган барча китобхонларни ана шу қувончли воқеа билан чин дилдан қутлаб, бу ноёб асар уларнинг ҳаётида доимий маънавий ҳамроҳ, бўлиб қолишини тилайман.

**ИСЛОМ КАРИМОВ,**  
Ўзбекистон Республикаси Президенти





ТЕМУР  
ТУЗУКЛАРИ



Форсча матндан

Алихонтура СОҒУНИЙ ва  
Ҳабибулла КАРОМАТОВ таржимаси

Изоҳлар

Бўрибой АҲМЕДОВ ва Ашраф АҲМЕДОВ  
томонидан тайёrlанган



# Бириńчи китоб<sup>1</sup>

## КЕНГАШЛАР ВА ТАДБИРЛАР

*W*зга мамлакатларни забт этиш, уларни идора қилиш, ғаним лашкарларини синдириш, душманни тузоқقا тушириш, мухолифларни (кўнглини овлаб) дўстта айлантириш, дўст-душман орасида муомала, муросаю мадора қилиш хусусида ушбу кенгаш ва тадбирларни қўлладим.

Пири́м<sup>2</sup> менга ёзмишларким: «Абулмансур<sup>3</sup> Темур, салтанат ишларида тўрт нарсага амал қилгин, яъни:

<sup>1</sup> Форсча матнда «Мақола» деб берилган. (А. Аҳмедов изоҳи. Бундан бўён: – А.А. Бошқа изоҳлар Б. Аҳмедовга тегишли.)

<sup>2</sup> «Тузуклар»нинг Бомбей нашрида китоб ҳошиясида шу ўринда Зайниддин Абубакр Тайободий номи кўрсатилган. (– А.А.)

Амир Темурнинг уч шайхга нисбатан ихлоси жуда кучли бўлган. Булар – Шамсиддин Кулол, Сайид Барака ва Зайниддин Тайободийлардир. 1) Шамсиддин Кулол Амир Темурнинг отаси Амир Тарайнинг пири (ваф. 1370 й. Кеш). 1373 – 74 йилларда Амир Темур Шамсиддин Кулол қабри ёнида гумбазли мақбара қурдиради ва отасининг хокини ўша ерга кўчиртириб, Шамсиддин Кулол қабрининг қибла томонига дағн этади. 2) Мир Сайид Барака(ваф. 1404 й.). Амир Темур у билан Термиз яқинида учрашган. Амир Темур унга 1370 йилда Андхуд (ҳозирги Афғонистонда Андхўй) вилоятини иқтоъ тарзида инъом этган. Мир Сайид Барака Амир Темурга зафар ва ғалабалар рамзи бўлган ногора билан байроқ тортиқ қилган, Соҳибқироннинг Мозандарон, Даشت Қипчоқ ҳарбий юришларида унга ҳамроҳ бўлган. Самарқандда Амир Темур мақбарасига дағн қилинган. 3) Зайниддин Абубакр Тайободий. Хуросонлик йирик шайх ва шайхулислом. «Зубдат ут-таворих» асарида Ҳофизи Абру Амир Темурнинг Хуросонга юриши (782/1381) пайтида у билан учрашгани ҳақида ҳикоя қилган. Муаррих Фасиҳ Ҳавофиининг (XV аср) «Мужмали Фасиҳий» асарида ҳам шундай маълумот келтирилган ва Тайободийнинг 1389 йил 29 январда вафот этгани айтилган.

<sup>3</sup> Абулмансур (лугавий маъноси: зафар, ғалаба қозонувчи) – уламо ва машойихлар тарафидан Амир Темурга берилган фахрли ном.



1) (ўзинг билан) кенгаш<sup>1</sup>; 2) (бошқалар билан) машварату маслаҳат айла; 3) ҳушёргиғи муроҳазакорлик билан қатъий қарор чиқар; 4) эҳтиёткор бўл. Чунки кенгаш ва машваратсиз салтанатни барча қилган ишларию айтган гаплари хато бўлган жоҳил кимсага қиёслаш мумкин; унинг сўзлари ва қилмишлари бошга пушаймонлик ила надомат келтиргай. Шундай экан, салтанатни бошқаришда машварату маслаҳат ва тадбир билан иш юритгин, токи оқибатда надомат чекиб, пушаймон бўлмагайсан.

Яна шуни ҳам билгилким, салтанат ишларининг бир қисми сабру тоқат билан бўлгай, яна бир қисми эса билиб-бilmасликка, кўриб-кўрмасликка солиш билан битур. (Хуллас) тадбирлардан огоҳ қилингандан кейин шуни айтиш жоиздирким, қатъийлик, ҳушёрик, эҳтиёткорлик, шижоат ва сабр-чиdam билан барча ишлар амалга оширилгай. Вассалом».

Бу мактуб менга йўл бошловчи янглиғ раҳнамолик қилди. У менга салтанат ишларининг түққиз улуши машварат, тадбир ва кенгаш, қолган бир улуши эса қилич билан бажо келтирилишини англатди. (Донишманлар) демишлиларким, ўз ўрнида қўлланган тадбир билан кўплаб лашкарнинг қиличи ожизлик қилган ҳар қандай мамлакат дарвозасини очиб, фавж-фавж аскарларни енгиб бўлур.

Тажрибамда курилганким, азми қатъий, тадбиркор, ҳушёр, жанг кўрган, мард, шижоатли бир киши мингта тадбирсиз, лоқайд кишидан яхшироқдир. Чунки тажрибали бир киши минглаб кишига иш буюради.

Мен яна тажрибамда кўрдимкни, фаним лашкарини енгиш қўшиннинг кўплиги билан эмас, мағлуб бўлиш эса сипоҳнинг камлигидан бўлмайди. Балки ғолиб бўлмоқлик (Тангрининг) мадади ва баңдасининг тад-

---

<sup>1</sup> «Темур тузуклари»да «кенгаш» сўзи икки маънода келган:  
1. Мустақил фикрлаш ва қарор қабул қилиш. 2. Бошқалар билан маслаҳатлашиш.



бири биландир. Чунончи, мен кенгашиб ва тадбир юритган ҳолда икки юз қирқ уч киши билан Қарши қалъаси устига юрдим. Амир Мусо ва Малик баҳодир ўн икки минг<sup>1</sup> отлиқ аскар билан қалъа ва унинг атрофини қўриқламоқда эдилар. Лекин Тангри таолонинг ёрдами етиб, ўзим қўллаган тўғри тадбирларим орқали Қарши қалъасини эгалладим.

Шундан сўнг, амир Мусо ва Малик баҳодир ўн икки минг отлиқ аскар билан устимга бостириб келиб, мени Қарши қалъасида қамал қилдилар. Мен Тангрининг мададиу иноятига ишониб, тадбиркорлик ва эҳтиёткорлик ишлатган ҳолда қалъадан чиқиб, қулай фурсатларда бир неча марта жангга кирдим. Пировардида шу икки юз қирқ уч йигитим билан ўн икки минг отлиқ ғаним лашкарини мағлубиятта учратдим ва уларни бир неча фарсанг<sup>2</sup> ергача қувиб бордим.

Яна тажрибамдан ўтмишким, гарчи ишнинг қандай якунланиши тақдир пардаси орқасида яширин бўлса ҳам, ақли расо ва ҳушёр кишилардан кенгашу тадбир истаб, фикрларини билмоқ лозимдир. (Шунинг учун) пайғамбаримиз Муҳаммад саллоллоҳу алайҳи васаллам (унга Тангрининг марҳаматлари ва саломлари бўлсин) айтганларидек, ҳар бир ишни қилишга киришар эканман, аввал обдан ўйлаб, (амирларим билан) кенгашдим.

Маслаҳатчилар ва кенгаш ахли йифилганда, олдимиздаги ишларнинг яхши-ёмон, фойдаю зиён томонлари, уларни амалга ошириш, оширмаслик ҳақида сўз очиб, (улардан) фикр сўрап эдим. Сўзларини эшитгач, ишнинг ҳар икки томонини мушоҳада қилиб, фойдазиёнларини кўнглимдан кечирардим; унинг хатарли томонларига кўпроқ эътибор назари билан қаарардим; қайси бир ишда икки хатар мавжуд бўлса, уни (ба-

<sup>1</sup> Асарнинг Текрон нашрида «икки минг отлиқ аскар» деб кўрсастилган.

<sup>2</sup> Фарсанг — тахм. 6 км га teng масофа. (—А.А.)



жаришдан) воз кечардим ва бир хатарлик ишни ихтиёр этардим. Чунончи, шунга кўра Туғлуқ Темурхонга<sup>1</sup> тўғри йўл курсатганман. Унинг амирлари Даشت Жетада<sup>2</sup> исён туғини кўтаргандарида, мендан маслаҳат сўради. Унга шундай дедим: «Агар фанимни синдириш учун бир фавж аскар юборсанг, олдингда икки хатар бордир, агар ўзинг олиб борсанг, бир хатар мавжуд». У менинг маслаҳатимга кириб, Даشت томон ўзи бориб эди, мен айтгандек бўлди.

Ишларимнинг барини кенгаш билан юргизиб, уни битирищда тўғри тадбир қўллар эдим. Бир ишга киришмай туриб, ундан чиқиши йўлларини ўйлаб қўяр эдим. Уни тўғри тадбир, қатъий жазм, сабр-чиdam кўрсатиб, эҳтиёткорлик билан узогини ўйлаб, ортини эсдан чиқармаган ҳолда охирига етказардим.

Яна тажрибамдан ўтказдимки, кенгаш аҳли бирлик, иттифоқлик билан сўзда собит, ишда чидамли бўлишлари шартдир. Қилмоқчи бўлган ишларини қилмасдан қолдирмасунлар. Агар бирор ишни қилмасликка сўз берар эканлар, унинг яқинига ҳам йўламасунлар.

Тажрибамдан маълум бўлдики, кенгаш икки турли бўлур. Бири — тил учida айтилгани, иккинчиси — дилдан чиққани. Тил учida айтилганини (шунчаки) эшистардим. Дилдан айтилган маслаҳатни эса қалбим қулоғига қуярдим ва дилимга жойлардим.

Агар (фаним устига) лашкар тортмоқчи бўлсам, уруш-ярашдан ўртага сўз ташлаб, амирларим қўнгилларининг бу икковидан қай бирига мойиллигини билишга интилардим. Агар ярашдан сўз очсалар, бунинг

<sup>1</sup> Туғлуқ Темурхон — Мўгулистон хони (1348—1362). Мўгулистон ёки Жета — Чигатой улуси парчаланиши натижасида унинг Мовароуннахрдан шарқдаги қисми, яъни Шарқий Туркистон ва Еттисув ерларини ўз ичига олган давлат. Хон 1360—1361 йиллар баҳорида Мовароуннахрга икки марта юриш қилиб, Қашқадарё воҳасигача етган. 1362 йили вафот этган. (—А.А.)

<sup>2</sup> Даشت Жета — Еттисувда Чу дарёси атрофидағи даштлик. (—А.А.)



фойдасини уруш зиёнига солишириб кўрадим. Агар урушга мойил бўлсалар, унинг наф ва фойдасини яраш зиёнига таққослаб кўрадим; қайси бири фойдалироқ бўлса, шуну ихтиёр қиласадим.

Сипоҳни иккилантирадиган (турумсиз) кенгашни эшишидан сақланардим. Кенгаш аҳлидан кимки куюниб маслаҳат берса, қулоқ солардим, кимки оқилона гапларни мардларча кескинлик билан сўзласа, уни диққат билан тинглардим.

Ҳар кимдан сўз олиб, кенгаш сўрар эдим. Лекин айтилган ҳар бир маслаҳатнинг яхши-ёмон томонлари ҳақида ўйлаб кўргач, тўғри ва савоблироғини танлаб олардим.

Чунончи, Чингизхон авлодидан бўлмиш Туғлуқ Темурхон Мовароуннаҳр мулкини босиб олиш қасдида қўшин тортиб<sup>1</sup>, Ҳўжанд сувидан<sup>2</sup> кечиб ўтгач, менга, амир Ҳожи Барлос<sup>3</sup> ва амир Боязид Жалойир<sup>4</sup> номига ёрлиқ<sup>5</sup> жўнатиб, унинг ҳузурига боришимизни талаб қилган эди. Улар мен билан кенгашдилар: «Ўз эл-улусимиз билан Хурсонга кетайликми ёки Туғлуқ Темурхон қошига борайликми?» Мен уларга бундай йўл курсатдим: «Туғлуқ Темурхоннинг ҳузурига борсангиз икки фойда, бир зиён бордир. Хурсон томонга ўтиб кетишнинг (эса) икки зиёни, бир фойдаси бордир».

Улар менинг кенгашимга кирмадилар ва Хурсон томонга кетдилар<sup>6</sup>.

<sup>1</sup> Вокеа 1360 йилнинг баҳорида содир бўлган.

<sup>2</sup> Ҳўжанд суви – Сирдарёнинг ўрта асрлардаги номларидан бири.

<sup>3</sup> Амир Ҳожи Барлос – нуфузли барлосbekларидан. Кеш ва унга тобеъ ерлар ҳокими. Шарафиддин Али Яздий «Зафарномаси»да келтирилишича, Амир Темурнинг амакиси бўлган ва 1361 йили Хурсоннинг Жувайн мавзеида ўлдирилган. 1381 йили Амир Темур Жувайн мавзеини забт этган ва амакисининг авлодларига у жойдан «мол» солигини йиғиши ҳуқуқини берган.

<sup>4</sup> Амир Боязид Жалойир – Ҳўжанд вилоятининг амири. 1361 йили Туғлуқ Темурхоннинг буйругига кўра қатл этилган.

<sup>5</sup> Ёрлиқ – фармон.

<sup>6</sup> Бу вокеа 1361 йилда содир бўлган.



Мен ҳам Хурсонга ёки бўлмаса Туғлуқ Темурхоннинг қошига бориш-бормаслигимни билмай иккилашиб қолдим. Шу ҳол асносида пирамидан маслаҳат сўраб хат ёзган эдим, ушбу мазмунда жавоб ёзиб юборибдилар: «Тўртингчи халифадан<sup>1</sup>, унга Тангрининг карому марҳамати бўлсин, бир киши сўрабдики, осмон — камон, ер — камон ипи, ҳодисалар ўқ-ёй бўлса, инсонлар ул ўқ-ёйларга нишон бўлса, отфучи (эса) — буюк ва қудратли Худойи таоло бўлса, одамлар қаерга қочадилар?» Халифа жавоб қилиб: «Одамлар Тангрининг қошига қочсунлар», — дебди. Шунга ўхшаш сен ҳам ҳозир Туғлуқ Темурхоннинг олдига қочфил ва қўлидаги ўқ-ёйини тортиб олғил».

Бу жавоб келиши билан кўнглим кўтарилиб, юрагим бундан қувват олди ва Туғлуқ Темурхон қошига боришга аҳд қилдим.

Лекин бирон ишни қилмоқчи бўлсам, кенгашиб олгач, кейин Қуръондан фол очардим ва Қуръон ҳукми билан иш қилур эдим. Туғлуқ Темурхон олдига борищдан аввал Қуръонни очсан, «Сурайи Юсуф»<sup>2</sup> чиқди ва Қуръони мажид ҳукмига амал қилдим.

## ТУҒЛУҚ ТЕМУРХОН БИЛАН УЧРАШГАНИМДАН СҮНГ КЎНГЛИМГА КЕЛГАН БИРИНЧИ КЕНГАШИМ

Туғлуқ Темурхон (саркардалари) Беккичик, Ҳожибек арканут<sup>3</sup>, Улуғ Түф Темур керайит<sup>4</sup> ва Жетанинг

<sup>1</sup> ...тўртингчи халифа — бу ерда ҳазрати Али ибн Абу Толиб (656—661), Мұхаммад пайғамбарнинг амакивачаси ва кўёви назарда тутилган.

<sup>2</sup> «Қуръони карим», Юсуф сураси, 54-оят.(Шоҳ, буюорди: «Уни ҳузуримга келтирингиз, ўзимга хос кишилардан қилиб олай!» У билан сўзлашгач (шоҳ): «Сен бутун(дан бошлаб) бизнинг ҳузуримизда мартабали ва ишончли (шахс)дирсан», — деди.)

<sup>3</sup> Арканут — Чигатой улусининг шарқий қисми (Мугулистон)-даги кўчманчи турк қабилаларидан бири. (— А.А.)

<sup>4</sup> Керайит — нуғузли турк қавмларидан бирининг номи. Унинг бошликлари ўз вақтида Чингизхонни қўллаб-қувватлаган.



бошқа амирларидан уч фавж<sup>1</sup> тузиб, Мовароуннаҳр мамлакатини талон-торож қилиш учун юборгани, ўша уч фавж қўшин Хузор<sup>2</sup> деган жойга келиб тушгани ҳақидаги хабар менинг қулогимга етди. Шунда Туғлуқ Темурхонни бориб кўришдан илгари бу очкўз амирларни мол-дунё билан маҳлиё этиб, Мовароуннаҳр вилоятини қатлу форатдан қутқариб қолишга қарор қилдим.

Тилга олинган амирларни кўрганимда, уларни ҳайбатим босди шекилли, ортиқча илтифотлар кўрсатиб, ҳурматимни бажо келтирдилар. Уларнинг қўзларига ўхшаш кўнгиллари ҳам тор бўлганидан, совға-соврун<sup>3</sup> йўсинасида берилган ҳар турлик тансиқ моллар кўзларига кўп кўринди ва Мовароуннаҳрни босиб олиш, талон-торож қилиш ниятидан қайтдилар.

(Шундан сўнг) тўғри бориб Туғлуқ Темурхон билан кўришдим<sup>4</sup>. Xон келишимни яхшиликка йўйиб, (салтанат ишларида) мендан кенгаш сўради. Кўрсатган кенгашларимни тўғри деб топиб, барчасини қабул қилди.

Шу аснода Туғлуқ Темурхонга хабар келтирдилар-ким, (юқорида айтилган) уч фавж амирлари маҳаллий халқдан нақд пул ва соврунлар олиб, улар билан келишишмишлар. Xон шу ондаёқ мол-мулк билан нақд пулларни қайтариб олиш учун вакил тайин қилди ва амирларни бундан буён Мовароуннаҳрга боришларини манъ этди. Мансабларидан бўшатди. Ўринларига Ҳожи Маҳмудшоҳ Ясурийни<sup>5</sup> тайинлади.

<sup>1</sup> Фавж – ҳарбий бўлинма, катталиги турлича бўлган.

<sup>2</sup> Хузор – Қашқадарё вилоятига қарашли ҳозирги Фузор тумани маркази.

<sup>3</sup> Соврун – ўрта асрларда подшоҳ ва хонлар, умуман олий мартаблини кишилар билан учрашганда уларга қилинадиган тансиқ, моллардан иборат қимматбаҳо тортиқ.

<sup>4</sup> Шарафиддин Али Яздий «Зафарнома» асарида ёзишича, бу учрашув 761/1360 йилда юз берган. (–А.А.)

<sup>5</sup> Ҳожи Маҳмудшоҳ Ясурий – Ясур уруғининг амири. (–А.А.)



Бу ҳақда амирлар хабар топгач, душманлик байро-  
фини күтариб, юртларига қайтиб кетдилар. Йўлда хон-  
нинг девонбеги ва бош маслаҳатчиси бўлмиш Ӯғлон-  
хўжани учратдилар. Уни ҳам ўзларига оғдириб олиб,  
Жета томон юзландилар.

Айнан шу вақтда Туғлуқ Темурхоннинг Даشتி  
Қипчоқдаги<sup>1</sup> амирлари ҳам исён туғини кўтаргани  
ҳақида хабар олинди. Бундан хон ташвишга тушди. У  
мен берган маслаҳатга кўра Жета тарафга йўл олди.  
Мовароуннаҳрни эса менга қолдирди ва бу хусусда  
ёрлиғу аҳднома ёзиб берди. Амир Қорачор нуённинг<sup>2</sup>  
Мовароуннаҳрдаги туманини ҳам менга топширди.  
Мен бутун Мовароуннаҳр вилоятига, то Жайхун дарё-  
сининг соҳилларигача чўзилган ерларга ҳукмрон  
бўлдим.

Давлат ва салтанатимнинг бошланишида энг аввал  
қилган кенгашим шул эди.

Мен тажрибамдан шуни билдимки, юз минг отлиқ  
аскар қиломаган ишни бир тўғри тадбир билан амалга  
ошириш мумкин экан.

## ДАВЛАТ ҚУРИШ ОЛДИДАН ҚИЛГАН ИККИНЧИ КЕНГАШИМ

У шундан иборат бўлдики, ҳижрий 762 (милодий  
1361) иили Туғлуқ Темурхон иккинчи марта Моваро-  
уннаҳрга қўшин тортиб келиб, мени ўз хузурига чор-  
лаб нома жунатди. Мен (рози бўлиб), унинг истиқбо-  
лига чиқдим ва у билан кўришдим. У орамиздаги аҳд-

<sup>1</sup> Даشتி Қипчоқ — араб ва форс тилларидағи адабиётларда XI  
аср бошлариданоқ қўлланган бу атама Шарқий Туркистондан тор-  
тиб, фарбда то Дунай дарёсининг қўйи оқимиғача булган ерларни ўз  
ичига олган. Қипчоқ сўзи рус солномаларида «половец» дейилган,  
Византия солномаларида эса «коман» атамаси қўлланган. Туғлуқ  
Темурга бу Даشتнинг шарқий қисми қараган. (—А.А.)

<sup>2</sup> Қорачор нуён — Чингизхоннинг нуфузли амирларидан бири,  
Чифатойхоннинг маслаҳатчиси ва лашкарбошиси.



ни бузиб, Мовароуннаҳрни ўғли Илёс Хожага<sup>1</sup> топшириди, мени эса сипоҳсолор қилиб белгилади. Бу ишга ортиқча рўйхушлик билдирмаётганимни сезиб, бобом Қачули баҳодир<sup>2</sup> ва ўзининг бобоси Қабулхонларнинг<sup>3</sup> аҳдномасини кўрсатди. Пўлат тахтага ўйиб ёзилган аҳдномада «Хонлик Қабулхон авлодининг қулида, сипоҳсолорлик эса Қачули баҳодир болаларида бўлсин, улар бир-бири билан ёвлашмасинлар» деган сўзлар битилган экан. Буни ўқиб кўргач, улувлар аҳдига вафо қилиш юзасидан сипоҳсолорликка розилик бердим.

Мовароуннаҳрда мўгулларнинг<sup>4</sup> жабру зулми ортиб кетди. Чунончи, саййид ва саййидзодалардан етмиш кишини асир олиб банд этдилар. Илёс Хожа давлат ва сиёsat ишларида лаёқатсиз бўлгани туфайли уларнинг зулму ситамига барҳам беришга ожиз эди. Мен бўлсан, ўз салобату ҳайбатим билан мўгуллар устидан ғалаба қозондим ва мазлумларни золимлар жабридан халос этдим. Бу Илёс Хожа амирлари ва мўгулларнинг менга нисбатан душманлик қилишларига сабаб бўлди. Улар Туғлук Темурхонга хат ёзиб, «(Амир) Темур бизга қарши исён туғини кўтарди» дедилар. Хон ёлғон гапларни чин билиб, мени ўлдириб йўқотиш ҳақида ёрлиғ юборди. Бу ёрлиғ менинг қулимга тушиб қолди. Ундан ўлимга ҳукм қилинганимни билиб олдим. Бунга қарши чора кўриш учун қуийдаги тадбирни ишлатдим. Барлос улусининг баҳодир йигитларини ўз атро-

<sup>1</sup> Илёс Хожа – Мўгулистон хони Туғлук Темурнинг ўми. Отаси ўлганидан кейин қисқа муддат Мўгулистон хони (1363–65) бўлган.

<sup>2</sup> Қачули баҳодир – барлос қабиласидан; Амир Темурнинг саккизинчи аждоди.

<sup>3</sup> Қабулхон – турк-мўгулларнинг афсонавий онаси Алонқуванинг авлоди; Чингизхоннинг учинчи аждоди. (–А.А.)

<sup>4</sup> ...Мўгуллар – Мўгулистоңдан (Жетадан), яъни Чигатой улусининг шарқий қисмидан Илёс Хожа билан бирга келган мўгуллар назарда тутилган. Форсча матнда «ўзбеклар» деб берилган, аммо бу бошқа тарихий манбаларга зид бўлиб, тарихий ҳақиқатта ҳам тўғри келмайди. (–А.А.)



фимга түплаб, уларни бирлаштирдим. Менга бўйсунниб кўмақдош бўлмоқлик учун розилик берган биринчи киши – Ийгу Темур бўлди, иккинчиси – амир Жаку Барлос эди. Булардан бошқа улус баҳодирлари ҳам жону диллари билан менга бўйсунмоқقا (ва хизмат этмоққа) аҳд қилдилар.

Мовароуннахр аҳолиси менинг бу ишимдан хабар топиши биланоқ, тезда мӯғулларга хужум қилишим кераклиги ҳақида истак билдирилар. Чунки уларнинг қалби золим мӯғуллар тоифасидан бутунлай безган эди. Мовароуннахр аҳолисининг каттаю кичиги мен билан бирлашди. Мамлакатнинг уламо ва машойихлари эса мӯғуллар тоифасини йўқ қилиш ҳақида фатво ёзиб бердилар. Улус амирлари ва қўшун бошлиқларининг баъзилари ҳам бу ишга қўшилиб, биз билан бирлашдилар. Бу тўғрида ёзилган аҳднома ва фатволарининг нусхаси бу эди: «Тўғри йўлдан борувчи халифалар<sup>1</sup>, Оллоҳ, таоло уларнинг барчасидан мамнун бўлсун, тутган йўлларига ва қилган ишларига мувофиқ Мовароуннахрдаги бутун аҳли ислом, сипоҳу раият<sup>2</sup> ёхуд уламою машойих, Амир Темурга иззату икром кўрсатиб, уни Амир Темур қутби салтанати олий деб атасунлар ва уни Оллоҳнинг (ердаги) құдрати – салтанат таҳтига лойик, деб билсунлар. Мусулмонларнинг ер-суви, но-муси, мол-мулки ҳамда жонига зулм-ситам қўлини чузган мӯғуллар тоифасини даф қилишда ва умуман йўқотишда (Амир) Темурга (ёрдамлашиш учун) ўз молу жонларини (аямай) тиришиб ҳаракат қилсунлар. Биз ўз аҳду байъатимизга<sup>3</sup> содик қолурмиз. Агар берган аҳд-паймонимиздан қайтсак, Оллоҳнинг құдратиу қув-

<sup>1</sup> Матнда хулафо ар-рошидин (*тўғри йўлдан борган халифалар*) – Мұхаммад пайғамбар вафотидан сўнг ислом жамоасига раҳбарлик қилган тўрт халифа: Абу Бакр (632–634), Умар (634–644), Усмон (644–656) ва Али (656–661).

<sup>2</sup> Раият – солик, тўловчи ҳалқ.

<sup>3</sup> Байъат – аҳд-паймон, қасамёд.



вати ва ёрдамидан чиқиб, шайтон қудратио ёрдами йўлига кирган бўлайлик».

Бу фатвони менга кўрсатгандаридан кейин жанг жадал байроғини кўтариб, мўгуллар устига лашкар тортишга қарор қилдим ва мазлумлар ҳақини золимлардан олиб бермоқчи бўлдим. Лекин бир неча разил кишилар бу сирни фош қилиб қўйдилар.

(Шундан кейин) ўйланиб қолдим. «Мабодо Самарқанд шаҳри ичидага мўгулларга қарши уруш бошласаму, бироқ Мовароуннаҳр аҳли (жанг қилишдан) қўл тортса-чи? (Унда нима қиласман?) Яхиси, шаҳардан чиқиб, Самарқанд тоғларида ўринлашай, токи менга қўшилишни истаганлар хузуримга келсунлар. Шунда мен катта сипоҳ тўплаб, мўгулларга қарши жанг жадални бошлагайман», — деб қарор қилдим.

Самарқанддан чиққанимда олтмиш отлиқдан бошқа бир киши ҳам менга эргашмади. Шундан билдимки, ўйлаган кенгашим хато бўлмаган экан. Ўша тоғда бир ҳафтача кутиб ётдим, (лекин) бирон киши бизга келиб қўшилмади. Шунинг учун кенгаш тузиб Бадахшон<sup>1</sup> тарафига ўтиб, у ернинг шоҳлари билан бирлашишга қарор қилдим. Отланиб, Амир Кулолнинг<sup>2</sup> хузурига бордим. Ул зот менга Хоразмга боришимни маслаҳат берди. Агар мўгуллар устидан ғалаба қозонсам, Самарқанднинг бир йиллик хирожини<sup>3</sup> ул зотга назр

<sup>1</sup> Бадахшон – тоғли ўлка, Панж дарёсининг иккала қирғоги, Амударёning бошланиши қисми, Кўкча дарёси ва унинг ирмоқлари ҳавзасини эгаллаган. Ҳиндистонга денгиз йўли очилгунча, Бадахшон транзит маркази сифатида муҳим эди, чунки унинг худудида Хитойдан Ҳиндистон, Эрон ва Европага борадиган карvon йуллари кесишарди. Ҳозир Бадахшон иккига бўлинган: шимолий қисми Тоҷикистон худудида, маркази Хорог; жанубий қисми Афғонистонда. (–А.А.)

<sup>2</sup> Бу ерда Шамсиддин Кулол назарда тутилган.

<sup>3</sup> Хирож – ер солиги ва умуман даромад солиги учун қўлланилган атама; айрим ҳолларда даромаднинг учдан бир ёки учдан икки қисмини ташкил этган; «мол» деб ҳам аталган.



қилишни құнглымга тутдим. У менга зафар тилаб фотиха үқиғанидан сұнг, кетишимга ижозат берди.

Амир Кулолнинг хизматидан чиққанимда, менга ҳаммаси бўлиб олтмиш отлиқ ҳамроҳлик қиласарди. Илёс Хожа менинг Хоразмга юриш қилаётганимдан хабар топиб, Хивақ<sup>1</sup> ҳокими Тўкал баҳодирга хат ёзиб, менга қарши чиқишини ва мени үлдиришни буюрган экан.

Тўкал баҳодир минг отлиқ аскар олиб, менинг устимга келди. Олтмиш отлиқ йигитим ҳамда йўлда менга қўшилган (қайноғам) Амир Ҳусайн билан бирга минг отлиқдан иборат фаним лашкарига юзма-юз бўлдим ва жангга киришдим. Бу жангда шундайин баҳодирлик қилиб, матонат кўрсатдимки, унинг минг кишисидан эллик киши, менинг олтмиш отлиқ йигитимдан эса ўн кишигини қолди. Оқибат, барибир, зафар мен томонимда бўлди. Зафар қучганим хабари Илёс Хожа ва Жета амирларига еттач, улар (таажжубланиб): «(Амир) Темур ажаб эр киши экан, унга Тангрининг мадади етиб, баҳту иқболи очилмиш», деб ўзаро сўзлашибдилар. Мен бу урушдаги зафарни яхшилик аломати деб билдим. Мўғуллар мендан чўчийдиган бўлдилар.

## ЎЗ САЛТАНАТИМНИ ТУЗИШ ЙЎЛИДА ҚИЛГАН УЧИНЧИ КЕНГАШИМ

Ўша вактда давлатимни тузиш йўлидаги уринишларим қаттиқ қаршиликка учраб, салтанатимнинг асоси кучсизлана бошлади. Чунончи, (шу пайт) менга эргашган йўлдошларим ўн нафардан ортиқ, эмас эди. Улардан еттитаси отлиқ, уч киши эса пиёда эдилар. Бошқа мен билан ҳеч ким қолмаганди. Мухтарама жуфти ҳалолим бўлмиш амир Ҳусайннинг<sup>2</sup> синглиси-

<sup>1</sup> Хивақ – ҳозирги Хива шаҳри.

<sup>2</sup> Амир Ҳусайн ибн Мусалло ибн амир Қазаган – Кобул, Балх, Ҳисори Шодмон ва Бадахшон вилоятларининг ҳукмдори. Аввалига Амир Темурнинг қайноғаси ва сафдоши, 1365 йилдан кейин асосий рақиби бўлган. 1370 йил апрелида Амир Темур Балхни эгаллаганидан кейин үлдирилган. (– А.А.)



ни<sup>1</sup> ўзимнинг отимга миндириб олган эдим. Шу ал-позда Хоразм чулларида бир неча кун саргардан бўлиб юрдим. Кунларнинг бирида кеч тушгач, қандайдир қудуқ бошига келиб етдим. Ўша кечаси пиёда юрган уч нафар хурросонлик бевафолик қилиб, отларимизни миниб қочдилар. Етти киши тўрт от билан қолдик. Аҳволим жуда оғирлашди. Лекин кўнгил тўқ эди. Бу ишни чакки қилган эканман деб ҳеч ўкинмас эдим. Сунгра бу ердан ҳам кўчдим. Шу вақт Алибек Жоникурбоний<sup>2</sup> ёпирилиб тепамга келди. Мени ҳисбга олиб, бургаси кўп бир қоронғу уйга қамаб қўйди. Бир неча кишини мени қўриқлаш учун қолдирди. Олтмиш икки кун тутқунлиқда сақлади. Ундан қутулиш чорасини излаб, ўз-ўзим билан кенгащдим ва Тангрининг инояти етиб баҳодирлигим тутди. Билакларим кучи билан соқчилардан бирининг қўлидан қиличини тортиб олдим-да, уларга ҳамла қилган эдим, ҳаммалари қочиб қолдилар.

Сунгра тўғри Алибекнинг устига бостириб кирдим. Мени кўргач, номақбул ишидан пушаймон бўлиб, узр сўради. Отларимни, жабдуқларим ва яроқларимни ҳозирлатиб, менга бир ориқ от билан бир қари туя тортиқ қилган бўлди. Оғаси Муҳаммадбек менга атаб юборган бир қанча совға-саломларни эса очкўзлик қилиб ўзига олиб қолди. Сунг кетишимга рухсат берди.

Хоразм чўли томон равона бўлдим. Ўн икки отлиқ атрофимга тўпланди. Икки кундан сунг бир манзилга етиб, қандайдир уйга тушдик. Шу орада бир гуруҳ ўша ерлик туркманлар пайдо бўлиб, «Ўғри!» – дейишиб

<sup>1</sup> Бу ерда амир Ҳусайннинг синглиси Улжай Туркон оқа назарда тутилган. Амир Темур уни 1356 йили ўз никоҳига олган. Бу никоҳдан Амир Темурнинг қизи Султон Баҳт бегим тутилган.

<sup>2</sup> Алибек Жоникурбоний – Шимолий Хурросоннинг нуфузли туркман бекларидан. Тавсифланаётган бу воқеа 1362 йили юз берган. (–А.А.)



бизга ҳужум қилмоқчи бўлдилар. Амир Ҳусайннинг синглисини бир уйга яшириб қўйиб, ўша жамоага қарши отландим, туркманлар ичидан Ҳожи Муҳаммад деган одам мени таниб қолди, «Хой, тўхтанглар, бу Амир Темур-ку!» деб, уларни урушдан қайтарди. Ўзи эса тиз уриб олдимга келди. Мен ҳам унинг кўнглини овлаб, бошига мандилимни<sup>1</sup> қўйдим. Сўнгра бу киши ўз оға-инилари билан менга мулоzим бўлди.

## САЛТАНАТИМНИНГ ДАСТЛАБКИ ДАВРЛАРИДА ҚИЛГАН ТЎРТИНЧИ КЕНГАШИМ

Менга эргашганлар сони олтмиш отлиққа етиб қолгандан кейин ўзимча ўйладим: «Агар келган манзилда тураверсаму, мабодо ерлик аҳоли менга қарши қўзғалиб, мўгулларга хабар бериб қўйса-чи? Яхиси, бу ердан кетиб, эл оёfi етмаган ерга бориб жойлашсам, тез фурсатда атрофимга салтанатимнинг куч-қудрати бўла оладиган қўшин тўпланар». Шу фикрда у ердан қўчиб, Хуросон томонга юзландим. Йўл устида Мохон<sup>2</sup> ҳокими Муборакшоҳ, Санжарий юз отлиқ аскари билан келиб, менга қўшилди ва яхши отлар тортиқ қилди. У ернинг жами саййидлари ва аҳолиси ҳам менга қўшилди. Ўша саҳрода отлиқ, яёв бўлиб икки юзга яқин киши ёнимга кирди. Шу пайт Муборакшоҳ, саййид Ҳасан ва саййид Зиёуддин менга арз қилдилар: «Бу саҳрода туравериш (қўшин) тарқаб кетишига боис бўлур, бирор томонга юриб, бирон вилоятни эгалашимиз керак». Мен ўз-ўзим билан кенгашиб, сўнг уларга айтдим: «Хотирамга бир фикр келди. Самар-

<sup>1</sup> Мандил — бош кийими, дўппи, кулоҳ, салла; ҳукмдорларда меҳри тушган бирон кимсага бош кийими, камари ёки чопонини тақдим этиш орқали ўз миннатдорчилиги, ҳурмат-эътиборини билдириш одати бўлган.

<sup>2</sup> Мохон — Марв шаҳри яқинидаги қишлоқ.



қанд тарафга борайлик. Сизларни (вақтингча) Бухоро атрофида жойларга тарқатиб тураман, ўзим эса Самарқанд теварагига бориб, эл-улус орасига кираман ва улар билан иттифоқ тузаман. Етарли лашкар тұплаб, сизларни чақыриб оламан. Кейин Жета ва Илөс Хожа лашкарига қарши жаңгта отланиб Мовароуннахр мамлакатини құлға киритамиз».

Уларнинг ҳаммаси менинг бу кенгаш ва тадбиримни тұғри деб тоқдилар. Сүнгра юришга фотиха үқиб, йүлға тушдим. Икки юз одамимни Бухоро атрофлари-га тарқатдым. Амир Ҳусайннинг синглиси Үлжай Туркон оқани ҳам яширинча ұша ерда қолдирдим ва ўзим Самарқанд томон йүл олдим. Йүлда Тамука Қавчин<sup>1</sup> ұн беш отлиғи билан менга құшилди. Сиримни унга айтиб, Муборакшоқ олдига юбордим. Ўзим яширинча улус оралаб, икки мингта яқын кишини иттифоқдош қылдым. Самарқанд узра салтанат байробини күттарғудек бұлсам, улар ёрдамга келадиган бўлдилар.

Тунда пинҳона Самарқандга кирдим ва опам Қутлуг Туркон оқанинг уйига бориб жойлащдим. Кечаю кундуз фикр оғушида чора-тадбир изладим. Шу тариқа қирқ саккиз күн яшириниб ётдим. Охири шаҳарлик-лардан биттаси менинг бу ерга келганимни пайқаб қолди. Сирим очилишига оз қолганда, ночор, кечаси бирга келган эллик отлиқ билан Самарқанддан чиқиб, яна Хоразм томон йүл олдим.

Мен билан бир тұп пиёда кишилар ҳам бор эди. Йүлда туркманларга қарашли йилқидан бир нечта отни құлға киритдим ва пиёдаларимни уларга миндирдим.

(Күп вақт) йүл юриб Амударё бўйидаги Ачиғи деган ўнқир-чўнқир ерга келиб тущдик. Шу ерга келганимда, Бухоро теварагида қолдирған ҳарам аҳли, Муборакшоҳ, Сайийд Ҳасан ва бошқа жамоа ҳам етиб келиб, менга құшилдилар. Темур Хожа Үғлон, Баҳром

<sup>1</sup> Қавчин – нуфузли туркий қабилалардан бирининг номи.



Жалойир ҳам ўзларига қарашли құшин билан келиб, менга мулозим бүлдилар. (Шу тариқа), мингта яқин отлиқ аскар атрофимга жамланди. Шу ерда кенгаш қилиб, Бохтарзамин<sup>1</sup> билан Қандақор<sup>2</sup> томонларга равона булишга ва у ерларни тасарруфимга киритишга қарор қылдим.

## ХУРУЖ КУНЛАРИ ҚИЛГАН БЕШИНЧИ КЕНГАШИМ

Бохтарзамин ва Қандақор томон кетаётиб, Ҳирманд<sup>3</sup> дарёсининг бўйига етганимда тўхтаб бир юрт<sup>4</sup> ясаттиридим. Аскарларимни дам олдириш учун бир неча кун ўша дарё бўйида турдим. Шу вақт Гармсир<sup>5</sup> вилоятининг аҳолиси билан сипоҳидан қарийб минг отлиқ турк ва тожик ҳам менга (келиб) қўшилди. Шу тариқа Гармсир вилояти менинг тасарруфимга кирди.

Шунда Сейистонга<sup>6</sup> турктоз қилишга қарор қылдим. Бу хабар Сейистон волийсига етгач, элчи орқали совға-саломлар юбориб, мендан ёрдам сўради: «Душманларим менга зулм қилиб, қўлимдан етти қалъамни тортиб олдилар. Агар мендан душман қўлини қисқа қилсалар, аскарларига олти ойлик озиқ-овқат етказиб берардим».

<sup>1</sup> *Бохтарзамин* – қадимги Бақтра; ўрта асрларда Балх ва унга ёндош ерлар.

<sup>2</sup> *Қандақор* – ҳозирги Афғонистоннинг жанубидаги қадимий ва катта шаҳарлардан.

<sup>3</sup> *Ҳирманд* – ҳозирги Афғонистоннинг жанубидаги Ҳилманд дарёси.

<sup>4</sup> *Юрт* – бу ерда қароргоҳ маъносида.

<sup>5</sup> *Гармсир* (форсча – иссик, ўлка) – Сейистон ва Балужистоннинг туташ ерлари. (– А.А.)

<sup>6</sup> *Сейистон* – ҳозирги Эроннинг жануби-шарқида ва Афғонистоннинг жануби-ғарбида жойлашган ўлка. 1872 йили Эрон ва Афғонистон орасида бўлинган. Ҳилманд дарёсигача бўлган қисми Эронга, ундан шарқи Афғонистонга ўтган.



Ўзимча кенгашиб күриб, Сейистон томонга лашкар тортишни маъқул топдим. Душманлар эгаллаб олган етти қалъадан бештасини куч ва қаҳр билан олганимни күриб, Сейистон волийсининг юрагига қўркув тушди ва кечаги душманларини энди ўзига дуст тутиб, ўзаро бундай кенгаш қилдилар: «Агар Амир Темур бу ерларда туриб қолар экан, Сейистон мулки қўлимииздан кетиши аниқдир», дейишиб, бутун Сейистоннинг сипоҳи ва раияти барчаси бирлашиб, менинг устимга бостириб келдилар.

Сейистон волийси ваъдасига вафо қилмагани учун иложсиз қолиб, уларга қарши жангу жадалга киришдим. Шу пайт бир ўқ келиб тирсагимга қадалди, яна бир ўқ оёғимга тегиб яралади<sup>1</sup>. (Шундай бўлса ҳам) охири улар устидан ғалаба қозондим. (Лекин) ўша мамлакатнинг об-ҳавосини мизожимга мувофиқ кўрмай, у ердан кўчиб, яна Гармсирга бордим. Ўша вилоятда яраларим битгунча икки ой туриб қолдим.

## ХУРУЖ ВАҚТИДА ҚИЛГАН ОЛТИНЧИ КЕНГАШИМ

У шундан иборатки, Гармсир тасарруфимга ўтиб, яраларим тузалгач, Балх<sup>2</sup> сарҳадидаги тоғларда туриб, ўша ерда қўшин тўплаб, Мовароуннаҳр мулкини забт этиш учун юриш қилмоқчи бўлдим. Кенгаш шунга тўхтагач, бу ердан отланиб чиқиб (қарасам), мен билан фақат қирқ отлиқ кишигина қолган экан. Лекин уларнинг бариси аслзода, амирзода, насли пок йигитлар эди. Шундайин азаматлар бу оғир кунларда нима учундир мендек олтину молсиз, озиқ-овқатсиз бир

<sup>1</sup> Бу жанг 1362 йилда бўлган. Унда Амир Темур ўнг қўлининг тирсагидан ва ўнг оёғидан камон ўқи билан яраланганд. Кейинчалик бунинг натижасида оқсоқланадиган бўлиб қолган.

<sup>2</sup> Балх – ҳозирги шимолий Афғонистонда, Мазори Шариф шахрининг гарбидағи кўҳна шаҳар.



кишига ҳамроҳ, бўлиб, итоат қилиб юрганлари учун Тангри таолога шукрлар айтдим. Ўзимча: «Оллоҳ, таолонинг мен билан қиласарлик улуғ ишлари кўп бўлса керакким, ўзим қаби йигитларни менга бўйсундирмиш», – деб ўйладим.

(Сўнг) Балх тоғларига қараб йулга тушдим. Кетаётганимизда Йилдирим Қорачор нўён авлодидан бўлмиш Сиддиқ Барлосга дуч келдим. Мени излаб саргардон бўлиб юрган экан, ўн беш отлиғи билан келиб менга қўшилди. Унинг келганини яхшиликка йўйдим. Ўша кунлари ов гуштлари билан кун кечирмоқда эдик.

Шу зайдада илгарила борарканмиз, йироқдан тепа устида бир тўп кишининг қораси куринди. Олдинга юрганимиз сари соатма-соат уларнинг сони ҳам ортиб борди. Тўхтадим. «Булар ким бўлди экан?» – деб уларнинг олдига қоровуллар<sup>1</sup> юбордим. Улар бориб: «Амир (Темур)нинг собиқ навкари Қозончи баҳодир экан ва Жета лашкаридан юз отлиқ билан ажралиб чиқиб, шундан бери амирни излаб, саргардон бўлиб юрган эмиш», – деган хабар олиб келдилар. (Буни эшитиб) ерга бош қўйиб Тангри таолога шукр қилдим. Дарҳол Қозончини ҳузуримга олиб келиш учун одам юбордим. У келгач, тиз уриб оёқларимни ўпди. Мен ҳам унинг кўнглини олиб, мандилимни бошига қўйдим. Сўнг бу ердан юриб Дарайи Арсаф<sup>2</sup> деган жойга келиб тушдим.

Эртасига отланиб, дарани айланада бошладим. Унинг уртасида бағоят хушҳаво бир тепалик бор экан, ўша баландликка чиқдим. Лашкарлар ул тепаликни қуршаб жойлашдилар. Ўша кеча жума туни эди, тонг отгунча (худодан мадад сўраб) ухламай чиқдим. Тонг отгач, бомдод намозини ўтадим, сўнг қўлимни дуога оч-

<sup>1</sup> Қоровул – хон ўрдасини қўриқловчи ҳарбий бўлинма. Қушиннинг маркази, қанотлари, илфор ва (ўғруқни) қўриқлаб борувчи ёки қўшиннинг олдида борувчи хабарчи маҳсус ҳарбий гурух.

<sup>2</sup> Дарайи Арсаф – Балх тоғлари ичида жойлашган дара.

ган эдим, күзларим ёшланиб, юрагим бұшаши, Тангрри таолога ёлвориб, мени бу сарсонлиқдан қутқарышини тиладим. Дуо тамом булганича ҳам йүқ эдики, узоқдан бир түп одам күринди. Улар тепаликни ёнлаб үтиб кетмоқда эдилар. Отланиб, уларнинг кимлигини билиш мақсадида орқаларидан бордим. (Қарасам) ҳам-маси бўлиб етмиш отлиқ экан. Улардан сўрадим:

— Баҳодирлар, ким бўласизлар?

Улар жавоб қилдилар:

— Амир Темурнинг навкарларимиз. Уни излаб то-  
полмай, кезиб юрибмиз.

Мен дедим:

— Мен ҳам амирнинг навкарларидан биридурмен.

Юрингиз, сизларни унинг олдига бошлаб борайин.

Улардан бири отини чоптириб бориб гапимни ўз сардорларига етказибди, «Биз Амир Темурнинг ҳузурига олиб борадиган йўлбошловчини топдик», дебди.

Улар отларининг жиловини буриб, мени дарҳол ҳузурларига келтиришни буюрдилар. Улар уч фавж эканлар. Биринчи фавжнинг сардори — Туғлук Хожа Барлос, иккинчисиники — амир Сайфиддин, учинчи-синики — Тутак баҳодир экан. Мени таниган заҳотлари ўзларидан кетаёзиб, отдан тущдилар. Тиз уриб, узангимни ўпдилар. Мен ҳам отдан тушиб, ҳар бири билан қучоқлашиб кўришдим. Мандилимни Туғлук Хожанинг бошига қўйдим. Жуда нозик ишланган, олтин билан зийнатланган камаримни эса амир Сайфиддиннинг белига боғладим. Чопонимни Тутак баҳодирга кийдирдим. Уларнинг кўнгли юмшаб, бағоят таъсирандилар. Мен ҳам қаттиқ таъсирандим. Пайтида жамоат билан намозни адо этдик. Сунгра отланиб, қароргоҳга бориб тущдик, мажлис қуриб, туй бердик. Эртаси куни Шер Баҳром<sup>1</sup> ҳам келди. У илгари ёшлиқ қилиб, мендан ажраб, Ҳиндистон заминини ҳавас

<sup>1</sup> Шер Баҳром — Хутталон амири. (—А.А.)





қилиб кетиб қолган эди. Үз қилмишидан пушаймон бўлиб, мендан кечирим сўради. Мен уни қучоғимга олдим ва узрини қабул этдим. Шу қадар унга меҳри-бонлик кўрсатдимки, у хижолатдан бутунлай фориг бўлди.

## ХУРУЖ КУНЛАРИ ҚИЛГАН ЕТТИНЧИ КЕНГАШИМ

Лашкаримнинг сонини ҳисоблаб кўрсам, ҳаммаси бўлиб уч юз ўн уч отлиқ экан. Үзимча кенгаш қилиб бирон қалъани қўлга киритиб, жойлашишга қарор бердим. Дастреб Алачу қалъасини эгаллаб олишга жазм қилдим. Илёс Хожа томонидан Менгли Буға Сулдуз<sup>1</sup> бу қалъага қўйилган экан. У ерни озиқ-овқат ва юклар сақланадиган жойга айлантироқчи бўлдим. Шу мақсадда Алачу қалъасига йўл олдим. Шер Баҳром ва (Менгли Буға Сулдуз) ўрталарида қадимдан ошнолик бўлганидан, у: «Мен қалъага бориб, уни ўзимизга эл қилсан», — деб рухсат сўради. Бироқ Шер Баҳром қалъа атрофига етиб боргач, менга: «Менгли Буғанинг сўзига қараганда, Илёс Хожа қалъани унга ишониб топширган, шундай бўлгач, энди Амир Темурга эл тутиниб, қалъани унга топширса, мардлик ва мурувватдан узоқ иш бўлур эмиш. (Шунинг учун) қалъани бизга топширишдан бош тортди», — деган хабар келди. Лекин тақдир экан. У менинг қўшин тортиб келаётганимдан хабар топгач, қўнглига ваҳима тушиб, қалъани ташлаб қочди. Илгари менинг хизматимда муло-зимлик қилган, Дўлон Жавун қавмидан уч юз йигит у (Менгли Буға) билан шу қалъада эди, келиб менга қўшилдилар. (Бу ердан кўчиб) Дарайи Суф<sup>2</sup> деган жойга келдим. Ӯша вақтда Туман баҳодирнинг ўғли Амлас Балх шаҳри атрофида талончилик билан машғул эди.

<sup>1</sup> Сулдуз — нуфузли мўғул қавмларидан бирининг номи.

<sup>2</sup> Дарайи Суф — Балхни Кобул билан боғловчи йўл ўтган жой.

Довруғимни эшитиб, икки юз отлиғи билан ҳузуримга бош әгіб келди. Мен унга адаб бериб, күнглини күтартдым.

Шу ердалик өмірінде, Тамука баһодирга уч отлиқ құшиб, Термиз дарёсидан<sup>1</sup> кечиб үтиб, Жета лашкари, унинг ақволи ва режалари тұғрисида хабар топиб келтириши буюрдым. Тамука тұрт кундан кейин шуни хабар қылдикі, Жета лашкари Термиз вилоятіга келген ва халқини талаб, уруш-талаш билан машғул әмиш. Буни эшитиб, Дарагез<sup>2</sup> деган жойға бориб туришни лозим күрдім. Кейинроқ құлай фурсат топиб, Жета лашкари устига тұсатдан бостириб боришни үйладым. Дарагезга келгач, Жайхұн дарёси бүйіда жойлашған Элчи Буға майдонига келиб тұщдым. Илес Хожа Дарагезга келганим ҳақыда хабар топиши биланоқ, құшинидан бир неча фавжни менга қарши урушга ҳозирлади.

Шу орада Жета лашкарида от сурган амир Сулаймон Барлос, амир Мусо Барлос<sup>3</sup>, амир Жаку Барлос, амир Жалолиддин, амир Ҳиндұка Барлос Жета амирларидан юз үтириб, үз аскарлари билан эски Термизга келиб тушғанлари ҳақыда хабар келтирдилар. Улар менинг ҳузуримга юборған Тұлан Буға етиб келиб, мулозиматимда бұлды ҳамда (номлари юқорида тилга олинған) амирлар минг отлиқ аскари билан менга құшилмоқчи ва мулозим бұлмоқчи эканликларини маълум қылди. Мен эрсам уларнинг келишини ишимнинг үнгланишидан даракчи деб тушундым. Улар менга тунда Жета лашкари устига кутилмаган босқын қилишни маслағат бердилар. Отланиб йүлға чиққан ҳам әдіккі, Жета лашкари етиб келганини билдиришди. Мен

<sup>1</sup> Термиз дарёси – Амударёнинг үрта асрлардаги номларидан.

<sup>2</sup> Дарагез (Дарайи-гез) – Балхнинг жанубий тарафида, ундан таҳминан тұрт фарсақ масофада, Балхоб дарёси бүйлаб жойлашған тоғ дараси.

<sup>3</sup> Амир Мусо асли Тойживут қабиласидан бұлған. (– А.А.)





ўз қўшиналаримни сафга тизиб, душман қаршисига бориб турдим. Икки лашкар ўртасида сув бор эди.

Фанимларимни чучук сўз, ширин ҳикоятим билан ўз томонимга оғдириб олмоқчи ва улар вужудидаги ёндирувчи (ғазаб) ўтини тўғри тадбир суви билан ўчирмоқни маслаҳат кўрдим. Шу тарзда уларни ром қилмоқчи бўлдим ва Жета лашкарининг сардори амир Абу Саъидга (кўп яхши) сўзлар айтдим. У айтган гапларимни маъқуллади. Бироқ бошқа амирлар унга қарши чиқишиб, уруш қилиш тарафдори бўлдилар. (Буни кўргач) менинг ҳам шиддат ўтим алангаланиб, лашкаrimни сафга тиздим.

## ЖЕТА ЛАШКАРИНИ СИНДИРИШ МАҚСАДИДА ҚИЛГАН САККИЗИНЧИ КЕНГАШИМ

Ўз-ўзимга дедим: «Агар Жета лашкари билан жанг қилсан, улар кўп сонли бўлгани туфайли мабодо менинг лашкаrimга зарар етса-чи?» Лекин шу заҳотиёқ файратим жўшди: «Салтанат даъво қилиб хуруж қилган экансан, салтанат шаъни ва мартабасига лойик иш шуки, жангга кириб, ё зафар қучиб ғолиб бўлгайсан, ёхуд ўлдирилгайсан», — дедим (ўзимга-ўзим).

Шундай азимат қилганимда ғанимлар уч фавжга бўлиниб, урушталаб бўлиб турганларини кўрдим. Мен ўз лашкаrimни етти фавжга бўлдим. Етти фавжимни кетма-кет душман устига ташлаб туришни маслаҳат кўрдим. Жангу жадал ўти баланд кутарилгач, амр қилдимки, ҳировул<sup>1</sup> фавжлари пистирмадан туриб ғанимга ўқ ёғдирисин. Шиқовул<sup>2</sup> ва чоповул<sup>3</sup> фавжларига эса

<sup>1</sup> Ҳировул — лашкарининг илгор қисми кетидан борувчи бўлинма; лашкарининг марказ, қанотлари олдида турувчи олд қўшиналар.

<sup>2</sup> Шиқовул(шиковул) — лашкар қанотларини қўриқлаб турувчи маҳсус бўлинма. (—А.А.)

<sup>3</sup> Чоповул — ҳарбий юришлар пайтида ва қамал жанглари вақтида теварак-атрофдаги қишлоқларга тұсатдан босқин үюштирувчи ҳарбий қисм. (—А.А.)



ғанимнинг чап қўлига ҳужум қилишни буюрдим. Ўзим бўлса жавонгор<sup>1</sup> ва баронгор<sup>2</sup> фавжлари билан ҳаракатга келдим. Биринчи ва иккинчи ҳамланинг ўзидаёқ, Жета лашкари амир ул-умароси Абу Саъиднинг фавжини енгдим. Шу пайт Ҳайдар Анҷхудий ва Менгли Буға жанг майдонига тушдилар. Уларга қарши мен ўзим юзма-юз чиқдим ва биринчи ҳамладаёқ ҳар иккаласини ҳам чекинтиридим. Жетанинг тамоми лашкари енгилиб, сочилиб кетди.

## САЛТАНАТНИ ТИКЛАШ ЙУЛИДАГИ ТЎҚҚИЗИНЧИ КЕНГАШИМ

Жета лашкари амирлари устидан ғалаба қозонганимдан кейин, салтанат даъвоси билан хуруж этганигим ҳақида Туронзаминда хабар тарқалди. Шунда мен адолат билан ҳукмронлик қилишга азму жазм этдим. Салтанатимни мустаҳкамлаш учун, тўплаган ҳазинамдаги нақд пуллар ва (қимматбаҳо) буюмларни сипоҳга тақсимлаб беришга ва даставвал Қаҳлақа қалъасини<sup>3</sup> олишга қарор қилдим.

Лашкарга озуқа бериб, сўнг уларни сафга тиздим ва Жайҳун дарёси бўйига келиб тушдим. Термиз кечувидан ўтиб, Қаҳлақа қалъаси тарафига қоровуллар жўнатдим. Ўзим Жайҳун бўйида бир неча кун турдим ва қоровуллар олиб келадиган хабарни сабрсизлик билан кутдим.

Менинг келганим ҳақидаги хабар Илёс Хожага етгач, Беккичикнинг иниси Алачун баҳодирни катта қўшин билан устимга юборди. Қоровулларим фафлат

<sup>1</sup> Жавонгор – лашкарнинг сўл қаноти.

<sup>2</sup> Баронгор – лашкарнинг ўнг қаноти.

<sup>3</sup> Қаҳлақа қалъаси (*Дарбанги Оҳанин*) – Бойсундан (Сурхондарё вилояти) гарбда Саримас тизмасидаги тор дара, форсча «Дарбанди Оҳанин» (Темир дарвоза), қадимги туркий тиљда: «Темир қапуғ» («қапуғ» – дарвоза), арабча «Боб ул-ҳадид» (Темир дарвоза), мұғулча «қаҳлақа» дейилган.



уйқусида қолган эканлар, уларнинг ёнидан үтиб, билдирмай, тун қоронгусида тұсатдан устимга ҳужум қилиб келдилар.

Қароргоҳим уч томони сув билан үралған ярим оролда жойлашғанды. Ярим орол ташқарисида қурилған бир неча чодир Жета лашкари томонидан талон-торож қилинди. Омон қолған аскарлар ярим оролға күчиб үтдилар. Мен бұлсам жаңта шайланиб, тезлик билан ярим оролнинг кириш қисміга бордим. Душман мендан құрққани сабабли урушға ботиниб киролмади. Үн кунгача шу ярим оролда турдим. Сұнг у ердан чиқиб, сув бүйларида олачук<sup>1</sup>лар<sup>1</sup> тикириб, Жета лашкарининг қаршиисида бир ой давомида кузатиб турдим. Охири ғанимни құрқув босиб, орқасига қайтиб кетди. Мен сувдан үтиб, уларнинг манзилига түшдім ва душман орқасыдан таъқиб қилиш учун бир фавж аскар жүнатдым.

## САЛТАНАТИМНИ МУСТАҲКАМЛАШ УЧУН ҚИЛГАН ҮНИНЧИ КЕНГАШИМ

Жета лашкарини мағлубиятта учратганимдан кейин, Бадахшон вилоятiga бориб, уни эгаллашга, (бу билан) салтанат ишларига ривож беришга қарор қилдим. (Шу ниятда) дарё бүйидан күчиб Хулм<sup>2</sup> деган жойға түпдім.

(Шу ерда) амир Қазағаннинг<sup>3</sup> набираси ва қайноғам бұлмиш амир Ҳусайн билан учрашдым. Унинг шарафига зиёфат бердім. Сұнгра у билан кенгашиб, Бадахшонга боришга қарор қилдім.

<sup>1</sup> Олачук – шу номли шолча туридан ясалған капа ёки чодир.

<sup>2</sup> Хулм – Афғонистоннинг шимолий қисмідеги шаҳар; ҳозир шу номдаги шаҳарча, шимол-жануб ва шарқ-ғарб йұналишидеги халқаро савдо йұллари чорраҳасида жойлашған.

<sup>3</sup> Амир Қазаған (1346 – 1358) – Чигатой улусининг құдратлы амири, 1346 иили Қарши яқинида бұлған жаңға Қазанхонни енгіб, җекимиятни құлға олған. 1358 иили фитна қурбони бўлиб, ов пайтида үлдирилган.



Кундузга<sup>1</sup> етиб боргач, бурулдай<sup>2</sup> элининг сардорлари менга келиб қүшилмагунларича ўша ерда кутиб турдим. Келишгач, уларнинг ҳар бирига фахрли хилъатлар кийгизиб, кўнгилларини овладим.

Қўшинимнинг жангта ҳозирлиги ҳақидағи хабар Бадаҳшон шоҳларига еттак, урушга тайёргарлик кўра бошлидилар. Ўзимча мушоҳада қилиб, душман лашкар туплаб улгурмасдан бурун эпчилик, уддабуронлик билан зарба бериб, уларни тўзитиб юбормоқчи бўлдим. (Шунинг учун) юриш қилиб, Таллиқонга<sup>3</sup> етиб келдим.

Таллиқонга келганимдан Бадаҳшон шоҳлари хабардор бўлгач, тинч йўл тутиб, менга мулоzим бўлишни ихтиёр қилдилар. Қўллаган тадбиримдан кўнглим тўлди ва хато қилмаганлигимни англадим. Менинг салтана-тим бутун Бадаҳшон вилоятига ёйилди. Бадаҳшон си-поҳларининг аксарияти тамом хизматимда бўлишни ихтиёр этдилар.

## САЛТАНАТИМГА РИВОЖ БЕРИШ УЧУН ҚИЛГАН ЎН БИРИНЧИ КЕНГАШИМ

Бадаҳшон шоҳлари менинг итоатимга киргач, Хутталонга<sup>4</sup> қараб юрдим. Бу мамлакатга келсан, қайноғам амир Ҳусайннинг қўрслигидан Пўлод Буға ва Шер Баҳром ундан ажralиб, ўз улусига кетиб қолишган эканлар.

<sup>1</sup> Кундуз – Афғонистоннинг шимолий қисмида жойлашган қадимиғи шаҳар (қадимги номи Валволиж), маъмурӣ-сиёсий марказ. Ҳозир шу номдаги шаҳарча.

<sup>2</sup> Бурулдай – бу ерда жалойир қабиласига қарашли эл ҳақида сўз юритилмоқда.

<sup>3</sup> Таллиқон (Тайхон) – ҳозирги Афғонистоннинг шимолидаги қадимги шаҳар. Ўтмишда Тоҳаристон давлатининг пойтахти. Ўрта асрларда яна иккита Таллиқон мавжуд бўлган: улардан бири – Ҳиротдан фарброкда, иккинчиси – Каспийдан жануби-фарбда жойлашган эди.

<sup>4</sup> Хутталон – Панж дарёсининг ўнг соҳилицаги вилоят, ҳозир Тожикистоннинг Хатлон вилояти. Номи қадимги араб ва форс манбаларида Хуттал ёки Хутталон шаклларида ёзилган.



Бу ердан күчиб, Даشتى күланк<sup>1</sup> жилгасига бориб тущым, (у ердан) Жета ва Илөс Хожа лашкарлари ахволини билиб келиш учун айгоқчilar жұнатдим. Улар үн кундан кейин хабар келтирдиларким, Жета амирлари: бириңчиси – Куч Темур Беккичик үғли, иккىнчиси – Темур Нұбкон, учинчиси Сарик баһодир, тұртингчиси – Шингум, бешинчиси – Ҳожибекнинг иниси Туғлуқ Хожа йигирма минг отлиқ аскар билан Халотий<sup>2</sup> ва Пули сангин<sup>3</sup> оралиғида турған эмишлар.

Улар мен турған ер ва лашкарим қай ахводда экан-лигини билиб келиш учун олдимга элчи жұнатдилар. (Элчини чалғитиши мақсадида) лашкаримни икки марта қайта-қайта унинг олдидан үтказтиздим, сұнг элчига рухсат бердим.

(Кейин) кенгашиб, унинг ортидан кетма-кет (құшин тортиб) боришга қарор қылдим. Лекин лашкарим бу борада мен билан ҳамжиҳат бўлмади. Лашкаримни атрофимга бирлаштирмоқ учун баъзиларига мурувват, меҳрибонлик қылдим; бошқалари билан келишишга интилдим, яна бир гурухини эса молу дунё билан үзимга қаратиб олмоқчи бўлдим. Яхши сўз, аҳду паймон ва ваъдалар билан қолганларининг кўнглига тасалли бердим.

Шу пайт хабар келдиким, илгари менинг навкарларим бўлган Туғлуқ Сулдуз ва Кайхусрав Жетанинг олти минг отлиқ аскарига бошчилик қилиб, менинг устимга келмоқда эмишлар. Бу хабар лашкарим уртасида тарқалгач, уларнинг иттифоқсизлиги янада күчайиб, саросимага тушиб қолдилар. Лекин амир Жаку, Ийгу Темур, амир Сулаймон ва амир Жалолиддин менинг ёнимда қолдилар.

<sup>1</sup> Даشتى күланк – Хутталон яқинидаги мавзе.

<sup>2</sup> Халотий – аслида Ҳулъяту бўлса керак. Ҳисор вилоятига қарашли мавзе.

<sup>3</sup> Пули сангин – лугавий маъноси «тош күпприк», Ҳисор водий-сида Сурхоб дарёсининг ирмоги Оби ҳингую дарёсида қурилган.

## ЛАШКАРИМНИ ИТТИФОҚҚА КЕЛТИРИШ УЧУН ҚИЛГАН ҮН ИККИНЧИ КЕНГАШИМ



Амир Жаку, Ийгу Темур, амир Сулаймон, амир Жалолиддинларни хилватроқ ерга чорладим ва улар билан келишиб, үзимга янада яқин тутдим, «Давлатимга шерик бұласизлар», дедим. Бу билан (уларнинг дилида) үзларига ишонч ва менга хизмат қилиш учун қатыяят түйғуларини уйғотдим. Шунга үхашаш, мен билан иттифоқи бузилган тоифадаги бошқа амирларни ҳам бирма-бир холи жойга чорлаб, ҳар қайсиси билан алоҳида гаплашдим. Булардан мол-дунёга ҳирс қўйған очкўз ва тамагирларига мол-ашё ваъда қилдим, мансаб-марtabага, мамлакатларни бошқаришга кўз тиккан амалпарастларга қўлга киритган мамлакатлар, вилоятлардан бирининг ҳокимлигини бердим.

Уларнинг ҳаммасини умид ва қўрқинч орасида сақладим. Ҳар бирига биттадан ноиб ва кутвол<sup>1</sup> тайинладим. Қолган сипоҳийларни ҳам емак-ичмак, кийим-кечак умили, ширин сўз, очик юз билан үзимга ром этдим. Бир хизматини үн баробар қилиб тақдирлаб, дилларини хушнуд айладим. Натижада мени қўллаб-қувватлаганлар ҳам, тескари бўлган мунофиқлар ҳам барчаси атрофимда бирлашди. Ҳар ишда бирлик-иттифоқлиқни маҳкам тутишга, амримдан чиқмасликка ваъда бериб, мен учун мол-жонларини аямай, майдонда жонбозлик кўрсатишга аҳд қидалар.

Лашкардан кўнглим тинчигач, Илёс Xожага қарши жангга ҳозирлик кура бошладим. Уни даф этиш ва (у билан) қай йўсинда уруш олиб боришим ҳақида кенгащдим, ғанимлар хабар топиб улгурмасдан, чапдастлик билан уларнинг устига қўққисдан босқин қилишга қарор бердим. Бу хусусда Куръони мажиддан фол

<sup>1</sup> Кутвол – қалъа бошлиги.



очиб қарасам, ушбу ояти карима чиқди: «Қанчадан-қанча кичкина гурухлар Оллоҳнинг изни билан катта гурухлар устидан ғалаба қозонган»<sup>1</sup>.

Ушбу башоратни топганимдан кейин лашкаримни тартибга келтирдим. Уни етти фавжга бўлиб, йўлга тушдим. Тонг ёриша бошлаганда (Илёс Хожанинг) ҳировули бўлмиш Туғлуқ Сулдуз ва Кайхусравга етишдим. Икки ҳамла билан уларни енгдим ва (уларни) Илёс Хожа жойлашган Пули сангингача қувиб бордим. Оқшом тушгач, етган еримизда тўхтадик. Жанг майдони совиб қолмасдан, қизигида Илёс Хожанинг қарибй үттиз минглик лашкари устига тўсатдан босқин қилишга қарор қилдим. Бордию (юришни) тўхтатсан ва бирон кор-ҳол юз берса, унинг иложини топиш учун (ўзгаларнинг) кўмагига муҳтоҷ бўлиб қолишим мумкинлиги тўғрисида ўй сурдим. Орқадан амир Ҳусайн (лашкари билан) мени қўллаб-қувватлаб келлаётган эди, бироқ мен ўзимни унинг ёрдамига муҳтоҷ бўлиб қолиш даражасига етказмадим. Тўғри чою тадбир ишлатиб, Илёс Хожа лашкарини енгдим.

### ЖЕТА ВА ИЛЁС ХОЖА ЛАШКАРИГА ШИКАСТ ЕТКАЗИШ ҲАҚИДА ҚИЛГАН ЎН УЧИНЧИ КЕНГАШИМ

Даставвал Илёс Хожа лашкарини бир жойга боғланган ҳолда ушлаб туриш учун зафарли фавжларимдан илфорини олдинга ташлашга қарор қилдим. Шу мақсадда амир Муайийд Арлот<sup>2</sup>, Учқора баҳодир, амир Мусо бошчилигида икки минг отлиқ аскаримни Илёс Хожа қаршисидаги кўпприк бошига жойлаштирдим. Ўзим эсам беш минг отлиқ билан дарёдан ўтиб, Илёс Хожа лашкари тепасидаги тоққа чиқиб ўрнашдим ва кечаси кўп жойга гулхан ёқишини буюрдим. Жета си-

<sup>1</sup> Қуръони карим, Бақара сураси, 249-оят.

<sup>2</sup> Арлот – туркий қабилалардан бирининг номи.



поҳлари тоғдаги беҳисоб гулханлару, Пули сангин бошида турган лашқаримнинг кўплигини кўриб, қўрқувдан саросимага тушиб қолдилар. Ўша тунни Илёс Хожа қўшини «Жангга ҳозирлан!» буйругини кутиб (бедорликда) ўтказди. Мен туни билан тоғ устида ухламай Тангри таоло даргоҳига илтижо қилиб, ундан ожизу муҳтоҷ бандасига мадад беришини тилаш ва пайғамбаримиз Муҳаммад саллоллоҳу алайҳи вассаллам, унинг яқинлари ва саҳобаларига салавот айтиш билан машғул бўлдим. Ярим уйқу ва ярим уйғоқлик орасида қулоғимга аллакимнинг: «Темур, фатҳу зафар сенга ёр бўлади!» – деган овози эшитилди. Тонг отиб, ёруғ тушгач, намозни жамоат билан ўқидим. Шу пайт қарасам, Илёс Хожа ўз амирлари билан отланиб, фавж-фавж бўлиб кетаётиди. Амирларим ва сипоҳийларим уларнинг кетидан қувиш қасдида мендан буйруқ беришимни илтимос қилдилар. Мен ўйлаб туриб, тоғанимнинг мақсади маълум бўлгунча таъқиб этишни бир оз кечиктиришни маслаҳат кўрдим. (Тахминан) тўрт фарсанг ерга бориб тўхтаганларидан кейин, уларнинг мақсадларини тушундим. Ниятлари – бизни тоғдан тушириб, яланг ерда жанг қилиш экан.

(Бир неча кун илгари) мен шикаст етказган ҳиро-вул амирлари ҳам (Илёс Хожа) қошига қочиб борганда Илёс Хожа уларни тоза койиб берган экан.

Уларнинг ниятларидан хабардор бўлиб, тоғдан тушмаётганимни кўришгач, орқаларига қайтиб, менга ҳужум қилишга мажбур бўлдилар. Мен фавжларимни тоғ этагида сафга тизиб, жангта киришни мўлжалладим. Жета лашқари етиб келиб, нима қилишини билмай ҳайрон турганда, баҳодирларимга ёв устига ёмғирдек ўқ ёғдиришни буюрдим. Душманнинг кўпини ярадор қилдилар. Кеч кириб қоронғу тушганда, (ғанимларим) қўлларидан бир нима келмаслигини куришгач, тоғ этагини гир айлантириб жойлашдилар. Ўша кеч лашқаримни тўрт фавжга ажратиб, ўзим бош бўлиб,



тунда ғаним устига тұсатдан босқин қилиш фикрига келдим. Менинг бу кенгашим амирларимнинг ҳам диліга үтиргач, тонғта яқын отландым ва тун панасида тұрт томондан уларнинг устига ҳамла қилдим. Жета лашкари үзини йиғиб, тартибга келтиргунча баһодир йигитларим уларни тұзитиб ташладилар. Чопқилашиш пайтида ҳар икки томондан жуда күп аскар нобуд бұлды. Жета лашкари «ал-фирор»<sup>1</sup>, «ал-фирор», дея чекиндилар. Мен Илөс Хожага етиб олиб, «Йұл бұлсын?» деб қичқирдим. Овозим Илөс Хожанинг қулоғига етгач, у ғазаб билан лашкарига дүк-пуписа қилди ва аскарлари ортларига қайтдилар. Күн күтариlgунча лашкарларимиз үртасида жанг өзекін давом этди. Садоқ-үқдонларимиз бушади. Ғаним лашкари чекина туриб жанг қиларкан, тұрт фарсанғ узоқликдаги үз қароргоҳига тұқилиб-сочилиб, шикастаҳол, базур етиб олди. Мен ҳам тизгин тортиб, орқаларидан бошқа қувламадим ва үша атрофда құндым.

Жета лашкари урушда енгилганига иқрор бұлғанидан кейин иккінчи бор жанг қилишга ботинолмади. Мен эса сипоҳим билан Илөс Хожа қароргохини қуршаб олдим. Сұнг вақти-вақти билан уларга ҳужум қилдим. Тинкасини құритдим. Охири чорасиз қолган Илөс Хожа Хұжанд сувидан үтиб кетди. Мен ҳам уларни таъқиб қилиб үтирмасдан фатху зафар билан Мовароуннахрга қайтдим.

(Шундан сұнг) салтанатимнинг мустақиллиги ва мустақамлиги борасида кенгашшар үтказдым. Кенгашларим үзини шавкатли, буюк амир деб ҳисоблаган ва бошқа амирлардан ҳам улуғроқ билаёттан амирларни итоат эттириб, бўйсундиришга қаратилғанди. Биринчи навбатда Мовароуннахрда салтанат байробини күтар-

<sup>1</sup> «Ал-фирор» (қочмоқ, маъносида) – Қуръони карим Аҳзоб сұрасининг 16-оятига ишора. Оятда, хусусан, бундай дейилган: «(Эй Мұхаммад) айтинг: агар сизлар үлиш ёки ұлдирилишдан қочсангизлар, бу қочиш сизларга (барибири) бирон фойда бермас...»



ган амир Қазағаннинг набираси амир Ҳусайнни давлатимга шерик деб атадим ва у билан муросаю мадора қилдим. Гарчи у ташқи күринишидан менга дўстлик билдириса-да, аммо ичидан ҳамиша ҳасад ва нифоқ мақомида турди. (Чунки) ўзи Мовароуннахр салтанати тахтига ўтиришни орзу этарди<sup>1</sup>. Унга ишончим йўқлиги туфайли уни хожа Шамсиiddин<sup>2</sup> мозорига бошлаб бориб, дўстлик изҳор қилиб қасам ичдим. У ҳам дўстликка хилоф бирон иш қилмаслик ҳақида аҳду паймон қилди.

(Амир Ҳусайн) шундан кейин яна уч бор Қуръони мажидни қулига олиб, дўстлик бобида онт ичди. (Лекин) аҳдига вафо қилмагани учун охири менинг (жазойимга) гирифткор бўлди.

Амир Баён Сулдузнинг ўғли амир Шайх Мұхаммад ўзини улуғ амир деб ҳисобларди. Унинг ҳам (кўнглини топиб), ўз томонимга оғдириб олдим ва етти қўшинга бошлиқ атаб, ўзимга муте ва мулоzим қилдим. Мазкур қўшинларнинг амирларидан ҳар қайсисига вилоят инъом этдим.

Мендан ажралиб, ўз улуси билан кетиб қолган Шер Баҳром ҳали ҳам менга бўйсунишни истамас эди. Уни ҳам ўзимга оғдириб олдим ва ҳузуримга чақирирдим. У ўз улуси билан келиб, итоатда булажагини билдириди. Шер Баҳромни ўз мулоzимим этиб, бир вилоятни унга тортиқ қилдим.

Амир Ҳусайн билан орамиздаги қариндошлиқ ришталарига кўра унга турли мурувватлар кўрсатиб, муросаю мадора қилдим, лекин менга дўст бўлмади. Иш шу даражага бориб етдики, Балх ва Ҳисори Шодмон

<sup>1</sup> Амир Темур билан амир Ҳусайн 1365 йилгача иттифоқдош булишган. Лекин 1365 йили «Лой жанг» давомида амир Ҳусайн ўз иттифоқчисини қўллаб-қувватламасдан, жанг майдонини ўзбошимчалик билан ташлаб чиқиб кетгандан бошлаб муносабатлари бутунлай бузилган. (—А.А.)

<sup>2</sup> Бу ерда Шамсиiddин Кулол назарда тутилган.



вилоятларини мендан тортиб олди. Синглиси ҳарамимда бұлгани боис уни сиқувга олмадим. У билан муросаю мадора қилишга шунчалик интилдимки, ҳатто унинг амирларига ҳам бу таъсир этиб, менга бүйсундилар. Лекин амир Ҳусайн ҳамма вакт мени мағлуб этиш пайида булиб, макру фириб бериб келарди. Охир-оқибат у ҳақидағи кенгашим шу бұлдыки, уни шамшир зарби билан муте қилишга қарор қылдим.


Туронзамин вилоятини забт этиб, ғанимлар<sup>1</sup> вужудининг хас-хашагидан тозалаганимдан кейин, баъзи улусларнинг амирлари менга итоат билан бош эгишни истамадилар ва ҳар бири ўз қабилалари олдида ҳеч кимдан қўрқмаслигини кўрсатмоқчи бўлгандай, кибру ҳавога берилдилар. Амирларимдан баъзилари уларнинг ёнини олиб, менга: «Бу давлатга баримиз шерик бўлганимиздан кейин, уларни ҳам давлатта шерик деб билайлик», — дедилар. Лекин уларнинг гаплари менинг салтанат юритишимдаги ғайратимга таъсир қилмади. Ўз-ўзимча: «Худо битта, унинг шериги йўқdir. Шундай бўлгач, Оллоҳ таолонинг муқаддас мулки — ер юзига эгалик қиласиган подшоҳ ҳам битта бўлиши керак», — деб ўйлар эдим.

Шу пайт (авлиёлардан ҳисобланган) Бобо Али Шоҳ, ҳузуримга келди ва: «Темурбек, Тангри таоло буюрганки, агар ерда ва кўкда икки худо бўлса, жаҳоннинг иши бузилур», — деди. Мен унинг сўзларида ҳидоят топдим. Қуръони мажидан фол очсан, ушбу қутлуғ оят чиқди: «Инна жаалнака халифатан фил арз», яъни «Биз сени ер юзига халифа қилдик»<sup>2</sup>. Мен буни (истиқболнинг) хайрлик ва муборак фоллари қаторига киритдим. Ўзларини давлат шериги билиб, менга бўйсунишни истамаган амирларни турли тадбирлар ишлатиб, ўзимга итоат эттириш учун турли йўллар

---

<sup>1</sup> Илөс Ҳожанинг қўшини назарда тутилади. (—А.А.)

<sup>2</sup> Қуръони карим, Сод сураси, 26-оят.



қидирдим. Энг аввал Амир Ҳожи Барлос олдиға бориб, уни ўзимга иттифоқдош қылдым. Баён Сулдуз ўғли Шайх Мұҳаммад<sup>1</sup> шароб ва майхұрликка муккасидан берилиб кетғанди. Охири шароб унинг бұғзидан олди ва у олам билан видолашди. Унинг вилоятини ўз тасарруфимга олдим. Амир Боязид Жалойир Хұжанд вилоятининг ҳокими эди. (Дүстона) насиҳат айласам, унга таъсир қылмади. Оқибатда ўз улусининг одамлары ўзига қарши чиқиб, олдимга кишанлаб келтирдилар. Мен (ұттан ишларни юзига солмай) унга илтифотлар күрсатдым. Буни күриб, ўзи (уятдан) шарманда бұлды.

Элчи Буга Сулдуз Балхда ўз салтанати туғини күтарған зди. Бобоси Амир Қазаған тахти шу ерда бұлған-лиги учун Балх тахтига дағво қилаётган амир Ҳусайн-ни Элчи Бугага қарши қайрадим.

Мұҳаммад Ҳожа Апардий найман аймоғидан бұлиб, Шибирғонот<sup>2</sup> вилоятини босиб олиб, менға қарши исөн туғини күтарғанди. Мен унга бошқа вилоят бериб, уни ўзимга содиқ навкар қилиб олдим. Бадахшон вилоятига эгалик қилаётган Бадахшон шохлари эса менға қарши душманлық йўлини тутдилар. Уларнинг ҳар бири билан турли келишувлар қылдимки, бир-бирләри билан урушиб кетдилар. Охири менинг паноҳимга кириб (бўйсундилар).

Кайхусрав Хутталон вилоятини ва Ӯлжайту Апардий Арҳанг<sup>3</sup> вилоятини тасарруфларида тутардилар. Кайхусравга Ӯлжайту Апардийнинг вилоятини босиб

<sup>1</sup> Бу ерда гап ўғил эмас, ота амир Баён Сулдузнинг ўзи ҳақида кетмоқда. (—А.А.)

<sup>2</sup> Шибирғонот – Балхдан жануби-ғарбий тарафда жойлашған вилоят, бosh шахри Шибирғон. (—А.А.)

<sup>3</sup> Арҳанг – қадимги Тоҳаристон вилоятидаги шаҳар; Амударёнинг юқори оқимидаги Таллиқоннинг шимоли-шарқидаги жой. XIV аср иккинчи ярмидан Арҳанг – Сарой деб номланған; тахм. XVI асрдан бوشлаб уни Имом (Ҳазрати Имом) деб ҳам атаганлар. Ҳозирги номи Имомсоҳиб, Панж дарёсининг чап соҳилида, Афғонистонда.



олиши учун мадад жұнатдим. У бориб Ұлжайту Апардийнинг вилоятини забт этди. Оқибатда Ұлжайту Апардий паноҳ излаб менинг хизматимга келди.

Амир Хизр Ясурий<sup>1</sup> ўз халқи – ясурийлар мадади билан Тотканд<sup>2</sup> вилоятини босиб олган эди. Кайхусрав билан Ұлжайту Апардийни бир-бири билан яраштирудим. Буларга ёрдамчи күч йұсина тағы да киши күштім. Икковлари бирлашиб, ясурийларга ҳужум қилиб, талон-торож этдилар. Амир Хизр (Ясурий) ожиз қолиб, менинг паноҳимга келди.

Шундай қилиб, Мовароуннаұрни уруш-талащдан тинчтитдим. Менинг қаҳрамон аскарларим тұла күч-құвватта кирди. Ҳар томонға барлос улусининг номи ва донғи тараған. Менинг ҳимматим билан Чифатой құшинлари ва туманларининг овозаси оламга ейилди. Жами әлу халқ, құшунот ва тумонот ҳамда күчманчилар менинг ҳукмронлигим остига ўтди. Бироқ Мовароуннаұрдаги баъзи қалъалар (ҳамон) амир Ҳусайн құлида эди, уларға менинг ҳукмим ўтмасди.

Амир Ҳусайн салтанатим азимати ва шон-шавкатининг кучайганини күргач, унда ҳасад томирлари (қат-тиқроқ) ура бошлади. Қасам билан қилған аҳд-паймонларини бузиб, менға қарши исөн туғини күттарди. Мен унинг олдига күп марта (лутф-марҳаматлар күрсатиб) бордим, у бұлса асло қошимга келмади. Бунинг устига сиртидан такаллуфлар билдириб, аслида хийланайранг ишлатиб, мендан Қарши қалъасини олиб қўйди. Қарши қалъасини қўриқлаб туриш учун қурғон-

<sup>1</sup> Хизр Ясурий – Чингизхон лашкарининг сұл қанотига қўмондонлик қилған амир Ясурнинг авлодларидан. Ясурий Вахш ва Талиқонни босиб олишда иштирик эттан ва эли ўша юртларда ўтириб қолған. Хизр Ясурий эса аввалига Амир Темурнинг ишонған яқин амирларидан ҳисобланған. Бироқ кейинчалик амир Ҳусайн томонида туриб жанг қилған ва шу жанглардан бирида ұлдирилған.

<sup>2</sup> Тоткан – ўрта асрларда Самарқанд ғарбидаги шу номли шаҳарча ва вилоят, ҳозир Самарқанддан 25 км ча ғарбдаги шу номли қишлоқ. (– А.А.)



беги амир Мусо бошчилигига етти минг отлиқ аскар тайинлади. Кейинроқ у ерга яна құшимча беш минг отлиқ аскар юборди. Бу билан кифояланмай, мени үлдирмоқчи бўлди. Мендаги салтанат ғайрати туғёнга келиб, Қарши қалъасини ундан тортиб олишга унда-ди. Баъзи амирларим у ерга юриш қилиб, қалъани жанг билан қўлга киритишни менга маслаҳат бердилар. Қарши қалъасини олиш режаларини тузабошладим. Улар айтгандай уруш билан олсам, бунинг хатарли томонлари кўплиги кўнглимдан ўтди. Үзимча: «Мабодо қалъани жанг билан олмоқчи бўлсан, ғаним лашкари-нинг ёмон кўзидан қўшинимга зарар етса-чи?» — деб үйладим. Сунгра жанг қилиш фикридан вақтинча воз кечдим ва бошқа тадбирни қўллашга киришдим. Хурросон томонга юзланиб, бу билан Қарши қалъаси бекларининг хотирини жам қилмоқчи бўлдим. Кейин эса лашкарим билан (яширинча) орқага қайтиб, тунда тўсатдан қалъага ҳужум қилиб, у ерни босиб олишни режаладим. Хуллас, бу ердан кўчиб, Хурросонга қараб йўлга тушдим.

Амуй сувидан<sup>1</sup> кечиб ўтганимда, Хурросон томондан Қаршига келаётган карвонга дуч келдим. Карвон бошлиғи менга совғалар тақдим этди. Мен ундан Хурросон амирларининг ҳол-аҳволини суриштирдим ва Хурросон вилоятига бораётганлигимни айтдим, кейин кетишиларига ижозат бердим. (Лекин) карвонга айғоқчи қўшиб юбордим ва дарё соҳилида бирон ёққа жилмай хабар келишини кутдим. Айғоқчи хабарига кўра, карвондагилар амир Мусога шундай деган эмишлар: «Амир Темурни Амуй суви ёқасида кўрдик, Хурросон тарафга кетаётган экан». Бу гап амир Мусо ва амир Ҳусайннинг лашкарига етгач, хурсанд бўлиб, ўйин-кулги ва айш-ишратга берилибдилар.

<sup>1</sup> Амуй суви — Амударё.



Бу хабарни эшитишим билан лашкарим ичидан энг ишончли, довюрак, жанг күрган ёш баҳодир йигитлардан икки юз қирқ утасини танлаб олдим ва дарёдан ўтиб, илфор юбордим. Ширкент<sup>1</sup> мавзеига етдим ва ўша ерда бир кеча-кундуз тұхтаб, (сұнг) яна йұлга тушиб, Қарши қалъасидан бир фарсанг масофага келиб тушдим. (Одамларга) арқонларни бир-бирига боғлаб нарвон ясад қўйишларини буюрдим. Шу пайт амир Жаку тиз чўкиб: «Бир гуруҳ баҳодирлар орқада қолдилар, улар етиб келгунча тұхтаб туриш зарур», – деб ўтингч қилди. Шунда хотирамга бир фикр келди: баҳодирларим етиб келгунча қалъани ўзим кўздан кечирмоқчи бўлдим. Қирқ отлиқ ҳамроҳлигида Қарши қалъаси томон йул олдим. Йироқдан қалъа қораси кўринганда, баҳодирларимни келган ерда тұхтатиб қўйдим ва уйимизда туғилиб ўсган Мубашшир ва Абдулло исмли (йигит)ларни бирга олиб кетдим. Ҳандақ<sup>2</sup> бўйига етдим. Қарасам, ҳандақ сув билан лиммо-лим экан. Теварак-атрофга назар солиб, ҳандақ тепасидан ўтказилган, қалъага сув олиб борадиган тарновга кўзим тушди. Отимни Мубашширга қолдириб, ўша тарнов орқали ҳандақ устидан ўтдим ва қалъанинг хокрезига<sup>3</sup> етдим. Дарвоза олдига бориб, эшик қоқдим. (Лекин) дарвозабонлар ухлаётган экан, (ичкаридан садо чиқмади). (Ҳар эҳтимолга қарши) дарвозани ташқарисидан кесак-тош ва лой билан тұлдириб қўйишган экан. Қалъа девори атрофини кўздан кечириб, нарвон ва зиналар қўйса бўладиган жойни тоңдим. (Сұнг) орқамга қайтдим ва отланиб баҳодирларим ҳузурига бордим.

Орқада қолган лашкар фавжи ҳам нарвонлар билан етиб келишган экан. Ҳаммалари шайланиб, нар-

<sup>1</sup> Ширкент – ҳозирги Бешкент, Қарши туманининг маркази.

<sup>2</sup> Ҳандақ – шаҳар ёки қўргон девори ташқарисидан гир айланасига душмандан мудофаа мақсадида қазилган чуқуралик, одатда унга сув тұлдириб қўйилган.

<sup>3</sup> Хокрез – душман ўқлари ва ҳужумидан ҳимоя мақсадида қалъа девори остига уюлган тупроқ.



вонларни олишди ва қалъа сари юзландик. Хандақдан тарнов орқали қалъага ўтдилар. Зиналарни ҳам олиб ўтдилар ва деворга қўйдилар. Эр йигитлардан қирқтаси тепага чиқиб, қалъага кириб олдилар. Мен ҳам нарвонга оёқ қўйиб энди қалъага кирмоқчи бўлган эдим, карнай тортиб, бурғу<sup>1</sup> чалдилар. Тангри таолонинг қўллаши билан қалъани қўлга киритдим.

Бу хабар амир Ҳусайнга етгач, (энди) мақру ҳийла йўли билан, дўст-ошно либосини кийиб, мени ром этмоқчи бўлди.

### МЕНИ ҚЎЛГА ТУШИРМОҚЧИ БЎЛГАН АМИР ҲУСАЙННИНГ МАКРУ ҲИЙЛАСИДАН ҚУТУЛИШ УЧУН ҚИЛГАН КЕНГАШИМ

Амир Ҳусайн: «Менинг дўстлик ва қариндошликни риоя қилишдан бўлак ниятим йўқ», — деб Қуръон устида қасам ичди, кейин уша Қуръонни менга жунатди. У яна мана буларни ҳам айтиб юборибди: «Агар сенга айтган гапларимга хилоф бирон иш тутиш ниятим бўлса ва ўртадаги аҳд-паймонимни бузиб сенга ёмонлик қилсан, шу ушлаган Қуръон —Худонинг китоби мени урсин». Уни мусулмон деб билганим учун сўзларига ишондим. Шундан кейин у менинг ҳузуримга яна одам юбориб: «Ўртадаги аҳд-паймонимизни янгиласак, худо ҳақи, дуруст буларди», — деб мени Чакчак<sup>2</sup> дарасида учрашишга даъват этди. Унинг мақсади мени мақру фириб билан қўлга тушириш эди. Аҳд-паймони, сўзига ишониб бўлмаслигини билсан ҳам, аммо Қуръон ҳурматини сақлаб, (айтган жойига) учрашувга боришга қарор қилдим. (Бироқ бу борада) эҳтиёт шарт, Чакчак дараси атрофига баҳодирларим-

<sup>1</sup> *Бурғу* — карнайнинг бир хили, ковак шох шаклида бўлган.

<sup>2</sup> *Чакчак дараси* — Чакчак тизмасининг жанубий этагида жойлашган мавзе, ҳозирги номи Чакдара (Қашқадарё вилоятининг Дехқонбод тумани ҳудудида).



дан бир гурухини юбориб, яшириб қўйиш, кейин эса ўзим суюнса бўладиган ишончли одамларимни олиб, учрашувга бориш режасини туздим.

Амир Ҳусайн хизматида бўлган дўстларимга хат юбориб, унинг найрангларидан мени огоҳ этиб туришларини сўрадим. Дўстларимдан бири Шер Баҳром амир Ҳусайннинг нияти шум эканлигидан мени огоҳлантириди. Амир Ҳусайн (буни сезиб қолиб) Шер Баҳромни қатл эттирди, менинг устимга эса минг отлиқ аскар билан ҳужум бошлади.

Бу хабар менга етганида, энди дарага келиб тушган эдим. Қўшинимни тартибга солдим. Шу вақт амир Ҳусайн лашкарининг қораси кўринди. Қоровуллар бу фақат амир Ҳусайн лашкарининг бир қисми эканлиги, унинг ўзи бу ерда йўқлигини хабар қилдилар ва: «Амир Темур бир ўзи келибди, деган гапни эшитиб, сизни қўлга тушириш учун лашкарининг бир қисменигина юборди», — дедилар.

Мен (жанг жадалга) ҳозирлана бошладим. Бу ерда ҳаммаси булиб икки юз отлиқ аскар бор эди. Амир Ҳусайн қўшинининг фавжи дарага киргунигача сабр қилиб турдим. Ўзим келгунга қадар (бу ерга) юборган одамларимга уларнинг қайтиш йўлини тўсишларини буюрдим, ўзим эса ёғийга юзма-юз бўлдим. (Хуллас) дарада икки ёқдан қамалиб қолган ғаним лашкарининг кўп қисмини қўлга туширдим. (Сўнг) одамларими ни саф-саф қилиб туздим ва Қаршига қараб юзландим. Тажрибамдан шуни кўриб билдимки, дўст ҳар ерда аскотар экан. Амир Ҳусайнга (эса) ушбу мазмунда туркий байт ёзиб юбордим:

*Ёрга еткур, сабо, ким макр қилмишдир манга,  
Қилди эрса кимга макрин, қайтадур бир кун анга.*

Бу хатим амир Ҳусайнга бориб етгач, кўп хижолат бўлди ва мендан узр сўради, (лекин) мен иккинчи бор унинг сўзига ишонмадим.

## ТУРОНЗАМИННИ МҮГУЛЛАР ТОИФАСИ ҚОЛДИҚЛАРИДАН ТОЗАЛАШ УЧУН ҚИЛГАН КЕНГАШИМ



Жета ва Илөс Хожа лашкарини Мовароуннахрдан қувиб, Хўжанд дарёсининг нариги қирғофига ўтказиб юборган бўлсан ҳам, мўгулларнинг баъзи фавжлари Мовароуннахр қалъаларида мустаҳкам жойлашиб олган эдилар. Аввалига уларни бостириш учун лашкарим қисмларини юбормоқчи бўлдим, бироқ мабодо бу иш чўзилиб кетса-чи, деган фикр мени ташвишга солди.

Шу орада менга мўгуллар қалъаларга яшириниб олганлари ҳақида хабар келтирдилар. Лашкар қисмларини у ерга юбориш тўғри бўлмас, деб (бошқа) чора излай бошладим. Сўнгра Илөс Хожаномидан қалъадагиларга қарата ёрлиғ ёзиб, урушиз топширишларини буюрдим. Ёрлиқни бир мўгул қўлига тутқазиб, унга ҳамроҳ қилиб лашкаримнинг бир қисмини жўнатдим. Аскарларимга чанг-тўзон кўтариб, узларини ғанимга кўпдай қилиб курсатишни буюрдим. Илөс Хожанинг талаби ёзилган ёрлиғ ғанимлар қўлига тегиб, лашкарларим кўтарган чанг-тўзонни кўришгач, тун қоронфусида қалъаларни ташлаб қочдилар. Хуллас, Мовароуннахр тупроғи мени ўлдиришга қасд қилган ўша золимлардан тозаланди ва мамлакат тамоман менинг қўлимга ўтди.

Қариндошлиқ ҳурмати учун Балх билан Ҳисори Шодмон вилоятларини амир Ҳусайнга тортиқ этдим. У эса бу эҳсону мурувватимни назарига илмай, мени маҳв этишга қасд қилди. Мен ҳам уз-узим билан кенгашиб, амир Ҳусайнни ўртадан кўтаришга қарор бердим.

Амир Ҳусайн мен қўлга киритган ғалаба ва ютуқларимни кўролмай, ҳасад ичини кемириб, мен-



га ва ҳарамимдаги ўз синглисига кўп озор берди<sup>1</sup>. У Мовароуннаҳрни мендан тортиб олишга, мени (эса) ўлдириб, тахтга ўзи ўтиришга бел бофлаган эди. Ўртамиизда неча бор урушлар бўлиб ўтган бўлса-да, барчасида енгилди<sup>2</sup>. Унингadolatcizligi, инсоф-сизлиги ҳаддидан ошган, мени енгиш ва ўлдиришига оз қолган вақтлар ҳам бўлди. Айнан шу вақтда қўрслиги, ёмон йўл тутиши туфайли амирлари ундан юз ўғирдилар. Хутталон ҳокими амир Кайхус-равнинг инисини сабабсиз қатл эттириди. Оқибатда, амир Кайхусрав ҳам Хутталонда унга душман бўлиб қолди.

Амирлари (анчадан бери) ундан норози бўлиб, адват сақлар эдилар, у эса уларни ўз тарафдори деб биларди. Шу сабабли яна мени тор-мор келтириб, маҳв этиш қасдида қароргоҳини Балх чеккасидаги бир жойга кўчирди<sup>3</sup>. Бу хабарни эшитишм билан амир Ҳусайн ҳаракатга келмасдан бурун, устига бостириб боришга қарор қилдим. Бор лашкарим билан Балх сари юзландим. Йўлда ҳар ёқдан зафарли лашкар фавжлари келиб менга қўшилдилар ва Балх атрофига бориб тушдим. Амир Ҳусайн қарши чиқиб, мен билан жанг қилди. Охири қочиб қалъага кириб олди. Сўнгра бошига нима келган бўлса, ўз қилмиши туфайли кўргилигини кўрди<sup>4</sup>.

<sup>1</sup> 1365 йилда амир Ҳусайн Самарқандда Амир Темурга яқин бир неча бекларни исён кутаришда айблаб, уларга катта жарима солади. Амир Темур бисотидаги бор олтин ва жавоҳирларни, шунингдек, хотини Улжай Туркон оқанинг қимматбаҳо тақинчоқларини ҳам қўшиб, товонга тулайди.

<sup>2</sup> 1366 – 1370 йиллар давомида Амир Темур ва амир Ҳусайн уртасида муттасил равиша ўзаро урушлар бўлиб турган.

<sup>3</sup> Бу ерда сўз амир Ҳусайн тиклаган Балҳдаги Ҳиндуvon ҳисори ҳақида бораёттир.

<sup>4</sup> Низомиддин Шомий ва Шарафиiddин Али Яздийлар ўз «Зафарнома»ларида амир Ҳусайннинг очиқ жангдан қочиб ичкари қалъага яширингани, 1370 йил апрелда қўлга олингани ва ўлдирилгани воқеасини батафсил баён этганлар.

## МЕНГА ҲАР ТУРЛИ ЁМОНЛИКЛАР ҚИЛИБ ЧҮЧИБ ЮРГАН ВА ҚИЛМИШЛАРИ УЧУН «МЕНИ ҮЛДИРАДИ» ДЕБ ВАХИМАДА ЮРГАНЛАРНИ ҮЗИМГА ЭЛ ҚИЛИБ ОЛИШ БОБИДАГИ КЕНГАШИМ

Амир Ҳусайн менга асир тушгандан кейин, унинг навкарлари ва амирлари «Энди бизни үлдиради», деб гумон қилган эдилар. Аввалига ниятим шундок, эди, кейинрок, «Ахир булар аскарлар-ку?» деб барчаларини афв этдим ва яна аскарликка тайинладим.

Бадаҳшонда ҳоким бўлиб турган уларнинг бош амири кўп мартаба жангда мен билан юзма-юз келиб, қилич чопишган киши эди. Амир Ҳусайн қатл этилганини<sup>1</sup> эшитгач, менинг қаҳримдан қўрқиб, ўзини сергак тутди ва бордию уни тутиш учун қўшин юборсам, тұғри иш қилмаган бўлур эдим. (Шунинг учун) үзимни уни унуган кишидек тутдим ва (унинг борасида) ушбу тадбирни қўлладим: мажлисларда, йиғин-үтиришларда уни яхши сўзлар билан ёд этиб, мардлиги ва баҳодирлигини мақтадим, токи дўстлари: «Амир (Темур) сенга нисбатан марҳамат ва иноят мақомида турибди», деб унга хат ёздилар. У зорланиб менга мактуб юборди ва инояту марҳаматимдан умидвор бўлиб, паноҳимга келди.

## ХУРОСОН ПОЙТАХТИ (ҲИРОТ)НИ ОЛИШ БОБИДА ҚИЛГАН КЕНГАШИМ

Амир Ҳусайн үлдирилиб, (унга қарашли) Балх, Ҳисори Шодмон<sup>2</sup> ва Бадаҳшон вилоятлари менинг тасаруфимга ўтгани ҳақидаги хабар Хуросон ҳокими

<sup>1</sup> Амир Ҳусайнни Хутталон ҳокими амир Кайхусрав хун талаби билан үлдирган, чунки амир Ҳусайн 1360 йили унинг иниси Кайқубодни қатл этдирган эди.

<sup>2</sup> Ҳисори Шодмон – Ҳисор вилояти (қадимги Чагониён)нинг бош шаҳри; мустаҳкам қалъаси бўлган, қадимги номи Шумон. Харобалари Душанба шаҳрининг фарбий тарафида ҳозир ҳам мавжуд.





Малик Фиёсиддинга<sup>1</sup> етганида, уни құрқинч босди, (уруш қилиш учун) лашкару сипоҳ тұплаб, мудофаага шайланды.

Кенгашиб, хуросонликлар ҳүшёрлигини сұндириб, ғафлат уйқусига чұмдириш учун, мен ҳарбий ҳийла ишлатиш фикрига тушдым. Шу мақсадда Самарқандға юриш қылмоқчидай бўлиб орқага қайтдим. Шу аснода Малик Фиёсиддиннинг (мендан күнгли тинчи), жабрзулм қылмоққа қўл урганлиги ҳақида пиrimдан<sup>2</sup> хат олдим. Менинг Самарқанд тарафга қайттаним ҳақидағи хабарни эшишиб Фиёсиддин хотиржам ўтирган эди. Шунда мен ўз-ўзимга кенгашиб: «Ана энди хуросонликларнинг күнгли мендан хотиржам бўлди, уларнинг устига бостириб боришининг айни пайти», – дедим ва Балх чеккасидан қайтиб, Балхда қолдирган аскарларим билан Ҳиротта қараб юрдим, Малик Фиёсиддинни ғафлат уйқусида босдим ва у ночор шаҳардан чиқди, хазина ва тамом бойлигини менга пешкаш<sup>3</sup> қилди. Шундай қилиб, Хуросон мулки менинг қўлимга ўтди<sup>4</sup>. Хуросоннинг барча амирлари менга бўйсундилар.

## СЕЙИСТОН, ҚАНДАҲОР ВА АФГОНИСТОН<sup>5</sup> МАМЛАКАТЛАРИНИ ЗАБТ ЭТИШ ҲАҚИДАГИ КЕНГАШИМ

Хуросон мамлакати бўйсундирилгандан кейин амирларим юқорида эслатилган уч мамлакатта лашкар юборайлик, деб маслаҳат бердилар. Мен дедим-

<sup>1</sup> Малик Fiёsiddin – 1245 – 1389 йиллари Fур (хозирги марказий Афғонистон) ва Ҳирот вилоятларини тасарруф этган куртлар сулоласи вакили. Ҳақиқий исми – Малик Фиёсиддин II Пир Али. 1370 – 1381 йилларда ҳукмронлик қилган.

<sup>2</sup> Бу ерда Зайниддин Абубакр Тайободий назарда тутилган.

<sup>3</sup> Пешкаш – ҳадя, тортиқ.

<sup>4</sup> Амир Темур томонидан Хуросоннинг узил-кесил бўйсундирилиши 1381 – 1383 йиллари амалга ошган.

<sup>5</sup> Бу ерда Афғонистон атамасининг мавжуддиги мантиққа зид, чунки бу ном билан аталувчи давлат Соҳибқироннинг даврида ҳали харидаридан келиб кетти.



ки: «Агар лашкарларнинг ўзи билангина иш битмасачи? Унда ўзим боришим керак бўлади. Менинг эса мўлжаллаб қўйган бошқа ишларим кўп».

Маслаҳатни шундай деб билдимки, ўша диёрлар ҳо-кимларини ўзимга оғдириб олиш учун: «Агар менга қўшилсанглар (қутуласизлар), курашсанглар йиқиласизлар. У ҳолда тақдирингизда нима бўлса, ушани кура-сизлар», — деган мазмунда ёрлиғлар йулладим. Бу тадби-рим тақдирга туғри келди. Ёрлиғларим уларга етиши биланоқ итоат бошларини бўйсуниш мақомига қўйдилар<sup>1</sup>.

## ЎРУСХОННИ<sup>2</sup> БАРТАРАФ ҚИЛИШ ВА ДАШТИ ҚИПЧОҚНИ БОСИБ ОЛИШДА КИЛГАН КЕНГАШИМ

Тухтамишхон<sup>3</sup> таҳт талашиб (Дашти Қипчоқ) хони Ўрусхондан енгилиб, менинг паноҳимга қочиб келган эди. Унинг билан қўшин юборсаммикан, ё ўзим бор-

---

тада йўқ эди. Бу атама 1756 йили Аҳмадшоҳ Дурроний мустақил Аф-ғонистон давлатини зълон қилганидан кейин муомалага кирган. Бироқ, маълумки, «Тузуклар» Ҳиндистанда, Бобурийлар даврида бир ё икки марта «таҳрирланган», яъни матнга ноурин ўзгаришилар киритилган. Бизга маълумки, шундай «таҳрирлар»дан бири император Шоҳ Жаҳон I (1628 – 1657) даврида бажарилган. Лекин у даврда ҳам ҳали Афғонистон давлати бўлмаганилиги учун у «таҳрирда» бу атама матнга киритилган бўлиши мумкин эмас. Демак, ҳозирча бизга номаълум бўлиб қолаётган иккинчи «таҳрир» Афғонистон давлати ташкил топган 1756 йилдан кейин бажарилган ва бу билан асарга тузатиш киритиш ўрнига чалкашликка йўл қўйилган. «Мухаррир»лар томонидан асарга киритилган бу ва бошқа чалкашликлар ҳозирги баъзи таджиқотчиларда унга нисбатан шубҳа уйғонишига сабаб бўлди. (–А.А.)

<sup>1</sup> Бу воқеа 1383 йили рўй берган.

<sup>2</sup> Ўрусхон – Жўчи авлоди, Оқ Ўрда хони (1361 – 1376). Унинг Оқ Ўрда ва Кўк Ўрда давлатларини битта Олтин Ўрдага бирлаштириш учун ва ўз рақиби, Амир Темур томонидан қўллаб-қувватланган Тўхтамишхон билан курашилари муваффақиятли бўлмади.

<sup>3</sup> Тўхтамишхон – Жўчи авлоди, Олтин Ўрда хони (1376 – 1395). 1378 йили Амир Темурнинг ёрдами билан Жўчи улусининг ҳар иккала қисмини, Оқ Ўрда билан Олтин Ўрдани бир-бирига қўшиб, 1395 йилга қадар Дашти Қипчоқда Жўчи улуси устидан ҳукмронлик қилади. 1405 йилдан кейин Сибир ўрмонларида касаллиқдан вафот этган.



саммикан деб турганимда, Үрусхоннинг элчиси келиб қолди. Кенгашиб, элчининг күнглини овлаб, сұнг кетишига ижозат беришни, үзим эса Даشت Қипчоқ томон юzlаниб, элчининг кетидан лашкар жұнатиши мұлжалладим, токи элчи хотиржамлик билан бұлган воқеаларни Үрусхоннинг мажлисида баён қылсын, әртаси куни менинг құшинларим құққисдан уларнинг устига бостириб борсин.

Үйлаганимдек иш тутгандим, тадбирим тақдирға тұғри келди. Үрусхон элчиси бұлган воқеаларни сұзлаб бераёттан пайтда, менинг құрқымас лашкарим ногақон келган селдек Үрусхон устига ёпирилди. У эса қаршилик күрсатолмай, қочишини ихтиёр қылди. Даشت Қипчоқ мамлакати менга бүйсунди<sup>1</sup>.

## ГИЛОН<sup>2</sup>, ЖУРЖОН, МОЗАНДАРОН, ОЗАРБАЙЖОН, ШИРВОН<sup>3</sup>, ФОРС ВА ИРОҚ, МАМЛАКАТЛАРИНИ ЗАБТ ЭТИШ БОБИДА ҚИЛГАН КЕНГАШИМ

Ироқ аҳолисининг Музаффарийлар<sup>4</sup> ва турли тоифадағи ҳукмдорлар<sup>5</sup> зулмидан шикоят қилиб ёзған аризалари құлымга тушгач, Ироққа юриш тадоригини күришга жазм қылдим<sup>6</sup>.

Шу пайт хотирамага: «Бу мамлакатларнинг подшох-лари иттифоқ булыб, менга қарши урушга кутарилсалар-чи? Демак, жангта шай булиш лозим!» – деган

<sup>1</sup> Бу воқеа 1376 йилда бұлган.

<sup>2</sup> Гилон (Жилон) – Каспий деңгизининг жануби-ғарбиадаги вилоят; ипак матолари билан машхур бұлган.

<sup>3</sup> Ширвон – Озарбайжондаги тарихий вилоят. Кура дарёсининг күйи ҳавзасыда. Уни Ануширвон бунёд қылган деган ривоятта боис шу ном билан аталған.

<sup>4</sup> Музаффарийлар – 1314 – 1393 йилларда Жанубий Эронни идора қылған суолола.

<sup>5</sup> ..хукмдорлар – бу ерда мұгұллардан кейин ҳукумат тепасига келған Сарбадорлар, Чүпонийлар, Жалоирийлар давлатлари күзде тутилған

<sup>6</sup> Бу юриш Хуросонда амир Валибек ва Алибек Жоникұрбоний исөнини бостириш мақсадида қилинған.



фикр келди. Амирларим ҳам жангдан аввал тегишли тайёргарликни күриш керак, деб маслаҳат бердилар. Үзим эса буларни бирма-бир ром этган ҳолда бўйсундириш, итоатга келмаганларини эса жазолаш даркор, деган фикрда эдим. Менинг паноҳимга келган биринчи одам Мозандарон ҳокими амир Али бўлди. У менга пешкаш жўнатиб, мактубида: «Биз ҳазрати Али авлодидан бўлган бир жамоамиз. Шу ерда қаноат қилиб кун кечираётибмиз. Бу ерни олсангиз, қуввату кучингиз ортар, аммо кечиб юборишингиз тақвога яқинроқ ишдир<sup>1</sup>», – деган гаплар битилган эди.

Мен Мозандарон ҳокимининг итоат билдириб қилган бу мурожаатини яхшиликка йўйдим. Кейин Гilon ва Журжонга қараб йўл олдим. У ўлканинг ҳокимлари менга бўйсунмагач, қаҳрли лашкарим фавжларини уларнинг устига жўнатдим, үзим эса Ироқ сари лашкар тортдим.

Исфаҳонни забт этдим. Шаҳар аҳолисига ишонч билдириб, қалъасини ўзларининг қўлига топширдим. Улар эса исён кўтариб, мен тайинлаган даругани<sup>2</sup> ҳамда уч минг аскаримни тифдан ўтказдилар. Мен Исфаҳон аҳолисини қатли ом қилиш ҳақида буйруқ бердим<sup>3</sup>.

## ФОРС ПОЙТАХТИ (ШЕРОЗ)НИ ВА ИРОҚНИНГ ҚОЛГАН ҚИСМИНИ ЗАБТ ЭТИШ БОБИДАГИ КЕНГАШИМ

Шерозни Музafferийларга қолдириб, Исфаҳонда эса уч минг одамимни тайинлаб, үзим Тўхтамишхонни даф этиш учун Даشتги Қыпчоққа лашкар тортиб борганимда, Исфаҳон аҳолиси даругани ўлдирди. Шу вақтнинг ўзида Шероз аҳолиси ҳам менга бўйсунмай қўйган эди. Шу сабабдан, уларни жазолаш мақсадида яна Ироққа юриш

<sup>1</sup> «Қуръони карим». Бақара сураси, 237-оят. (– А.А.)

<sup>2</sup> Даруга – шаҳар ҳокими.

<sup>3</sup> Бу воқеа 1387 йили 18 ноябрда содир бўлган. Қуролсиз кишилар, сайдилар, шайхлар ва ҳунарманларга тегилмаган.



қилишга тайёрлана бошладим. Саксон минг отлиқ аскар тұпладим. Лекин бу катта лашкар билан бир йұла Ироқ үлкасига кирсам, у ерга сиғмай қолиши мумкинligини эътиборга олиб, лашкаримни фавжларга булиб, уларни Ироқ мамлакатини забт қилишга бириң-кетин юбориш керак, деган қарорға келдим.

Шундан сұнг, лашкаримни уч фавжга бұлдим ва үзимдан олдинда боришини буюрдим. Ироқнинг ҳар ер-хар ерида тұпланған ғаним аскарларининг ҳаммаси тарқалиб кетди. Сұнг Шероз устига лашкар тортдым. Шоҳ, Мансур<sup>1</sup> жанг майдонида мен билан тұқнашиб, жазосини топди.

## ТҰХТАМИШХОНГА ШИКАСТ ЕТКАЗИШ БОБИДА ҚИЛГАН КЕНГАШИМ

Лашкарларим беш ой давомида Тұхтамишхоннинг ортидан қувиб юргани сабабли<sup>2</sup> күпинча оч қола бошладилар. Чунончи, бир неча күн ош балмоқ<sup>3</sup>, ов гүшти, сахро паррандаларининг тухуми билан күн кечирдилар. Лашкарим бундай оғир ақволга тушиб қолганини эшиттан Тұхтамишхон фурсатдан фойдаланмоқчы булиб, чумолиу чигиртқадан ҳам күп аскари билан устимизга ёпирилиб келди ва мен билан тұқнащды. Аскарларимнинг очликдан тинкаси қуриган эди. Тұхтамишхон аскарлари эса түқ ва осуда эдилар. Фарзандларим ва на-бираларим хузуримга келиб тиз чүкиб, мен учун жон фидо қилишга тайёр эканликларини билдирмагунларича, саркардаларим ва аскар бошлиқдарим жанг қилишга рүйхушлик бермадилар. Шу пайт Тұхтамишхоннинг байроқдори мен билан тил бириктirdи – уруш бош-

<sup>1</sup> Шоҳ Мансур – Музаффарийлар сулоласидан. 1387 – 1393 йиллари Форс, Исфақон ва Ироқи Ажамни идора қилған ҳұкмдор. 1393 йил 26 апреда жангда үлдирилған.

<sup>2</sup> Амир Темурнинг Тұхтамишхонга қарши 1391 йилдагы юриши на-зарда тутилмоқда, Жанг Амир Темурнинг ғалабаси билан яқунланған.

<sup>3</sup> Ош балмоқ – атала. (– А.А.)



лаганимда, икки томон лашкари юзма-юз келганды, байроқдор байроғини тубан қилиши ҳақида у билан келишиб олдим. Фарзандларим (ва набираларим) олдимга келиб, тиз чүкканини эшиттөгөч, амирларим ва нүёнларимнинг<sup>1</sup> жасурлиги тутиги, жангта шай ҳолатта келдилар. Мен (набирам) амирзода Абу Бақрни<sup>2</sup> саккиз минг отлиқ билан ҳировул этиб тайинладым. Савашу чопиш қизишиб, жангту жадал ўти күкка күтарилганда, чодирлар тикиб, таом тайёрлашга киришишни буюрдым. Худди шу пайт фаним байроғи тубан бўлди ва Тўхтамишхон саросимага тушиб қолди. У Жўчи улусини<sup>3</sup> форатта ташлаб, жанг майдонига орқа ўтириб қочди<sup>4</sup>.

## ДОРУССАЛОМ<sup>5</sup> (БАҒДОД)НИ ВА АРАБ ИРОҚИНИ<sup>6</sup> ЗАБТ ЭТИШ ТҮГРИСИДАГИ КЕНГАШИМ

Ажам Ироқи<sup>7</sup> ва Форсни забт этганимдан кейин, қутб ул-ақтоб<sup>8</sup> пиримдан менга қуийидаги мазмунда

<sup>1</sup> Нүён — туман, яъни 10 минг кишилик лашкар қўмондони.

<sup>2</sup> Абу Бақр (1382—1417) — Амир Темурнинг невараси, амирзода Мироншоҳнинг ўғли, Озарбайжон ва Ироқ ҳукмдори.

<sup>3</sup> Жўчи улуси — Чингизхоннинг тўнгич ўғли Жўчи ва унинг ўғли Ботухон томонидан бунёд этилган давлат. Унинг таркибига ҳозирги Россиянинг бир қисми ҳамда Украина, Қозогистоннинг Балхаш кўлидан гарбдаги ерлари кирган. (—А.А.)

<sup>4</sup> Бу ерда Қундузча яқинида (ҳозирги Самара ва Чистополь ўртасида) 1391 йил 18 июнида булиб ўтган жангда Тўхтамишхоннинг мағлуб этилиши воқеаси келтирилган.

<sup>5</sup> Доруссалом — (араб. — тинчлик маскани) — мусулмонлар томонидан Бағдод шаҳрига берилган сифат, чунки шаҳар барпо қилинishiда уч йил давомида халифалик уруш олиб бормаган. (—А.А.)

<sup>6</sup> ..араб Ироқи (Ироқи араб) — араблар истиқомат қилиб турган Ироқ; асл Ироқ (қадимги Бобил). (—А.А.)

<sup>7</sup> ...ажам Ироқи (Ироқи ажам) — ажамликлар, яъни араб бўлмаган ҳалқлар истиқомат қилиб турган Ироқ (қадимги Мидия), Эроннинг Ироқ билан чегарадош гарбий ерлари, Месопотамияга туташ жойлар тушунилади.

<sup>8</sup> Қутб ул-ақтоб — «қутблар қутби». Улуғ мартабали шайхлар, дин пешволари ва валийларга бериладиган фахрли ном. Бу ерда Мир Сайид Барака назарда тутилган, дея тахмин қилиш мумкин.



мактуб келди: «(Эй), араб Ироқи ва ажам Ироқининг буюк фотиҳи, (Оллоҳ) сенга (иккинчи) Ироқни ҳам тақдим этди!».

Бағдодни забт этиш учун даставвал султон Аҳмад Жалойир<sup>1</sup> ҳузурига Бағдод волийси лашкарларининг қай ахволда эканлиги, юриш-туриши, құдрати ҳақида маълумотлар олиб келиш учун элчи юборишга келишилди. Элчи Бағдоддан менга: «Султон Аҳмад икки күзли бир бұлак гүшт экан», – деган мазмунда хат юборди. Мен Тангрининг иноятига сұяниб, (Бағдод устига) қараб юрдим ва тез фурсатда Бағдодға етиб бордим. Султон Аҳмад Жалойир жонининг омонлигини афзал күриб, Карбало томонға қараб қочди. Шу билан Доруссалом Бағдод менга бўйсунди<sup>2</sup>.

## ТҮХТАМИШХОННИ ЙЎҚОТИШ УЧУН ҚИЛГАН КЕНГАШИМ

(Тұхтамишхон мендан енгилиб) Жұчи улусини талон-торожга ташлаб, үзи қочган эди. Кейинроқ менинг йўқлигимдан фойдаланиб, Дарбанд<sup>3</sup> ва Ширвон орқали Озарбайжонга кўп сонли лашкар юбориб, фитнаю фасод кўтарди. Бу вақтда мен ҳар иккала Ироқни ҳам эндиғина забт этиб бўлғандим. Тұхтамишхонни йўқотиш учун беҳисоб лашкар билан Дарбанд йўли орқали яна Даشتى Қипчоққа юришни маслаҳат кўрдим.

<sup>1</sup> Султон Аҳмад Жалойир – 1382 – 1410 йилларда Ирок, Курдистон ва Озарбайжонда ҳукмронлик қилган.

<sup>2</sup> Бу ерда Бағдоднинг Амир Темур томонидан 1393 йил сентябрь ойи охирида биринчи марта забт этилиши назарда тутилган. Султон Аҳмад Жалойир Мисрга қочиб, мамлуклардан бўлмиш Сайфиддин Барқуқ (1382 – 1399) саройидан паноҳ, топган эди. Кейинчалик 1401 йил 20 июня Амир Темур иккинчи марта Бағдодни фатҳ, этган. (– А.А.)

<sup>3</sup> Дарбанг – Каспий дengизининг чап соҳилидаги тарихий шаҳар, асрлар давомида у ерда жойлашган мудофаа иншоотлари ва қалъа муҳим чегара пункти ва Каспий дengизидаги катта бандарлардан бири бўлиб ҳисобланган.



Юриш олдидан күрик қилиб, лашкарим қаергача бориб етишини билмоқчи бўлдим. Қарасам, турт фарсанг масофада лашкарларим саф тортиб туради. Тангри таолога шукур келтиридим. Сўнг Самур сувидан<sup>1</sup> утиб, Даشتி Қипчоқнинг элу улусига ушбу мазмунда ёрлиқлар йўлладим: «Кимки менга келиб қўшилса, улуғланади, кимки мен билан курашмоқчи бўлса йиқилади».

Хижрий 797 (милодий 1394 – 95) йили Даشتி Қипчоққа кирдим ва узоқ шимолида ястаниб ётган ерларигача бордим<sup>2</sup>. Менга қарши бўлган Жўчи эл-улусини бўйсундириб, ўзимга тобеъ этдим. Бешинчи ва олтинчи иқдим<sup>3</sup> вилоятлари, улуслари, қалъаларини забт этиб, ғалабаю зафар қучиб ортимга қайтдим.

## ҲИНДИСТОННИ ЗАБТ ЭТИШ УЧУН ҚИЛГАН КЕНГАШИМ

Даставвал, фарзандларим ва амирларимнинг кўнгли, ўй-фикрларини билиш учун уларга маслаҳат солдим.

Амирзода Пирмуҳаммад Жаҳонгир<sup>4</sup>: «Агар Ҳиндистонни олсак, унинг олтинлари билан бутун ер юзи-

<sup>1</sup> Самур суви – Дофистон ва Озарбайжон чегарасидаги дарёча, Каспийга қўйилади. (– А.А.)

<sup>2</sup> Амир Темур билан Тўхтамишхон ўртасидаги бу уруш 1395 йил 17 апрелда Терек дарёси бўйидаги водийда бўлган ва Соҳибқироннинг ғалабаси билан якунланган. Шундан кейин Амир Темур, Низомиддин Шомий ва Шарафиудин Али Яздий «Зафарнома»ларида келтирилишича, Даشتி Қипчоққа қарашли қатор вилоят ва шаҳарларни, Олтин Ўрданинг пойтахти Сарой Беркани эгаллаган, Москвагача борган. (– А.А.)

<sup>3</sup> Етти иқдим тушунчаси фанда илк бор Мұхаммад ал-Хоразмий томонидан муомалага киритилган. Хоразм, Мовароуннаҳр, Фарғона, Даشتி Қипчоқ ерлари бешинчи ва олтинчи иқдимлардан жой олган. (– А.А.)

<sup>4</sup> Пирмуҳаммад Жаҳонгир (1376 – 1406) – Амир Темурнинг нашибаси. Отаси Жаҳонгир вафотидан (1376) кейин у Кобул, Қандаҳор, Фазна ва Балхни идора қилган.



ни эгаллаймиз», — деди. Амирзода Мұхаммад Султон<sup>1</sup> эса: «Ҳиндистонни оламизу, бироқ (бунга) түсиқлар бор: бириңчиси — денгизлар, иккинчиси — үрмомуң тұқайлар, учинчиси — жанговар сипохийлар ҳамда одам овлагувчи филлари күп», — деди. Сұзға амирзода Султон Ҳусайн<sup>2</sup> құшилди: «Агар Ҳиндистонни құлга кирита олсак, тұрт иқдимга ҳукмрон бұлурмиз».

Амирзода Шоҳрух<sup>3</sup> сұзни бундай давом эттириди: «Мен түрк қонунларида үқиган әдимки, жаһонда бешта шон-шавкатли подшоҳ бордир. Уларнинг улуғворлигини ҳурматлаб номларини атамай, лақаблари билан айтадилар: Ҳинд подшосини — рой, Рум подшосини — қайсар, Хитой ва Чину Мочин подшосини — фагфур, Туркистон подшосини — хоқон, Эрону Турон подшосини — шаҳаншоҳ дейдилар. Шаҳаншоҳ ҳукми ҳамиша Ҳиндистон мамлакатларида (ҳам) жорий этиларди. Ҳозир Эрону Туронзамин бизнинг құлымизда бұлғани учун, Ҳиндистонни ҳам фатх этмоғимиз лозимдир».

Амирлар әшитишиб: «Борингки, Ҳиндистонни олдик ҳам дейлиқ. Бироқ у ерда турғун бұлыб қолсак, наслимиз йүқолади, авлодларимиз үз аслидан ажраб, тиллари ҳиндча бұлыб кетади», — дейиши.

Мен, Ҳиндистонга юриш учун ҳиммат камарини белга боғлаганимдан үз азму жазмимдан воз кечишни истамадим ва шундай жавоб қылдым: «Тангри таолога үтінч билан мурожаат этайлик. Жанг қилиш ёки

---

<sup>1</sup> *Мұхаммад Султон* — Амир Темурнинг набираси. Жаһонгирнинг үғли (1376—1403). Онаси Олтин Үрда хони Үзбекхоннинг (1312—1341) набираси Хонзода бегим бұлған. Амир Темур үзиге валиаҳд этиб тайинлаган. 1403 йили Қора шаҳар (Түркия)да касал бұлыб вайфот эттан.

<sup>2</sup> *Султон Ҳусайн* — Амир Темурнинг набираси, қизи Ака Беги (Тағайшоҳ)нинг үғли.

<sup>3</sup> *Шоҳрух* (1377—1447) — Амир Темурнинг кенжә үғли, 1405 йилдан Хуросон ноиби, 1409—1447 йилларда Темурийлар салтанати олий ҳукмдори.

қилмаслик ҳақида Қуръондан фол очайлик, Тангри таоло нени буюрса шунга амал қилгаймиз».

Ҳаммалари менинг таклифимни маъқуллашди. Қуръони мажиддан фол очсан, ушбу улуф оят чиқди: «Эй пайтамбар, коғирларга ва муноғиқларга қарши жаҳд қилгил»<sup>1</sup>. Уламо мазкур оятнинг мазмунини амирларга тушунириб бергандан кейин, бошларини эгиб, жим бўлиб қолдилар. Уларнинг хомушлигидан дилим ранжиди.

Ўз-ўзимча кенгашиб, Ҳиндистонни забт этишга розилик бермаётган амирларни мансабларидан олиб, қўшинларини кутволларига топширсаммикан, деб уйладим. Лекин ўзим тарбиялаган кишилар бўлганлеклари учун, уларни хароб қилишни истамадим. Гарчи юрагимни қонга тўлдириб эzsалар-да, уларга мулоҳимлик курсатдим. Охири фикримга қўшилганларида, кунглимда уларга нисбатан губор қолмади. Сунгра қайтадан кенгашиб чақириб, иқболимиз хонаси – Ҳиндистонга юzlаниб, зафару фатҳ дуосини ўқидим.

## ҲИНДИСТОН ПОЙТАХТИ (ДЕҲЛИ)ГА ЛАШКАР ТОРТИШ БОРАСИДА ҚИЛГАН КЕНГАШИМ

Кобулда жавонфорнинг ўттиз минг отлик аскари билан турган амирзода Пирмуҳаммад Жаҳонгирга Сулеймон тоғи орқали юриб, Синд дарёсидан ўтгач, Мўлтон<sup>2</sup> вилояти устига тусатдан бостириб бориб, забт этишни тайинладим.

Султон Муҳаммадхон<sup>3</sup>, амирзода Рустам<sup>4</sup> ва бошқа амирларга баронфорнинг ўттиз минг отлигини олиб

<sup>1</sup> Қуръони карим, Таҳрим сураси, 9-оят.

<sup>2</sup> Мўлтон – ҳозирги Покистондаги шаҳар.

<sup>3</sup> ...Султон Муҳаммадхон – «Тузуклар»ни аслиятдан форсчага таржима қилган таржимон ёки хаттот хатоси, аслида Султон Маҳмудхон (1388 – 1402) булиши лозим, Чигатойхон авлоди, Амир Темур ҳўқмронлиги даврида хон деб эълон қилингандардан бири. (– А.А.)

<sup>4</sup> Амирзода Рустам (1381 – 1424) – Амирзода Умаршайхнинг ўғли. 1405 – 1408 ва 1415 йиллари Исфаҳон ҳокими бўлган. 1424 йили Исфаҳонда вафот этган.





Синд дарёсидан кечиб ўтиб, Кашмир тоги этагидаги йўл билан, Лоҳур вилоятига қўққисдан босқин қилишни буюрдим. Ўзим ўттиз минг отлиқ аскар билан ғулни<sup>1</sup> бошқардим. Ҳиндистон юришига жамланган лашкарлар умумий сони тўқсон икки минг отлиқقا етган эди. Лашкарим сони Оллоҳнинг ердаги элчиси Муҳаммад саллоллоҳу алайҳи васаллам исми шарифлари сонига тўғри келганлиги учун, бу тасодифни истиқболнинг хайрли ва муборак фоллари сирасига киритдим.

Отланиб йўлга тушдим ва Бадахшон чегарасидаги Андароб деган жойга келиб тушдим. (Бу ерда бир неча кун бўлиб) Катур<sup>2</sup> тогида истиқомат қилиб турган кофирларни енгдим. Уларга жазо берганимдан сўнг, дор ул-ҳарб бўлмиш Ҳиндистон газовотига юзландим<sup>3</sup>.

### ҲИНДИСТОНГА ОЛИБ БОРАДИГАН ЙЎЛНИ АФГОНЛАРДАН ТОЗАЛАШ УЧУН ҚИЛГАН КЕНГАШИМ

Шу орада менга арз қилдиларки, бир туда афлонлар Ҳиндистонга олиб борадиган йўлга босқин қилиб, у ерда қароқчилик қилаётган эканлар. Хусусан, булардан Каркас<sup>4</sup> қабиласининг бошлиғи Мусо Афтоний ҳаддидан ошаётган экан. Менинг вафодор хизматкор ва тобеъларимдан бири бўлган Лашкаршоҳ Афтонийни Пирмуҳаммад Жаҳонгир Эрёб қалъасини қуриклишга қўйган эди. Мусо Афтоний мазкур қалъага отсолиб, шиддат билан босиб олибди, Лашкаршоҳ Афтонийни үлдириб, қалъадагиларнинг бор-йўтини талаб кетибди.

<sup>1</sup> *Fўl (ёки қўл, қалб)* – лашкарнинг марказий қисми.

<sup>2</sup> *Катур* – Ҳиндикушдаги тоғли вилоят, Кофиристон, ҳозир Нуристон деб ҳам аталади.

<sup>3</sup> Ҳиндистонга юриш 1398 йил апрель ойида бошланиб, 1399 йил апрель ойининг 27 сигача давом этган.

<sup>4</sup> *Каркас* – хато ёзилган. Какар бўлиши керак. Ҳозирги Покистоннинг шимоли-ғарбида яшайдиган қабила. (–А.А.)

Шу пайтда (хузуримга) Лашкаршоҳнинг иниси Малик Муҳаммад дод-фарёд кутариб келди. У оғасини ўлдирган Мусо Афонийнинг жабру зулмидан шикоят қилди. Мен бўлсам (унинг сўзига қулоқ солмаган бўлиб): «Ҳой инсон, Мусо Афоний менга хайрҳоҳлардан биридир», дедим ва уни қамаб қўйишларини буюрдим. Амирларим мени ноҳақ зулм ўtkазди, деб айбладилар.

Бироқ, бунинг аксича, Мусо Афоний Малик Муҳаммаднинг ҳибсга олингани ҳақидағи хабарни ва менинг айтган гапларимни эшишиб, кўнгли таскин топди. Шундан кейин, уни ҳузуримга келишини талаб қилиб ёзган ёрлиғимни олгач, ҳадиксирамасдан дарҳол етиб келиб, қалъани менга пешкаш қилди.

Мен у қалъани томоша қилиш учун ичкарисига кирганимда, унинг (Мусо Афонийнинг) сипоҳийларидан бири мени ўлдириш қасдида ўқ-ёй отди. Кейин Мусо Афоний узига яраша жазосини топди. Ҳиндистон йўли очилди.

## ДЕҲЛИ ҲОКИМИ СУЛТОН МАҲМУД ВА МАЛЛУХОНЛАРНИ ЕНГИШ БОБИДАГИ КЕНГАШИМ

Султон Маҳмуд<sup>1</sup>, Маллухон<sup>2</sup> иккиси эллик минг отлиқ ва пиёда аскар, 120 занжирбанд фил билан Дехли қалъасини мустаҳкамлаб, менга қарши жангта шайландилар. Кўнглим ғаш бўлди. Бордию Дехли қалъасининг қамалига киришсам, бу иш узоқ муддатта чўзилиб кетса, (унда нима қиласман?) Кенгашни шундан топдимки, ғаним лашқари дадилланиб, (қалъадан) чи-

<sup>1</sup> Султон Маҳмуд (Султон Носириддин Маҳмудшоҳ, II) – Шимолий Ҳиндистонни идора қилган Түғлукйлар сулоласи (1320 – 1413)дан чиққан подшоҳ. У 1393 – 1399 йиллари мамлакат ҳукмдори бўлган.

<sup>2</sup> Маллухон – Султон Маҳмудшоҳ, ҳукмронлиги даврида вазир ва амиралумаро бўлиб, ҳукуматни деярли ўзи бошқарган.





қиб, саф тортиб жанг майдонига кириши учун, ўзимни кучсиз ва (қўрқандек) қилиб кўрсатмоқчи бўлдим. Шу сабабдан, лашкардан узокроқда хандақ қаздирдим. Лашкарим билан хандақ ичига яхшилаб жойлашганимдан кейин, лашкарларимнинг бир фавжини душманга қарши жангта ташладим. Душман қаршисига боргач, ўзларини кучсиз кўрсатиб, қўрқандай булиб чекинишларини ва ғанимларни дадиллантириб келишни буюрдим. Душман лашкари бу ҳолни кўриб ўзларини ғолиб ҳисоблаб, гердайиб жанг майдонига чиққан эдиларки, (менинг) қаҳрли лашкарим фавжлари билан юзма-юз келдилар. Дехли ҳокими султон Маҳмуд жангта киришди ва енгилиб тоғ тарафга қочди. Бекиёс хазина ва мол-мулки сипоҳийларимга насиб бўлди.

Бир йил ичида Ҳиндистон пойтахти Дехлини забт этдим<sup>1</sup> ва мазкур йилнинг охирларида салтанатим пойтахти (Самарқанд)га қайтдим<sup>2</sup>.

## ГУРЖИСТОН МАМЛАКАТИНИ ЭГАЛЛАШ УЧУН ҚИЛГАН КЕНГАШИМ

Ҳиндистондан зафар қозониб қайтганимдан кейин, ҳали сафар чарчоги чиқмай туриб, икки Ироқ, ҳокимларидан менга арзнома келди. Ёзишларича, Гуржистон кофирлари ҳаддиларидан ошиб, чегарани бузган эмишлар.

Мен ҳамиша подшоҳлар учун кофирларга қарши ғазовот қилишдан, мамлакатларни забт этишдан ва жаҳонгириликдан яхшироқ иш йўқ, деган фикрда эдим. Гуржистон имонсизларининг түғён кутаргани ҳақидағи хабар келиши биланоқ кенгаш ўtkазиб, «уша діёрдаги бошқа бузуқи одамларнинг ҳам бош кутаршига йўл очилмасин», дея зудлик билан уларни даф

<sup>1</sup> Дехли 1398 йил 18 декабрда забт этилган.

<sup>2</sup> Бу воқеа 1399 йил 27 апрелда юз берган.



қилишга тутиндим. Ҳинд юришидан келган сипоҳийларимга «хоҳловчилар шу ерда қолсин, хоҳловчилар мен билан борсин», деб ихтиёрни үзларига бердим. Хурсон, Қандаҳор, Сейистон, Кермон, Табаристон, Гилон, Мозандарон ва Форс вилоятларидағи лашкарларимга жанг ҳозирлигини күриб, Исфаҳон атрофига келиб, менинг зафарли лашкаримга құшилсиналар, деб ёрлиглар жұнатдым.

Хар бир мамлакатдаги итоатдан буйинтовловчиларни турли ерларга тарқатып юборишина маслаҳат күрдим. Чунончи, Хурсон ва Форсдаги буйинтовловчиларни Туранзаминга құчирдим ва бу мамлакатларнинг сатхини уларнинг мухолифлигидан тозаладим.

Сұнг Гуржистон вилояты қалъаларини забт этиш учун ұша мамлакат устига отландым. Сипоҳийларнинг күнглиға нима үтирса, шуни қылдым. Бошимга пұлат дубулға, әгнимга довудий совут киідим, белимга Миср қиличини боғлаб, баҳодирлигу кураш таҳтига үтирдим. Туранлик довюракларга, Хурсон паҳлавонларига, Гилон ва Мозандарон ботирларига құрқинч солдим ва Сивос<sup>1</sup> ҳамда Гуржистон қалъаларини фатх қылдым. Қалъадан туриб (қаршилик күрсатғанларнинг) барчасини мағлуб этдим, қалъадан олган үлжаларни эсағолиб аскарларимга улащдым. Озарбайжонлик бузуқи, бевош кишиларни жазоладим.

Шундан кейин Малатия<sup>2</sup> қалъаси ва унинг төварамидаги ерларни фатх, этишга киришдим. Ұша қалъаларни фатх, айлаб хотиржам бұлғанимдан сұнг Ҳалаб<sup>3</sup>

<sup>1</sup> Сивос – Кичик Осиёning йирик қалъа-шақарларидан; үрта асрларда Себастия деб номланған. «Султония – Табриз – Күниё» карвон йұлы устида жойлашған шақар. Ҳозирги вактда Туркиядаги шу номдаги вилоят маркази. (– А.А.)

<sup>2</sup> Малатия – Рум мамлакатининг машхұр шақарларидан. Ҳозирда Туркиянинг шу номдаги вилоят маркази.

<sup>3</sup> Ҳалаб – Шом(Сурия)нинг шимолида жойлашған қадимий шақар (милод.ав. 20-асрдан маълум), үрта асрларда Алеппо номи билан машхұр бұлған.



ва Ҳұмс<sup>1</sup> томонларға қараб йұналдым ва бир оз ҳара-  
кат билан бу мамлакатларни ҳам үзимга қаратдим. Сұнг  
Миср ва Шом мамлакатларини забт этишга камар боғ-  
ладим<sup>2</sup>.

## МИСР ВА ШОМ (МАМЛАКАТЛАРИ) НИ ФАТХ ЭТИШ БОБИДА ҚИЛГАН КЕНГАШИМ

Менинг шон-шавкатим ва қудратим овозаси (Рум)  
Қайсарининг<sup>3</sup> қулоғига етди. У үзига қарашли Сивос  
хамда Малатия қалъалари ҳамда уларға тобеъ ерлар-  
ни забт этганим, қалъалар ичидаги аскарларининг ба-  
рисини тарқатиб, теварак-атрофға сочиб ташлаганим  
ҳақидағи хабарни әшиттігач, томирлариңдаги ғайрат ҳара-  
ката келди ва лашкарим зарбасыдан қочиб, Қайсар  
қошида паноҳ топған Қора Юсуф Туркман<sup>4</sup> иғвоси  
билан устимга лашкар тортишга қарор қилди.

Қайсар балога йұлиқиб, давлати вайрон бўлиши  
яқинлашиб қолганди, чунки у Қора Юсуфнинг иғво-  
сига учеб, менга қарши лашкар тортган эди. (Қола-  
верса) Миср ва Шом қўшинларини ҳам ёрдамга ча-  
қирган эди. Мен кенгашиб лашкаримни уч фавжга  
ажратсам яхши бўлар, дедим. Бироқ жангда енгиш-  
енгилиш иши тақдир пардаси остида яширинлиги боис  
бу тўғрида амирларим билан кенгаш ўтказдим. Улар

<sup>1</sup> Ҳұмс – қадимғи Эмесса, Оси (Оронт) дарёси бўйида жойлаш-  
ган ва Шомга қарашли қадимий шаҳар.

<sup>2</sup> Миср ва Шом забтига Амир Темур етти йиллик (1399–1404)  
юриш вақтида, аниқроғи 1399–1401 йиллари киришган.

<sup>3</sup> Бу ерда Ұсмонли империяси султони Йилдирим Боязид I (1389–  
1402) назарда тутилади. 1403 йилнинг 8 марта Оқшаҳарда вафот  
этган. Үрта асрларда битилган тарихий манбаларда Рум мамлакати  
султонлари шу ном билан аталған. (–А.А.)

<sup>4</sup> Қора Юсуф Туркман – 1380–1468 йиллари Ироқ ва Озарбай-  
жон устидан ҳукм юриттан Қора-қўюнлилар сулоласидан чиққан  
ҳукмдор (1388–1420). (–А.А.)



сипоҳийларга хос иш тутиб, уруш очмоқни маслаҳат бердилар.

(Шундай бұлса) ҳам мен Қайсарнинг (файрат) үтини аччиқ-чучук гап билан сұндиromoқни маслаҳат күрдим ва унга мактуб йұлладым. Хатнинг қисқача мазмуни шундай эди: «Еру күкни яратған Тангри таолога чексиз шуқрлар бұлсингім, етти иқдім мамлакатларининг күпини менинг фармонимга киргизди ва олам султонлари, ҳокимлари менга әгилиб, итоат ҳалқасини жон қулоқларига тақдилар. Үз қадрини билиб, ҳаддидан ошмай жасорат оёқдарини тийған баңдасини Тангри ёрлақасин! Сенинг наслу наسابинг қаерга бориб тақалиши жақон ҳалқи олдида маълумдир. Шундай экан, ҳолингта муносиб иш тутиб, журъат оёғини олдинга қўймагилки, ранжу меҳнат балчигига ботиб, бало чуқурига ийқилгайсан. Иқбол эшигидан ҳайдалған бир тұда иғвогар кишилар ғаразли ишларини бажариш учун сенинг паноҳингдан жой олиб, ухлаб ёттан фитнани үйғотмишлар. Яна үшаларнинг иғвоси билан давлатинг юзига оғат ва бало эшигини очмагил. (Дархол) Қора Юсуфни менинг олдимга юборгил. Йүқ эса тақдир пардаси икки лашкар сафлари тұқнашганда юзингта очилғусидир<sup>1</sup>.

Мактубни танилған әлчиларим билан Қайсарға юборганимдан кейин Шом пойтахти (Дамашқ)га бориб туришга қарор қылдым. Ҳұмс ва Ҳалаб йұли орқали у ерга равона бұлдым. Ҳалаб шаҳрига етганимда Миср подшоси Малик Барқұқ үғли Малик Фараж<sup>2</sup> менинг Дамашққа келаётганимни эшитиб, шошилинч равищда Мисрдан Дамашққа қараб йұл олгани ҳақида

<sup>1</sup> Лекин Боязид Йилдирим Амир Темурнинг талабини инобатта олмаган, аксинча, унга ҳақоратомуз жавоб мактуби йұллаган.

<sup>2</sup> Малик Барқұқ үғли Малик Фараж – 1382–1517 йилларда Миср билан Шомда ҳукмронлик қылған Буржийлар сулоласыдан чиқсан ҳукмдор (1399–1405). Шарқдаги Амир Темурға қарши күчлар, Тұхтамыш, Қора-қүюнли туркманлари, Султон Ахмад жалойир ва Рум султонлари билан иттифоқдош бўлган.



хабар келтирдилар. Мен Миср ва Шом лашкарлари-нинг қўшилишига йўл қўймаслик учун зудлик билан отланиб, олдинга юрдим. Лекин Малик Фараж абжирлик қилиб, мендан олдин Дамашққа етиб олди. (Шундай бўлса ҳам) мен унинг орқасидан шаҳарга етиб бордим ва Дамашқни забт этдим<sup>1</sup>.

## РУМ<sup>2</sup> МАМЛАКАТИНИ ЗАБТ ЭТИБ, ҚАЙСАР<sup>3</sup> ЛАШКАРИНИ СИНДИРИШ БОБИДА ҚИЛГАН КЕНГАШИМ

Шом шаҳарларини забт этганимдан кейин ва Мисру Шом подшоси Малик Фараж жанг майдонини ташлаб қочгандан сўнг, Румга юборган элчим Йилдирим Боязиёнинг тескари жавобини олиб келди. Лекин (Боязиён) Миср ва Шом лашкари мендан енгилганини эшитгач, ўйланиб қолгани ва саросимага тушиб, шошилинч равишда юришга тайёргарлик кўра бошлаганини ҳам айтди. Мен эса кенгашиб Дамашқ шаҳрини олиб, Шом вилоятларини бўйсундиргач, Мосул<sup>4</sup> йўли билан Бағдодга қараб юрдим. Бу билан Қайсарнинг менга қарши уруш қилиш нияти бор-йўқлигини билиб олмоқчи бўлдим.

Табриз тарафга қараб борар эканман, амирзодалардан баъзиларини кўп сонли лашкар фавжлари билан Бағдод устига жунатдим. Бу вақтда Бағдод ҳокими Султон Аҳмад Жалойир шаҳарни ва унинг қалъасини қўриқлашни навкари Фаражга топшириб, ёнига кўп одамларни қўшиб берганди. Амирзодалар Бағдодга етиб, шаҳарни қуршаб олдилар. Иш уруш қилишга

<sup>1</sup> Бу воқеа 1401 йил 11 январда юз берган.

<sup>2</sup> Рум – бу ерда: Усмонли сultonligi. (–А. А.)

<sup>3</sup> Қайсар – бу ерда: Усмонли сultonи Боязиён I Йилдирим на-зарда тутилган. (–А.А.).

<sup>4</sup> Мосул – араб Ироқининг шимолидаги катта шаҳар, Жазира ўлкасининг маркази.



бориб тақалгач, (чопар орқали) бор ҳақиқатни менга арз қилдилар. (Бу хабарни) эшишиб ўзим Бағдодга бориб, шаҳар ва қалъани озод этишга қарор бердим. Табриз йўлидан орқага қайтиб, юриш билан Бағдодга келдим ва эҳтиёткорлик билан ҳарбий ҳийлалар ишлатиб, қалъани қўлга олишга киришдим. Қамал муддати икки ойу ва яна бир неча кунга чўзилгандан кейингина қалъя билан шаҳар ишғол этилиб, ғалаба қозонилди<sup>1</sup>. Қалъя бошлиғи Фараж Дажла дарёсида гарқ бўлди. Мен шаҳарга кирдим ва барча бебош, бузуқи кишиларни қатл этишни, қалъя ва иморатларни бузиб ер билан баробар қилишни буюрдим.

Бағдоддан кейин Озарбайжонга келдим ва ўша ерда бир қанча вақт туриб қолдим. Шу аснода Қайсарнинг Ҳалаб, Ҳумс ва Диёрбакр<sup>2</sup> вилоятларига лашкар фавжларини юборгани ва мендан қочиб унинг паноҳига кирган Қора Юсуф эса қароқчилар бошлиғига айланиб, айниқса, икки муқаддас шаҳар<sup>3</sup> зиёратига қатновчиларнинг карвонларига қўп зарар келтираётганилиги хабари қулогимга чалинди. Бунинг устига ўша тарафлардан бир жамоат кишилар келиб, улар ҳам Қора Юсуфнинг жабр-зулмидан арз қилдилар. Шунинг учун унинг жазосини бериб, Қайсарнинг кўзини фафлат уйқусидан очиб қўйишим лозим кўринди. Бу хусусда маслаҳатни шундан топдимки, ҳар бир шаҳар ва қабиладан лашкар туплаб, Қайсарнинг устига ёпирилиб боргайман. Лашкарлар жам бўлгандан кейин ҳижрий 804 йилнинг ражаб ойида (милодий 1402 йил февралида) Озарбайжондан чиқиб, унга қарши жанг қилиш учун йўлга тушдим. Ўзимдан илгари лашкарим-

<sup>1</sup> «Зафарнома» муваллифи Шарафиддин Али Яздийнинг ёзишича, Амир Темур 1401 йил 9 июлда Бағдодни иккинчи маротаба эгаллаган.

<sup>2</sup> Диёрбакр – Шарқий Анатолиядаги шаҳар, ҳозир Туркиянинг жануби-шарқида.

<sup>3</sup> Маккай мукаррама ва Мадинаи мунаффарага берилган фахрли ном.



дан бир неча фавжини Рум мамлакати устига тұсат-дан босқын қилишга тайин этдім. Яна бир неча фавжта эса йұлимиздаги тұхташ манзилларини күздан кечириб, озиқ-овқатни ҳозирлаб туришни буюрдым. Ұзим Анкурия<sup>1</sup> йұли билан юриш қылдым. Қайсар тұрт юз минг отлиқ ва пиёда аскари билан менга қарши юзланды. Урушни бошладым ва уни енгдим<sup>2</sup>. Қайсарни лашкарбошиларимдан бири құлға тушириб, ҳузурим-га келтирди.

Етти үйлік юришдан сұнг зафар ва нусрат билан Самарқандға қайтдим<sup>3</sup>.



<sup>1</sup> Анкурия – ҳозирги Анқара шаҳрининг урта асрлардаги номи.

<sup>2</sup> Бу жант 1402 үйлінинг 20 июлида Анқара останасындағы Чимбу-кобод мавзеида Амир Темурнинг Боязид Иилдиirim устидан қозонған тұла ғалабаси билан яқунланған. (—А.А.)

<sup>3</sup> Амир Темурнинг Farбий Эрон, Озарбайжон, Кичик Осиё ва Сурияга қылған етти үйлік ҳарбий юриши 1399–1404 үйларда рўй берган. Амир Темур 1404 йил август ойида Самарқандға қайтған. (—А.А.)



## Иккинчи китоб

*М*амлакатларни фатҳ этгувчи баҳтли фарзандларим ва жаҳонни идора этгувчи қудратли набираларимга маълум бўлсинким, Тангри таоло даргоҳидан умидим шулки, кўплаб фарзандларим, авлоду зурриётим салтанат таҳтига ўтириб, мамлакатларни идора этгай. Шунинг учун салтанат қуриш, давлат тутиш боғида ўзим қўллаган ишларни бир неча Тузукка<sup>1</sup> боғладим ва салтанатни бошқариш ҳақида қўлланма ёзив қолдирдим, токи фарзандларим, авлодим ва зурриётимдан бўлганларнинг ҳар бири унга мувофиқ иш юритсин. Меҳнату мashaққатлар, кўп ҳарбий юришлар, уруш-талошлар билан, Тангрининг иноятию ҳазрати Муҳаммаднинг, унга Тангрининг марҳаматлари ва саломлари бўлсин, толеъи баланд ҳалқининг шарофати, онҳазратнинг улуғвор авлоди, қимматли саҳобаларига беғараз муҳаббатим, дўстлигим орқали қўлга киритган давлат ва салтанатни сақлагайлар.

Бу тузуклардан салтанат ишларини бошқаришда қўлланма сифатида фойдалангайлар, токи мендан уларга етадиган давлат ва салтанат зарару таназзулдан омон бўлгай.

Энди менинг номдор баҳтиёр фарзандларим ва мамлакатларни забт этгувчи иқтидорли набираларимга йўл-йўриғим шулки, мен ўн икки нарсани ўзимга шиор қилиб олиб, салтанат мартабасига эрищдим. Шу ўн

<sup>1</sup> Тузук – қонун; туркий халқлар орасида амалда бўлган қонун-қоидалар.



икки тузук ёрдамида мамлакатни құлымда тутиб, салтанатимни бошқардим ва салтанат таҳтига зебу зийнат бердим. Улар ҳам ушбу тузукка амал қылсиналар. Менинг ва үзларининг давлату салтанатларини әхтиёт қылсиналар.

**Тузуклар** жумласидан үз давлатим ва салтанатимга боғлаган бириңчи тузуким шулким, Тангри таолонинг дини ва Мұхаммад мустафонинг шариатига дунёда ривож бердим. Ҳар ерда ва ҳар вақт ислом динини құллаб-құвватладым.

**Иккінчи (тузуким)** шулки, үн икки табақа ва тои-фадаги кишилар билан мамлакатни құлымда тутиб, салтанатимни бошқардим. Давлат, салтанат устунларини үшалар билан құвватлаб, мажлисларимни шулар билан зийнатладым.

**Учинчи (тузуким)** шулки, маслаҳат, кенгаш, тад-биркорлик, фаоллик ва хүшёrlик, әхтиёткорлик билан ғаним қүшинларини енгиб, мамлакатларни үзимга буйсундирдим. Салтанатим ишларини муросаю мадора, мурувват, сабр-тоқат ва чидам билан юргиздим. Күп нарсаны билиб турсам ҳам үзимни билмасликка солдим, дүстү душман билан муросаю мадора қылдим.

**Тұртингчи (тузуким)** – давлатим ишларини тұра ва тузукка асосланған ҳолда бошқардим. Тұра ва тузукка таяниб, салтанатда үз мартаба ва мақомимни мустақкам сақлаб турдим. Амирлар, вазирлар, сипох, раяят, ҳар бири үз лавозим ва мартабасидан мамнун ҳолда хизматимда булыб, ундан ортиғига дағындарлик қила олмади.

**Бешинчи (тузуким)** – амирларим ва аскарларимни мартабаю унвонлар, олтин-кумуш билан хушнуд этдим. Базмларда уларга (муносиб) үрин бердим, шунинг учун жангларда жонларини фидо қылдилар. Дири-ҳам ва динорларни улардан аямадим. Уларнинг юмушларини енгиллаштириш учун меңнату мاشаққатларини үзимга юкладым ва уларни тарбият этдим. Амир-



лар, сипоҳсолорлар, баҳодирлар билан иттифоқ бўлиб, уларнинг мардлигу мардонаворлигига таяниб, шамшир зарби билан йигирма етти подшоҳининг таҳтини эгалладим. Эрон, Турон, Рум, Мағриб, Шом, Миср, Ироқи араб, Ироқи ажам, Мозандарон, Гилон, Ширвон, Озарбайжон, Форс, Хурсон, Жета Даشتни, Даشتни Қипчок, Хоразм, Хўтан, Кобулистон, Бохтарзамин, Ҳиндистон мамлакатларига подшоҳ бўлиб, ҳукм сурдим.

Салтанат тўнини кийгач, ўз тушагимда роҳатда ухлаш ҳузур-ҳаловатидан воз кечдим. Үн икки ёшимдан жаҳонгашталик қисматим бўлди, ранжу меҳнатлар тортдим. Ҳар хил тадбирлар қўлладим, (ғаним) фавжларини синдиридим. Амирлар ва аскарларнинг исёнларини кўрдим, улардан аччиқ сўзлар эшитдим. Лекин сабру бардош билан ўзимни эшитмаган, кўрганга солиб, уларни тинчитдим. Қилич кўтариб жанг майдонига отилдим ва вилоятлар, мамлакатларни бўйсундирив, дунёда ном чиқардим.

**Олтинчи (тузуким)** – адолат ва инсоф билан Тангримнинг яратган бандаларини ўзимдан рози қилдим. Гуноҳкорга ҳам, бегуноҳга ҳам раҳм-шафқат билан, ҳаққоният юзасидан ҳукм чиқардим. Хайр-эҳсон ишларим билан одамларнинг қўнглидан жой олдим. Сиёsat ва инсоф билан сипоҳларимни, раиятни умид ва қўрқинч орасида тутиб турдим. Фуқаро ва қўл остимдагиларга раҳмдиллик қилдим, аскарларимга инъомлар улащдим.

Золимдан мазлумнинг ҳаққини олдим. Золим етказган моддий ва жисмоний заарларни исботлаганимдан кейин, уни шариатга мувофиқ иккиси ўртасида муҳокама қилдим ва бир гуноҳкорнинг ўрнига бошқасига жабр-зулм етказмадим.

Менга ёмонликлар қилиб, бошим узра шамшир кутарганилар, ишимга кўп зиён етказганларни ҳам, агар улар илтижо билан тавба-тазарру қилиб келсалар, ҳурматлаб, ёмон қилмишларини хотирамдан учирдим.



Мартабаларини оширдим. Улар билан муомалада шундай йўл тутдимки, агар хотираларида менга нисбатан шубҳаю қўрқув бўлса, бутунлай унтишар эди.

**Еттинчи (тузуким)** – сайдидлар, уламо, машойих, оқилу донолар, муҳаддислар, тарихчиларни сара, эътиборли одамлар ҳисоблаб, иззату ҳурматларини ўрнига қўйдим. Шижаотли кишиларни дўст тутардим, чунки Тангри таоло жасур кишиларни ардоқлади. Уламо билан суҳбатда бўлдим ва пок ниятли, тоза қалбли кишиларга талпиндим. Буларнинг ҳимматларидан улуш тилаб, муборак нафаслари билан дуо-фотиҳа беришларини илтимос қилдим. Дарвиш, фақир ва мискинларни ўзимга яқин тутдим, уларнинг кўнгилларини оғритмадим ва бирон талабларини рад этмадим. Бузуқи, оғзи шалоқ, фийбатчи одамларни мажлисимга йўлатмадим, сўзларига амал қилмадим. Бирор кимсага нисбатан туҳмату фийбат қилсалар, қулоқ солмадим.

**Саккизинчи (тузуким)** – азму жазм билан иш тутдим. Бирор ишни бажаришни ўйласам, бутун зеҳним, вужудим билан берилдим, битирмагунимча ундан қўлимни тортмадим. Ҳар неки десам, унга ўзим амал қилдим. Ҳеч кимга разаб билан қаттиқ муомалада бўлмадим ва ҳеч бир ишда танглик қилмадим, токи Тангри таолонинг фазабига дучор бўлмайин ва ишимни бузиб, ҳолимни танг айламасин деб. Одам Атодан бошлаб то Хотамгача ва ундан то ҳозирги дамгача<sup>1</sup> ўтган сultonларнинг қонунларини ва туриш-турмушларини донолардан сураб-сuriштиридим. Ҳар қайси гарининг йўл-йўриқлари, туриш-турмушлари, қилиш-қилмишлиари, айтган гапларини хотиралида сақладим ва яхши ахлоқлари, маъқул сифатларидан ўrnак олиб, уларга амал қилдим. Давлатларининг таназзулга учраши сабабларини суриштиридим ва давлату салтанат заволига

<sup>1</sup> Форсча матнда шундай: «Аз Одам то Хотам ва аз Хотам то ин дам». (— А.А.)



сабаб бўлувчи ишлардан сақландим, наслни бузувчи, очарчилик, вабо касали келтирувчи зулму бузуқчиликдан сақланишни ўзимга лозим билдим.

**Тўққизинчи (тузуким)** – раият аҳволидан огоҳ бўлдим, улуғларини оға қаторида, кичикларини фарзанд ўрнида кўрдим. Ҳар ернинг табиати, ҳар эл ва шаҳарнинг расму одатлари, мизожидан воқиф бўлиб турдим. Ҳар бир ўлка ва шаҳар аҳдининг ашроф-улуғлари билан дўст тутиндим. Мизожларига, табиатига тўғри келган, ўзлари тилаган одамларни уларга ҳоким қилиб тайинладим. Ҳар бир диёр аҳолисининг аҳволидан огоҳ бўлиб турдим. Ҳар бир мамлакатнинг аҳволини, сипоҳу раият кайфиятини, туриш-турмушини, қилиш-қилмишларини, булар ўрталаридағи алоқаларни хатта битиб, менга билдириб туришлари учун диёнатли, тўғри ёзувчи кишиларни белгиладим. Бордию эгри ёзганлари менга билдирилса, уларни жазоладим. Ҳокимлару сипоҳдан қай бирининг халқقا жабр-зулм етказганини эшитсан, уларга нисбатан дарҳол адолату инсоф юзасидан чора кўрдим.

**Ўнинчи (тузуким)** – турку тожик, арабу ажамнинг турли тоифа ва қабилаларидан бўлган ва менга нисбатан хайриҳоҳлик қилган кишиларнинг улуғларига ҳурмат кўрсатдим, қолганларини ҳам ўз ҳолига яраша сийладим. Яхшиларига – яхшилик қилдим, ёмонларини эса ўз ёмонликларига топширдим.

Ким менга дўстлик қилса қадрладим, дўстлигини унутмадим ва унга мурувват, эҳсон, иззату икром кўрсатдим. Кимки менинг хизматимни қилса, унинг хизмати ҳаққини адо этдим. Кимки менга душманлик қилсаю, кейин пушаймон бўлиб, илтижо билан ҳимоя истаб, тиз чўкиб ҳузуримга келса, душманлигини унтиб, мурувват ва дўстлик кўрсатдим. Чунончи, улус амири Шер Баҳром аввал менга ҳамроҳ эди, бошимга иш тушганда мени ташлаб кетди ва душманларимга қўшилиб, менга қарши қилич кўтарди. Охири берган





тузим ҳаққи тиз уриб, яна илтижо қилиб келди. Асл эр-йигит экани ва жанг-жадал билан суяги қотган мардлардан бўлганлиги сабабли ёмон ишларининг ҳам-масидан куз юмдим. Ҳузуримга келгач, ўзини ҳурмат-лаб, мартабасини оширдим. Уни марду мардоналиги учун кечирдим.

**Ўн биринчи (тузуким)** – фарзандлар, қариндошлар, ёру биродарлар, қушнилар ва мен билан бир вақтлар дўстлик қилган барча одамларни давлату неъмат мартабасига эришганимда унутмадим, (молу мулк ва нақд пул билан) ҳақларини адо этдим. Ўз фарзандларим, қавму қариндошларимдан қариндошлиқ меҳрини узмадим. Улардан нораво иш ўтган бўлса, дарҳол (қўл-оёғини) боғлаб, ўлдиришга буюрмадим. Ҳар кимни (турниш-турмушнинг пасту баландларида) турли йўллар билан синаб билиб олдим ва уларга шунга яраша муомала қилдим. Ҳаётнинг кўп иссиқ-совуғини кўриб, улардан сабоқ олиб, тажрибамни оширдим. Шунинг учун дўсту душман билан келишиб яшадим.

**Ўн иккинчи (тузуким)** – дўст-душманлигига қарамай, ҳар жойда сипоҳларни ҳурмат қилдим, чунки улар боқий мато бўлган жонларини фоний дунё моли учун сотадилар. Ўзларини маърака-майдонга, ҳалокатга отиб, жонларини қурбон қиласилар.

Агар фаним сипоҳидан бирор кимса ўз валинеъматига сидқидилдан хизмат қилиб, уруш кунларида менга қарши қилич кўтарган бўлса ҳам, ундай одамга нисбатан лутф-марҳаматлар кўрсатдим. Қошимга (паноҳистаб) келганда, уни қадрлаб, ишончини қозондим, вафодорлиги ва ҳақиқат билан хизмат қилишига ишондим.

Қайси бир аскар туз ҳақи ва вафодорликни унтиб, хизмат вақтида ўз эгасидан юз ўтириб, менинг олдимга келган бўлса, ундай одамни ўзимга энг ёмон душман деб билдим. Чунончи, Тўхтамишхон билан бўлган урушда унинг амирлари менга хабарлар ва



шикоятлар ёзиб, ўз ҳукмдори, яъни менинг душманим бўлмиш Тўхтамишхон берган туз ҳақини унутдилар. Вафодорлик ва ҳақиқатни бир чеккага йигиштириб қўйиб, менинг ҳузуримга паноҳ истаб келганлари учун уларни лаънатладим, ўзимча, «Булар ўз соҳибига вафо қилмагач, менга қиласмиди?» деб ўйладим.

## ДИНУ ШАРИАТ ТУЗУКИ

Ўз тажрибамда кўриб билдимки, давлат агар дину тартиб асосида қурилмас, тўра-тузукка<sup>1</sup> борланмас экан, ундан салтанатнинг шукухи, қудрати ва тартиби йўқолади. Бундай салтанат яланғоч одамга ўхшайдирким, кўрган ҳар кимса (ундан) нигоҳини олиб қочади. Ёхуд ҳар хил қаланиги-қасанги одамлар тап тортмай кириб чиқадиган томсиз, эшиги-тусиги йўқ уйга ўхшайди.

Шунинг учун ҳам мен салтанатим биносини ислом дини, тўра ва тузук асосида мустаҳкамладим. Салтанатни бошқаришимда учраган ҳар қандай воқеа ва ишни тўра ва тузук асосида адо этдим.

Дилимнинг машриқидан кўтарилган биринчи тузук шундан иборат бўлдики, ислом динини ёйиб, Муҳаммад, унга Тангрининг марҳаматлари ва саломлари бўлсин, шариатини қувватладим. Жаҳоннинг турли мамлакатлари, катта-кичик шаҳарларида ислом динини ва одамларнинг энг хайрлиси (ҳазрати Муҳаммад пайғамбар)нинг тўғри йўлларини тарғиб этдим. Ўз салтанатимни шариат билан безадим.

Равшан динга ривож беришда қўллаган биринчи тузуким шу бўлдики, саййидлар орасидан лаёқатли биттасини аҳди исломга бошлиқ – садр этиб тайинладим. Тамом вақфларни<sup>2</sup> бошқариш ва назорат қилиш

<sup>1</sup> Тўра – бу ерда: тартиб, қоида ёки қонун маъносида ( – А.А.)

<sup>2</sup> Вақф – подшоҳ, ва бой-бадавлат кишилар тарафидан масжидлар, хонақоҳлар, мозорларга ёки айрим йирик дину тариқат арбобларига, уларнинг маоши учун берилган ер-сув, мол-мулк.



учун мутавалли танлашни, ҳар бир шаҳар ва вилоятда қози, муфтий, муҳтасиб тайинлашни унинг ўзига ҳавола қилдим. У сайдидлар, уламо, шайхлар ва бошқа арбобларга суюргол<sup>1</sup> белгилаб, ҳар бирининг вазифасини тайин қилин, дедим.

Лашкар учун маҳсус қози ва раият учун алоҳида қози тайинладим; ҳар мамлакатга шайхулислом юбордимки, токи мусулмонларни гуноҳ ишлардан қайтариб, уларни яхши ва савоб ишларга ундин. Ноибларимга ҳар бир шаҳарда масжидлар, мадрасалар, хонақоҳлар қуришни, йўловчи мусофиirlар учун йўл устига работлар солишини, дарёлар устига кўприклар қуришни буюрдим.

Мусулмонларга диний масалалардан таълим бериб, шариат ақидалари, ислом дини илмлари, тафсир, ҳадис, фикҳдан дарс берсинлар деб, ҳар бир шаҳарга олимлар ва мударрислар тайин қилдим.

Турли мамлакатлардаги садрлар ва қозиларга шариатнинг асосий талаблари қандай бажарилаётганлиги хусусида менга хабар қилиб туришларини буюрдим. Шунга ухшаш ҳар эл ва ҳар шаҳарда сипоҳ ва раият орасида урф-одатларга оид жанжалли ишлар ҳақида менга маълумот бериб турсин, деб адолат амирини тайинладим.

Шу тариқа ислом динини ривожлантириб, шариатни мусулмон мамлакатларига ёйдим. Ислом динини ёйиб, унга равнақ берганим ҳақидаги овоза каттаю кичик аҳли мўминнинг қулогига етгандан кейин, ислом олимлари: «Тангри таоло ҳар юз йилда Муҳаммад, унга Тангрининг марҳаматлари ва саломлари бўлсин, динига ривож бериш учун бир кишини ислом динининг ёйувчиси ва ривож бергувчиси сифатида ихтиёр этади. Бу саккизинчи юз йилликда<sup>2</sup> Амир

<sup>1</sup> Суюргол – инъом, совфа (ер, мол-мулк).

<sup>2</sup> Саккизинчи юз йиллик – ҳижрий ҳисоб; милодий XIV аср.



соҳибқирон<sup>1</sup> ислом динини жаҳон аҳлига тарқатди. Шунинг учун бу юз йилликда Муҳаммад динига ривож бергувчи зот шу киши бўлғай», деб фатво бердилар.

Замон уламосининг улуғи бўлмиш Мир Сайид Шариф<sup>2</sup> бу хусусда менга мактуб йўллаб, унда илгариги ва кейинги авлод ислом олимларининг барчаси бир оғиздан иттифоқ бўлиб, Оллоҳи таоло, ҳазрати рисолатпаноҳ Муҳаммад пайғамбаримиз, унга Тангрининг марҳаматлари ва саломлари бўлсин, динига ривож берувчи сифатида ҳар юз йилда бир кишини ихтиёр этади, деб ёзибдурлар. Саккизинчи юз йилликнинг бошида Амир Соҳибқирон дини мубинни ривожлантирди ва ҳар томонга ёйди. Дини ислом оламнинг турли үлкалари ва шаҳарларида равнақ топди. Ҳақли равищда (бу асрда) диннинг тарқатувчиси Амир Соҳибқирон эканлиги тасдиқланди. Ушбу мактубнинг нусхаси будир:

«Ё, Оллоҳ! Кимки Муҳаммад динини қўллаб-қувватласа, Сен ҳам уни қўллагил, кимки Муҳаммад динини хор қилса, Сен ҳам унинг үзини хор қилғил.

Рисолатпаноҳ пайғамбаримиз ҳижрат этганларидан то шу кунгача саккиз юз йилдан ошди. Ҳар юз йил бошида Оллоҳи таоло ва тақаддус ўз элчиси ҳамда ҳабиби Муҳаммад динини унинг умматига тарқатувчи ва ривож бергувчини ихтиёр қиласи. Оллоҳга ҳамду санолар бўлсинки, саккизинчи юз йиллик бошида Ол-

<sup>1</sup> Соҳибқирон — Амир Темурга замондошлари томонидан унинг толеига қараб берилган ном. Муштарий ва Миррихнинг бир-бирига яқинлашган ҳолати «Қирон буржи» деб аталади, Амир Темур Муштарий (Юпитер) ва Миррих (Марс)нинг бир-бири билан яқинлашган фурсатларда туғилган, деб ҳисобланади. Эътиқодга кура, бундай бола келажакда тож-тахт ва баҳт-саодат эгаси бўлади.

<sup>2</sup> Мир Сайид Шариф Журжоний (1330—1414) — журжонлик машҳур файласуф олим. 1387 йили Амир Темур уни Самарқандга олиб келган ва у Соҳибқирон томонидан қурилган «Дорушшифо» мадрасасида дарс берган.



лоҳи таоло Амир Соҳибқиронни ислом динининг ёйувчиши ва ривожлантирувчиси сифатида ихтиёр этди ва у турли үлкалар ҳамда мамлакатларда ҳалққа Муҳаммад динини қабул қилдирди. Илк ислом олимлари динни ёйувчилар ва ривожлантирувчилар аҳволини ўрганиб, ўз китобларида бу ҳақда маълумот берганлар. Бу ривож берувчилар қуидағилардир:

Хижратдан кейинги биринчи юз йилликда динга ривож берувчи киши Умар ибн Абдулазиз<sup>1</sup> эди. У хорижийлар<sup>2</sup> минбардан туриб, ҳазрати Алига таъна қилишиб, лаънатлар ёғдиришиб, ислом динини заифлаштирганда, бу (низони) бартараф қилди. Уша вақтда ислом аҳли иттифоқи бузилиб, ўртада кинаю адоват пайдо бўлган эди. Бир тоифа одамлар тўгри йўлдан борган халифаларни лаънатлаб, уларга таънаю дашном ёғдирдилар; бошқа бирлари эса мўминлар амири ҳазрати Алини, имом Ҳусайн<sup>3</sup> ва ҳазрати Аббосни<sup>4</sup> лаънатлар эдилар. Бу икки гуруҳ ҳам ўзаро адоватда бўлиб, ўта мутаассиб эдилар. Умар ибн Абдулазиз бу низоларни бартараф қилиб, ислом динига ривож берди.

Иккинчи юз йилликнинг бошида келган динга ривож берувчи халифа Маъмун ибн Хорун ар-Рашид<sup>5</sup> эди. У ислом динида пайдо бўлган етмиш икки турли ботил<sup>6</sup> мазҳабларни йўқотиб, ҳақ мазҳаби — аҳли сун-

<sup>1</sup> Умар ибн Абдулазиз (712 – 720) – Умавия суоласи (661 – 750)га мансуб саккизинчи халифа. Форсча матнда «мураввих», «мужаддин» истилоҳлари келтирилган.

<sup>2</sup> Хорижийлар – (араб. «ажралиб чиққанлар»; исёнчилар) – VII асрнинг иккинчи ярмида пайдо бўлган исломдаги фоявий-сиёсий оқим.

<sup>3</sup> Имом Ҳусайн – халифа Али ибн Абу Толибнинг кичик ўғли (626 – 680). Куфада халифа Язид (680 – 683) аскарлари билан бўлган урушда 680 йил 10 октябрь куни ӯлдирилган.

<sup>4</sup> Ҳазрати Аббос – Муҳаммад пайғамбарнинг амакиси ал-Аббос ибн Абдулмутталиб. ( – А.А.)

<sup>5</sup> Маъмун ибн Хорун ар-Рашид (813 – 833) – машҳур халифа Хорун ар-Рашид (786 – 809)нинг ўғли ва тахт вориси, Аббосийлар суоласидан еттинчи халифа.

<sup>6</sup> Ботил – бекор қилинган, бузук, ёлғон.



нат ва жамоатни ривожлантириди. Али ибн Мусо Жаъфарни<sup>1</sup>, ундан Оллоҳ рози бўлсин, Хуросондан олиб келиб, уни ўзига валиаҳд деб эълон қилди. Унинг изни ва маслаҳати билан мамлакатда ҳукмронлик қилди.

Учинчи юз йиллик бошида дини Муҳаммадийга ривож бериб равнаққа етказган халифа Муқтадир Биллоҳ Аббосий<sup>2</sup> эди. Абу Тоҳир бошчилигидаги қарматлар<sup>3</sup> Маккай муаззамани босиб олиб, арафа куни ҳажга борганлардан ўттиз мингтасининг жонига қасд қилдилар ва уларни шаҳид этдилар. Муқаддас қора тошни<sup>4</sup> Каъба деворидан суғуриб олдилар. Ислом мамлакатларини вайрон этиб, (халқни) қатлиом ва талон-торож қилдилар. Шу сабабдан ислом дини заифлашиб қолди. Муқтадир Биллоҳ бу қавм устига лашкар тортиб, уларни улоқтириб ташлади (ва фитнани бостириди). Бу билан ислом дини ва шариатига ривож берди.

Туртинчи юз йилликнинг бошида дини Муҳаммадийни ривожлантирган киши Иззуддавла Дайламий<sup>5</sup> эди. Шу даврнинг халифаси аббосий Мутиъ Амриллоҳ<sup>6</sup> (ҳукмронлиги вақтида бўлган) кину адоватлар ҳамда унга тобеъ кишиларнинг зулми оқибатида дини ислом заифлашган ва ислом мамлакатларида турлитуман фисқ-фасод кўпайган эди. Иззуддавла бу халифани таҳтдан йиқитиб, ўрнига ўғли Ат-тоиъ Биллоҳни<sup>7</sup> валиаҳд қилди. Иззуддавла шахсан ўзи бу динни тарқатиш ва тозалашда, бидъатни йўқотишида, ношаръий

<sup>1</sup> Али ибн Мусо Жаъфар (765 ёки 770 – 818) – Муҳаммад пайғамбар авлоди.

<sup>2</sup> Муқтадир Биллоҳ Аббосий (908 – 932) – Аббосийлар хонадонига мансуб ўн тўққизинчи халифа.

<sup>3</sup> Қарматлар – исмоилийлар мазҳаби шоҳобчаларидан бирининг тарафдорлари, IX асрда Ироқнинг жанубида пайдо бўлган.

<sup>4</sup> Матнда «ал-ҳажар ал-асвад».

<sup>5</sup> Иззуддавла Дайламий – Бувайхийлар сулоласидан (932 – 1062) чиққан ва Ироқда 967 – 978 йиллари ҳукмронлик қилган подшоҳ.

<sup>6</sup> Мутиъ Амриллоҳ (946 – 974) – Аббосий халифалардан бири.

<sup>7</sup> Ат-тоиъ Биллоҳ (974 – 991) – Аббосий халифалардан.



ишларни бартараф этишда, жабр-зулмни тугатища мутасадди бўлди. Муҳаммад динига ривож берди.

Бешинчи юз йиллик бошида дину шариатни ривожлантирган одам Султон Санжар ибн султон Маликшоҳ<sup>1</sup> эди. Шайх Аҳмад Жом<sup>2</sup> ва Ҳаким Санойй<sup>3</sup> унинг замондошлари бўлиб, султон уларнинг муриди эди. Бу даврда динсизлар ва жоҳиллар ислом динини заифлаштиридилар. Султон Санжар динсизларни йўқотиб, ислом динини ривожлантиришга киришди. Муҳаммад динига итоат ва тобеликда шундай даражага эришдики, шариатга хилоф бўлган ҳеч бир иш қилмади.

Олтинчи юз йилликнинг бошида динга ривож бергувчи Фозонхон ибн Аргунхон ибн Ҳулогухон<sup>4</sup> эди. Ислом дини туркистонлик кофириларнинг<sup>5</sup> истилоси натижасида заифлашган эди. Оллоҳи таоло дин ривожи учун Фозонхонни юз минг аскари билан оёқقا турғизди. (Тангри таолонинг иродаси билан унга топширилган) юз минг аскар Лор саҳросида шайх Иброҳим Ҳамавий<sup>6</sup> раҳнамолигида Оллоҳга иймон келтириб, мусулмон бўлдилар. Тилмарини: «Оллоҳдан бошқа худо йўқ, Муҳаммад Оллоҳнинг (ердаги) элчисидир», деган иймон калимасига очдилар ва куфр-бицъят ишларини

<sup>1</sup> Султон Санжар ибн султон Маликшоҳ (1118 – 1157) – 1038 – 1194 йиллари Эрон билан Ироқни идора қилган Салжуқийлар сулоласи вакили.

<sup>2</sup> Аҳмад Жом (1049 – 1142) – хуросонлик машҳур ҳадис олимни ва мутасаввиф шоир.

<sup>3</sup> Ҳаким Санойй (1070 – 1140) – Фазнавийлар сулоласи даврида яшаган иирик мутасаввиф шоир.

<sup>4</sup> Фозонхон ибн Аргунхон ибн Ҳулогухон (1295 – 1304) йилларда Эрон, Озарбайжон ва Ироқни идора қилган, тарихда Элхонийлар номи билан машҳур бўлган мӯғул сулоласи вакили. Ислом динини қабул қилиб, қатор ижтимоий-сиёсий ислоҳотлар ўтказган.

<sup>5</sup> «туркистонлик кофирилар...» – бу ерда Мовароуннаҳр, Эрон, Озарбайжон ва бошқа мамлакатларни истило қилган (XIII аср) Чин-гизхон қўшинлари назарда тутилган.

<sup>6</sup> Шайх Иброҳим Ҳамавий – хуросонлик иирик шайх Садриддин Иброҳим назарда тутилмоқда.



ташладилар. Мамлакатда ва шаҳарларда шариатга ривож бердилар.

Еттинчи юз йилликнинг бошида келган Улжайту Султон<sup>1</sup> ибн Арғунхон, лақаби Султон Муҳаммад Худобанда эди. Мазкур санада<sup>2</sup> оғаси Фозонхондан сўнг салтанат таҳтига ўтирди. (Бир куни) унинг қулоғига «Дини Муҳаммадий шу қадар бўшашганки, намоз вақтида мусулмонлар ташаҳҳуддан<sup>3</sup> сўнг Муҳаммадга, унинг авлодига салавот айтмай қўйибдилар», деган гап етказилди. У ўрнидан туриб Султония<sup>4</sup> жоме масжидига борди ва у ерга ислом уламоси ҳозир бўлишини буюрди. Сунгра султон улардан: «Намоз вақтида Муҳаммадга ва унинг наслу авлодига салавот айтишнинг нима фазилатлари бор?», — деб сўради. Улар бир овоздан: «Худойи таоло ҳукмига кўра, намозда Муҳаммад ва унинг авлодига салавот айтиш лозимдир», — деб жавоб бердилар. Уша пайт бир гуруҳ, уламо: «Имом Шофильй<sup>5</sup>, Муҳаммадга ва унинг авлодига салавот айтмасдан ўқилган намоз бузилган ҳисобланади, деб айттнлар», — деб ўз фикрини билдириди. Яна бир гуруҳи айтдилар-ким: «Имоми Аъзам<sup>6</sup> демищдирки, Муҳаммадга ва унинг авлодига салавот айтилмай ўқилган намоз макруҳдир<sup>7</sup>».

<sup>1</sup> Улжайту Султон (1304 – 1317) – Элхонийлардан. Мусулмон булгани учун Султон Муҳаммад Худобанда номи билан танилган.

<sup>2</sup> 1304 йил назарда тутилмоқда.

<sup>3</sup> Ташаҳҳуд (араб. ғувоҳлик) – Оллоҳнинг ягоналиги ва Муҳаммад пайғамбарнинг элчилигини билдирувчи диний ибора; ислом динидаги 5 асосий арконнинг биринчиси; кўпинча «калимаи шаҳодат» дейилади.

<sup>4</sup> Султония – Элхон Улжайтухон курдирган шаҳар, Ҳулогуййлар пойтахти.

<sup>5</sup> Имом Шофильй – суннийликда шофильтийлик мазҳабининг асосчиси ва бош имоми, фақиҳ. Асли исми Абу Абдуллоҳ (767 – 820).

<sup>6</sup> Имоми Аъзам (улуғ имом) – суннийликдаги тўрт мазҳабдан бири ҳисобланган ҳанафийлик мазҳабининг асосчиси. Асл исми Абу Ҳанифа Нұғаймөн ибн Собит (699 – 767).

<sup>7</sup> Макруҳ (араб. – рад этилган, қоралантган, номақбул) – шариат ҳукмларидан бири (фарз, маңдуб, мубоҳ, ҳаром билан бирга). Қатъиян тақиқ, қилинмаган, лекин номақбул ҳисобланган ва рад этилган амаллар макруҳ, ҳисобланган, бундай хатти-ҳаракат учун жазо белгиланмаган.



Шунда султон уламодан сўради: «Нега салавот айтганда пайғамбаримизнинг наслу авлодидан бўлган ҳар бир кишининг исми (алоҳида) зикр этилмайдиyo, (фақат) хотам ул-анбиё бўлмиш пайғамбаримизга салавот айтгандагина «ва унинг авлоди...» деб қўшадилар?». Бутун уламо бу саволга жавоб беришга ожизлик қилиб, ўйланиб қолишиди. Шунда султон айтди: «Бу саволга жавоб беришда хотиримга икки далил келади. Биринчиси шулки, душманлар пайғамбаримиз Мұҳаммадни ўғилсиз (абтар) деб атадилар. Тангри таоло наслсизликни уларнинг ўзига раво кўрди. Дунёдан насллари узилиди. Агар насл қолган бўлса ҳам ном-нишонсиз бўлиб, уларнинг номини бирор киши тилга олмайди. Аммо пайғамбари-миз оиласининг зурриётлари сони шу қадар ўсдики, уларнинг ҳисобини Оллоҳдан бошқа ҳеч ким билмайди. (Шунинг учун) пайғамбаримизга, унга Оллоҳнинг марҳаматлари ва саломлари бўлсин, салавот айтгандан кейин уларга ҳам (Оллоҳдан) яхшилик тилайдилар. Иккинчиси шулки, ўтган барча пайғамбарларнинг динлари, қилган ишлари ё йўқоларди ёки ўзгарарди. Улар динининг аҳкомлари доимий эмас эди. Аммо ҳазрати Мұҳаммад, унга Оллоҳнинг марҳаматлари ва саломлари бўлсин, дини ўзгаришдан омон бўлиб, қиёматгача шу йўлда сақланур. Шундай бўлгач, онҳазрат (пайғамбар)нинг умматлари салавот айтиш вақтида, унинг муборак номини зикр этган пайтда, унинг авлодини ҳам эслашлари лозимдир. Умматларга маълум бўлсинким, Мұҳаммад динининг ҳомийлари, Қуръони каримни шарҳловчилар, мақтovга лойик шариат илмининг ҳофизлари, пайғамбарлик илмининг ворислари айнан шу кишилардир. Мусулмон динининг илмлари ва исломнинг фарзу вожибларини улардан ўргансинлар, уларга эргашиб, ҳурмат қилишни бурчларидан бири деб билсинлар», — деди.

Султон шу сўзларни айтгани ҳамоно, масжидга тўпланган уламо ва одамлар бирданига гулдиратиб, пай-



ғамбарга ва унинг авлодига салавот ўқидилар. Шунда султон айтди: «Мұхаммад авлодидан бириңчиси – ҳазрати Али, сұнгтиси – имом Мұхаммад Маҳдий охирзамондир. Шундай бұлгач, пайғамбарамиз авлодининг изни ва рухсатисиз унинг мулкини ўз тасарруфимизга киригмаслигимиз зарур, акс ҳолда босқинчилик қилған бұламиз».

Султоннинг бу сұzlари хосу оммнинг қулогига эши-тилгач, барча уламо унинг айтганларини қабул этди. Гаплари инобатта олинганидан сұнг, султон амр қилди: «Хақиқат шул эркан, аҳли байт<sup>1</sup> номига хутба ўқиб, уларнинг номи зарбланған пуллар чиқариш лозим». Бу гапларни эшиттан, күрган уламо унинг фикрини тас-диқлаб, Оллоҳга иймон келтирдилар ва «Улжайту Султон – дину шариатта ривож берувчи», деб фатво ёздилар.

Саккизинчи юз йилликда чиққан зот динни ри-вожлантириб равнаққа етказувчи Амир Соҳибқирон-дирки, оламнинг турли мамлакатлари ва шаҳарларида дину шариатни ри-вожлантириди; саййидлар ва уламо-ни иззату икром қилди. Пайғамбар хонадони зурриёт-ларининг изни ва рухсати билан унинг мулкини ўз тасарруфига киритди...»

Мир Сайид Шариф ёзған ушбу мактуб менга ет-гач, Тангри таолога шукр айтиб, Мұхаммад ва унинг хонадонига илтижо қилиб, Тангри таолога ёлвордим: «Менга дину шариатни ёйиш ва унга ривож беришда күч-қувват ато этгил!» Сұнг бу мактубни олиб, пи-римнинг ҳузурларига юбордим. (Ул зот) мактуб ҳоши-ясига мана бу сұzlарни ёзиб менга қайтардилар: «Дину шариатта ривож берувчи (Амир) Темур Соҳибқиронга, Оллоҳ уни құлласин, маълум бўлсинким, бу иш ул қутби салтанатта Оллоҳи тарафидан берилган

<sup>1</sup> Аҳли байт – Мұхаммад пайғамбар хонадонига мансуб, уму-ман эса, яқин кишилар тушунилади.



жуда катта эҳсон ва буюк ёрдамдир. Динни ёйиш, шариатга ривож беришдек улкан ишда Тангри таоло сенга ёрдам бағишиламиш. (Садоқату ихлосинг ва яхши ишларингни) қанча кўпайтирсанг, Оллоҳ ҳам сенга (иноят ва карамини) шунчча оширгай».

Пиримга юборган ушбу мактуб, унинг хати билан зийнатланиб менга қайтгач, саййидлар ва уламони иззату икром этишни бажо келтириб, шариат ривожи учун илгариғидан ҳам кўпроқ саъй-ҳаракат қилдим. Бу мактубни (бошимдан кечмиш) воқеалар дафтариға<sup>1</sup> ёзишларини буюрдим.

## МАМЛАКАТ ИШЛАРИ ТУЗУКИ

Дину шариат ишлари тузукини тартибга келтирганимдан кейин, салтанатим корхонасининг тузукини тузишга киришдим. Салтанат ишларини қонун ва қоидалар, тўра ва тузукка солиб, салтанатим марта-баю эътиборини сақладим. Салтанатим обрў-марта-басини сақлаш тузуклари қўйидагилардир.

**Биринчидан**, салтанатим қонун-қоидаларини ислом дини ва кишиларнинг энг хайрлиси (ҳазрати Мұхаммад)нинг шариатига боғлаб, иззату ҳурматлаш војиб бўлган онҳазратнинг авлоди ва саҳобаларига муҳаббат билдириш асосида туздим. Салтанатим марта-басини тўра ва тузуклар асосида шундай сақладимки, унинг ишларига аралашибашга ҳеч бир кимсанинг қурби етмасди.

**Иккинчидан**, сипоҳу раиятни умид ва қўрқув орасида сақладим. Дўст-душманни муросаю мадора марта-табасида тутдим. Қилмишларини, айтган гапларини

<sup>1</sup> Воқеалар дафтари – подшоҳликда ҳар куни бўлиб турадиган воқеалар ёзиб борилган маҳсус дафтар, кундалик. Асар матнида «Дафтари вақое», «Темур тузуклари» асари қатор шарқ қўлёзмалари каталогларида «Вақое», «Воқеот» деб ҳам номланган. «Бобурнома» асари ҳам кўпгина шарқ қўлёзмалари каталогларида шу ном билан келтирилган.



сабр-тоқат ва чидам билан үтказдим. Дұст-дұшмандан кимки менга илтижо қилиб келса, дұстларға шундай муомала қылдымки, дұстлиги янада ортди, дұшманларға эса шундай муносабатда бұлдымки, уларнинг душманлығи дұстликка алмашди.

Менда бирон кимсанинг ҳақи бұлса, ҳақини ҳеч вақт унутмадим. Бирон кимса билан танишган бұлсам, уни ҳеч вақт назаримдан четда қолдирмадим. Давлатим ва салтанатим қүёши күтарилиб келаётган вақтда менга илтижо қилиб келган яхши-ёмон одамлар, хоҳ, яхшилик, хоҳ, ёмонлик қылған бұлсин, салтанат тахтига үтирганимдан кейин уларни хайр-эхсонларим билан хижолатта қўйдим. Үзимни уларнинг ёмонликларини унугландек тутиб, ёмон қилмишлари дафтари устига афв қаламини тортдим.

**Учинчидан**, ҳеч кимдан үч олиш пайида бұлмадим. Тузимни тотиб, менга ёмонлик қылғанларни Парвардигори оламга топширдим. Иш күрган, синалған, шижаатли эр-йигитларни қошимда тутдим. Софдил кишилар, саййидлар, олимлар ва фозилларға даргоҳим доим очиқ эди. Нафси ёмон ҳимматсизларни, күнгли бузук құрқоқларни мажлисімдан қувиб юбордим.

**Тұртингиридан**, очиқ юзлилик, раҳм-шафқат билан халқни үзимга ром қылдым. Адолат билан иш юритиб, жабр-зулмдан узоқроқда булишга интилдім.

Шу пайтда пиirimдан<sup>1</sup> хат келди. Улар бундай ёзибдилар: «Буюк зафарлар соҳиби Амир Темурга, Оллоҳ уни ҳамиша құлласин, маълум бұлсинким, (унинг) салтанати корхонаси Тангри таоло корхонасиянинг бир (кичик) нусхасидурки, унда турли мансабдаги ходим ва хизматкорлар, ноиблар, эшик оғалари бордир, уларнинг ҳар бири мартабасига яраша үз юмуши билан машғулдир, ҳеч бири үз мартабасидан четта чиқмайди ва доимо Оллоҳнинг амрига мунтазир туради. Шундай

<sup>1</sup> Мир Сайыйд Барака тахмин қилинади. (— А.А.)



экан, сен ҳамиша ҳушёр ва эҳтиёткор бўл, токи вазирлар, лашкарбошилар, амалдорлар, иш юритувчилар, сипоҳсолорлардан ҳеч бири ўз мартабаси чега расидан чиқмасун ва доимо сенинг хукмингни кутиб туришсун. Ҳар тоифа ва ҳар қавмни ўз мартабаларида тутгинки, (бу билан) салтанатинг низомга келиб, давлат интизомга киргай. Агар ҳар нарсанни ва ҳар кимни ўз мартабасида сақлай олмасанг, салтанатингга бундан кўп халалу зиён етгай. Демак, ҳар кимнинг қадр-қийматини, тутган мавқеини, ҳар нарсанинг ўлчовини белгилаб олишинг ва шунга мувофиқ иш юритишинг керак.

(Ҳазрати) Муҳаммад авлодидан бўлғанларнинг мартабасини бошқалардан юқори кўтариб, уларнинг иззат-хурматини ўрнига қўйгил. Уларга қанча кўп муҳаббат билдиранг ҳам, уни исроф деб ўйлама, чунки қайси иш худо йўлида бўлса, унда исроф йўқдир. Ўн икки тоифа билан давлатингга зийнат бериб, шулар билан салтанат қургил. Вассалом».

Пиримнинг ушбу мактуби менга етгач, унда буюрилган ҳар бир нарсанни бажо келтирдим. Салтанатим ишларини тартиб-интизомга солиб, салтанатим мартабасига тўра ва тузук билан зебу зийнат бердим. Салтанатимни ўн икки тоифадаги кишилар билан мустахкамладим.

Салтанатим мартабаси бўлмиш тўра-тузуклар ва қонун-қоидаларни ҳам шу ўн икки тоифага боғлаб туздим. Бу ўн икки тоифани салтанатим фалакининг ўн икки буржи ва давлатим корхонасининг ўн икки ойи деб ҳисобладим.

**Биринчи тоифа** – саййидлар, уламо, шайхлар ва фозилларни ўзимга яқинлаштиридим. Улар менинг саройимга доимо келиб-кетиб, мажлисларимни безаб туришарди. Диний, ҳуқуқий, ақлий масалаларни ўртага ташлаб, қимматли фикрлар билдиришарди. Ҳалол ва ҳаромга оид масалаларни мен улардан ўргандим.



**Иккинчи тоифа** – ақлли кишилар ва кенгаш со-ҳиблари, әхтиёткор, қатъиятли арбоблар, кейинини ўйлаб, олисни кўриб иш юритувчи, кекса ва тажри-бали кишиларни хос мажлисимга киритиб, уларнинг суҳбатларидан, ишларидан наф олиб, тажрибалар ҳосил қиласадим.

**Учинчи тоифа** – дуогүй кишиларни қадрладим. Хилватда улардан дуолар тилаб, истакларимнинг бажо этилишини ўтиниб сурардим. Мажлисларда, йифин-лар, базмлар ва жанг майдонларида улардан кўп ба-ракотлар топдим. Чунончи, менинг лашкарим Тўхта-мишон лашкарининг кўплигини кўриб саросимага тушиб қолганда, соҳиби дуо бўлмиш Мирзиёуддин Сабзаворий<sup>1</sup> бошидан салласини олди; қўлларини дуога очиб (мен учун) Тангридан зафар тилади. Ҳали дуоси тугамай, дуо таъсири кўринди ва лашкарим ёғийни қочирди.

Яна бир мисол шулки, саройим ҳарамидагилардан бири қаттиқ бетоб бўлиб, ӯлими яқинлашди. Дуогүй саййидлардан ўн икки киши йиғилишиб келдилар. Ҳар бири ўз умридан бир йилни унга бағишлади ва у соғайиб яна ўн икки йил умр кўрди.

**Тўртингчи тоифа** – амирлар, сарҳанглар<sup>2</sup>, сипоҳ-солорларга мажлисимдан ўрин берив, мартабаларини юқори кўтардим. Улар билан суҳбатлашиб, маслаҳатлар олдим.

Жанг майдонида мардона қилич чопишган шижо-атли жасур кишиларни хуш кўрадим; жанг майдон-ларига от чоптириб кириб-чиқиши усулларини, ғаним лашкари тўпини бузиб, сафларини синдиришни, най-за санчиб, қилич чопишни улардан сўрар эдим. Си-

<sup>1</sup> Низомиддин Шомий ва Шарафиiddин Али Яздий «Зафарнома»-ларида Мир Сайид Барака номи келтирилади. (—А.А.)

<sup>2</sup> Сарҳанг – (форс. қўшин қўмондони) – саркарда; Бу атама таржимон Абу Толиб Ҳусайнин ат-Турбатий томонидан қўлланган бўлиши мумкин.



поҳгарлик ишларида уларга ишониб кенгаш сурар эдим.

**Бешинчи тоифа** — сипоҳ ва раият бўлиб, ҳар иккисига бир кўз билан қарадим. Сипоҳийлардан чиққан баҳодирлар, довюракларга маҳсус фахрли ўтог<sup>1</sup>, камар ва ўқдон тақдим этиб, мартабаларини кутардим.

Ҳар мулк ва мамлакатнинг беклари, улуғлари, бошлиқ — оқсоқолларини<sup>2</sup> ҳурматладим; уларга совға-саломлар бериб, хизматларидан фойдаландим. Сипоҳийларимни ҳамиша жангга тайёр ҳолда тутдим; ойлик ҳақларини сўраттирмай вақтида берардим. Чунончи, Рум юришида сипоҳийларимга ўтган ва келажакда қиласидаган хизматлари учун етти йиллик озиқ-овқатларини бирваракайига бердим. Сипоҳ ва раиятни шундай тутдимки, биронтаси иккинчисига зулм кўрсатиб, оёқости қилолмас эди. Бошқа сипоҳийларни ўз мартабаларига ва даражаларига қараб шундай сақладими, улар ҳаддидан ошиб ортиқча қадам қўёлмасди. Уларнинг мартабаларини на кўп кутариб ҳовлиқтирдим ва на кўп тушуриб кўнгилларини чуктирдим. Қайси бири бирор хизмат кўрсатар экан, инъомлар бериб, бошқалардан айрича ҳурматладим.

Кимнинг ақли ва шиҷоатини синов тарозусида тортиб кўриб, бошқаларникидан ортиқроқлигини кўрсам, уни тарбиямга олиб, амирлик даражасига кутарар эдим. Сўнгра кўрсатган хизматларига яраша мартабасини ошириб борарадим.

**Олтинчи тоифа** — ишончли, тўғри эътиқодли оқилхирадманд кишиларким, давлат сирларини уларга очиб, салтанат ишлари бўйича улардан маслаҳат олишимга лойик эдилар. Бу тоифа кишилар билан сирдошлиқ қилиб, ўз маҳфий ишларим ва пинҳоний сир-асроримни ўшаларга топширдим.

---

<sup>1</sup> Ўтог — яъни ўтов, бу ерда маҳсус жихозланган ўтов назарда тутилади. (— А.А.)

<sup>2</sup> Матнда «Калонтарон ва қадхудоён».



**Еттинчи тоифа** – вазирлар, девон котиблари ва муншийларки, салтанатим саройини шулар билан бе-затдим. Буларни менга тобеъ мамлакатларни кўрса-тувчи кўзгу деб билдим. Чунки улар ҳар мулк – мам-лакат, сипоҳ, ва раият воқеаларини менга билдириб турдилар. Булар давлат хазинаси, сипоҳ, ва раиятга оид ишларни тартибга солиб юритдилар. Салтанат мулки-га тушган рахналарни беркитишнинг лойиқ чораю тад-бирларини кўрдилар. Салтанатим корхонаси хазина-сининг кирим ва чиқимиға оид ишларни тўғри олиб бордилар. Ҳамиша мамлакатда тўкинчилик ва унинг ободлиги учун ҳаракат қилдилар.

**Саккизинчи тоифа** – ҳакимлар, табиблар, мунаж-жимлар ва муҳандисларки, улар салтанат корхонаси-га ривож берувчилардир. Уларни ўз атрофимга тўпла-дим. Ҳакимлар ва табиблар билан иттифоқда бемор-ларни даволатар эдим. Мунажжимлардан сайёralар-нинг қутлуғ-қутсиз кунлари, уларнинг ҳаракати ва осмонда айланишини аниқлаб олардим. Муҳандислар билан иттифоқда олий иморатлар барпо этиб, боғу бўстонларнинг тарҳини чиздирадим.

**Тўққизинчи тоифа** – муҳаддислар, (пайғамбар, унинг авлодлари ва саҳобалари) ҳақида ривоятлар нақл қилувчилар ҳамда қиссанонлар бўлиб, уларни ҳам ўзимга яқинлаштиридим. Пайғамбарлар ва авлиёлар ҳақидағи қиссаларни, ўтган подшоҳлар тўғрисидаги хабарларни, уларнинг салтанат таҳтига қандай етиш-ганларини, давлатларининг қандай сабабларга кура завол топганини улардан сўраб билардим. Ҳар қайси-сининг қиссалари ва хабарлари, ишлари ва сўзларини эшитиб тажрибам ортди. Оламда бўлаётган воқеаларни улардан эшитардим ва жаҳон аҳли аҳволидан ха-бар топар эдим.

**Үнинчи тоифа** – машойихлар, сўфийлар, (Худони таниганд) орифлардир. Уларнинг хизматларида бўлиб, сұхбатлар қурдим ва охират фойдаларини олдим. Улар-



дан Тангри таолонинг сўзларини эшитиб, кароматлар кўрдим, мўъжизаларини мушоҳада этдим ва сухбатларидан роҳатланиб, ҳузур қилдим.

**Ўн биринчи тоифа** – касбу ҳунар эгалариdir; буларнинг ҳар тоифа ва синфидан бўлганларини давлатхонамта олиб келиб, ўз ўрдамдан ўрин белгиладимки, сафардаю турғунлиқда сипоҳимга керак яроқлар ҳамда бошқа жиҳозларни ҳозирладилар.

**Ўн иккинчи тоифа** – ҳар мамлакат ва диёр саё-ҳатчиларию мусофиirlарининг бошини силадим, улар турли мамлакатлардан менга хабар келтириб турдилар. Ҳар бир мамлакату диёрга савдогарлар ва карвонбошилар тайинладимки, улар Хутан, Чину Мочин<sup>1</sup>, Ҳиндистон, араб мамлакатлари, Миср, Шом, Рум, Жазоир, Фарангистонгами<sup>2</sup>, қаерга боришмасин, у ерларнинг нафис матолари ва муносиб тухфаларидан келтиурсинлар. Ўша мамлакатларда истиқомат қилувчи кишиларнинг ҳол-аҳволи, туриш-турмуши ҳақида менга хабар олиб келсинлар. Ҳар бир мамлакат ҳукмдорининг ўз раиятига қандай муомалаю муносабатда эканлигини аниқласинлар.

### МЕНИНГ ДАРГОҲИМГА ИЛТИЖО ҚИЛИБ, ПАНОҲ ИСТАБ КЕЛГАН ТУРКУ ТОЖИК, АРАБУ АЖАМ ТОИФАЛАРИДАН БЎЛГАНЛАР ҲАҚИДАГИ ТУЗУК

Биринчи навбатда, мазкур тоифа ва табақалардан бўлган саййидлар билан уламони иззат-ҳурмат қилишни, ҳар қандай истаклари бўлса дарҳол мухайё этиб, муқаррар равишда уларнинг аҳволидан хабардор бўлиб туришни бўюрдим. Агар сипоҳийлар тоифасидан бўлса-

<sup>1</sup> Чину Мочин – Шарқ қўлёзмаларида одатда Хитой назарда тутилади. (– А.А.)

<sup>2</sup> Фарангистон – кенг маънода Фарбий Европа, тор маънода Франция. (– А.А.)



лар, хизмат үринларини белгилаб, ҳол-аҳволларига яраша эхтиёжлари таъминлансин. Агар касбу ҳунар ва маърифат аҳларидан бўлсалар, бундайларга салтанат корхоналаридан юмуш берилсин. Булардан бошқа билагида кучи бор фақир-мискинлар эса ўз аҳволи ва касбу корига қараб иш тутсиналар. Яна шундай амр қиёдимки, сармояси қулидан кетиб қолган савдогарга ўз сармоясini қайтадан тиклаб олиши учун хазинадан етарли миқдорда олтин берилсин. Деҳқонлар ва раиятдан қайси бирининг деҳқончилик қилишга қурби етмай қолган бўлса, унга экин-тикин учун зарур уруғ, асбоб (мехнат қуроли) тайёрлаб берилсин. Агар фуқародан бирининг уй-иморати бузилиб, тузатишга қурби етмаса, керакли ускуналар билан таъминлансин ва ёрдам берилсин.

Ҳар тоифа ва ҳар синфдан кимки ўз ихтиёри билан сипоҳийлик хизматига киришни истаса, уни ҳарбий (хизмат)га олсинлар. Асил ва шижоатли сипоҳийзода қайси тоифадан бўлмасин, унга үрин бериб, хизматига ва ишига яраша тарбият қилсинлар.

Яна амр этдимки, узоқ-яқиндан бирон киши келиб, менинг мажлисимга кирап экан, қайси тоифадан бўлса ҳам, давлатим дастурхони неъматидан уни маҳрум қилмасинлар.

Кимки ҳузуримга киритилса ва қўзим унга тушса, ҳолига яраша ҳурматлаб, совға-саломлар билан куватсинлар. Ҳар қандай одам менингadolat девонимдан паноҳ, топган экан, гуноҳи бўлса ҳам, уни кечирсинлар. Иккинчи, учинчи марта яна гуноҳ йўлига кирса, у ҳолда гуноҳига яраша жазоласинлар.

## САЛТАНАТНИ ЎЗ ТАСАРРУФИМДА САҚЛАШ УЧУН АМАЛ ҚИЛГАН ТУЗУКИМ

Ушбу ўн икки тузукни ўзимга шиор қилиб олганимдан кейин катта ишончу салобат билан салтанат таҳтига ўтиредим. Ўз тажрибамдан синаб билдимки, агар



қай бир подшоҳ шу ўн икки нарсага эга бўлмас экан, салтанатдан бебаҳра қолур.

**Биринчидан.** Подшоҳ ўз сўзига эга бўлсин, ишини ўзи билиб қилсин, яъни сипоҳ, ва раият подшонинг айтган сўзини, қилган ишини ўзи айтади, ўзи қилади, ҳеч кимнинг бунга дахли йўқ, деб билсин. Шундай бўлгач, подшоҳ бирор кимсанинг салтанат мартабасига шерик бўлгудек қилиб айтган гапига ва қилган ишига эргашмасин. Гарчи яхши сўзни ҳаммадан ҳам эшитиш зарур бўлса-да, лекин бошқалар сўзда ва салтанат ишларида подшоҳга шерик ёхуд ундан устун бўлмасликлари шарт.

**Иккинчидан.** Султон ҳар нарсадаadolatparvar бўлсин, қошида инсофли,adolatli вазирлар тутсин, токи подшоҳ зулм қилгудек бўлса, одил вазир унинг чорасини топсин. Аммо агар вазир золим бўлса, кўп вақт ўтмай салтанат уйи қулайди. Чунончи, амир Ҳусайннинг золим бир вазири бор эди. У сипоҳу раиятга ноҳақ жарималар солар эди. Орадан кўп вақт ўтмай ўша ноинсоф вазирнинг шумлигидан амир Ҳусайннинг салтанат уйи хароб бўлди.

**Учинчидан.** Бутун мамлакатда буйруқ, ва тақиқлашлар подшоҳнинг ўз ихтиёрида бўлиши лозим. Подшоҳ ҳар ишда ўзи ҳукм чиқарсин, токи ҳеч ким унинг ҳукмига аралашиб, ўзgartира олмасин.

**Тўртинчидан.** Подшоҳ ўз қарорида қатъий бўлсин, яъни ҳар қандай ишни қилишга қасд қилар экан, уни бекор этмасин ва то битирмагунича ундан қўл тортмасин.

**Бешинчидан.** Подшоҳ ҳукми жорий этилиши зарур, яъни қандай ҳукм чиқаришидан қатъи назар, амалга оширилиши керак. Бирон кимса гарчи ҳукмни заарали деб билган бўлса ҳам, унга монелик қиломасин. Чунончи, эшитганманки, султон Маҳмуд



Фазнавий<sup>1</sup> Фазна<sup>2</sup> шаҳри майдонига катта тошни келтириб қўйишни буюрган экан. Ундан ўткинчи-кеткинчиларнинг от-уловлари ҳуркиб ута олмай қолибди. Шунда одамлар тош йўл бўйидан олиб ташланса, деб султон ҳузурига қанчалик арз-шикоят қилиб боришимасин, султон: «Чиқарган ҳукмимдан қайтмайман, унга хилоф бирон иш ҳам қилмайман», — деган экан.

**Олтинчидан.** Подшоҳлик ишларини тамоман бошқага топшириб, эркни унга бериб қўймасинким, дунё бевафо хотин каби, унинг хуштори кўпдир. Агар шундай қиласар экан, ўзганинг нафси тез орада подшоҳ бўлишни тилаб, салтанат тахтини ўзи эгаллашга киришади. Чунончи, султон Маҳмудга хоинлик қилган вазирлар уни салтанат тахтидан тушириб, тахтни ўzlари эгалладилар<sup>3</sup>. Шундай бўлгач, салтанат ишларини ишончли ва мұътабар бир неча кишига бўлиб бериш лозим. Шунда ҳар бири ўз ишига боғланиб, салтанат тахтига кўз олайтира олмайди.

**Еттинчидан.** Салтанат ишларида ҳар кимнинг сўзини эшитсан, ҳар кимдан фикр олсин. (Лекин) қайси бири фойдалироқ бўлса, уни кўнгил хазинасида сақлаб, вақтида ишлатсан.

**Саккизинчидан.** Салтанат ишларида, сипоҳу раиятга боғлиқ масалаларда бошқаларнинг сўз ва феълига қараб иш тутмасин. Вазирлар, амирлар бирон кимса ҳақида яхши-ёмон сўз айтар эканлар, эшитсан.

<sup>1</sup> Маҳмуд Фазнавий (998 – 1030) – Хурсон, ҳозирги Афғонистон ҳудуди ва Шимолий Ҳиндистонни 977 – 1186 йиллар идора қилган Фазнавийлар сулоласи вакили, машҳур фотих, илм-фан ва адабийёт ҳомийси.

<sup>2</sup> Фазна (Fazni) – Кобулнинг жанубида, Қандаҳорга олиб борадиган йўл устида жойлашган пойтахт шаҳар. (– А.А.)

<sup>3</sup> Бу ўринда ҳам хатtot ёки форс таржимони эътиборсизлиги сабабли йўл қўйилган хатога дуч келамиз: «Маҳмуд» ўрнига «Масъуд» ўқилиши керак, чунки вазирларнинг хоинлиги Масъуд Фазнавий даврида бўлган. (– А.А.)



Лекин амал қилишда бутун ҳақиқат аён бўлмагунча шошмай, мулоҳаза билан иш тутсин.

**Тўққизинчидан.** Подшоҳ ҳайбати сипоҳу раият кўнглида шундай ўрнашган бўлиши керакки, унинг амр-фармонига ҳеч ким қаршилик қилишга журъат этолмасин; итоат ва тобеълик қилсин, исён кўтармасин.

**Ўнинчидан.** (Подшоҳ) нима қилса, ўз эркича қилсин, нима деса ўз сўзида қатъий турсин, чунки подшоҳларнинг ҳукм ҳурматидан бошқа баҳрамандликлари йўқдир. Хазина, лашкар, раият, салтанат – буларнинг бариси унинг ҳукми биландир.

**Ўн биринчидан.** Салтанат ишларида, ҳукм юргизишида подшоҳ ўзини ягона билиб, ҳеч кимни ўзига салтанат шериги қилмасин.

**Ўн иккинчидан.** (Подшоҳ) мажлис аҳлидан огоҳ, ва ҳушёр бўлсинким, улар кўпинча айб ахтариб, гапни ташқарига ташийдилар, подшоҳнинг сўзидан, ишидан вазирларга, амирларга хабар бериб турадилар. Масалан, шунга үхшаш бир воқеа менинг ўзим билан (ҳам) рўй берганди. Ўзимнинг хос мажлисимдаги бир қанча сухбатдошларим вазирлар ва амирларимнинг жосуслари бўлиб чиққанди.

## СИПОҲ САҚЛАБ ТУРИШ ТУЗУКИ

Амр қилдимки, қачонки асл сипоҳийлардан иш кўрган, жанг жадал билан суяги қотган ўн киши йиғилса, булардан қайси бирининг шиҷоати, ботирлиги ортиқроқ бўлса, қолган тўққизтаси ўз розилиги ва маъқуллаши билан, уни ўзларига сардор қилиб, отини ўнбоши деб атасинлар.

Ўн нафар ўнбоши жам бўлса, ўз ичларидан энг иш кўрган, жанг майдонларида тобланиб, тажриба ортирган, баҳодирлиқда номи чиққан бировини амир қилиб, уни юзбоши деб номласинлар.



Агар үн юзбоши йигилса, амирзодалардан ақлли, шижаатли, баҳодир бир кишини амир этиб сайлаб, уни мингбоши десинлар ва амири ҳазора дея мурожаат қылсингилар.

Агар қарамларидағи бирон кимса үлса ёки қочиб кетса, үрнига янги кишини тайинлаш үнбошиларнинг ихтиёрида бұлсин. Шунга үхшаш юзбошилар үнбошиларни, мингбошилар юзбошиларни тайин қылсин. Булардан үлган, қочган, янги тайинланғанлар бұлса, сабабларини айтиб, менинг арзимга етказсингилар.

Яна буюрдимки, уруш кунларида ва салтанат ишларини бошқарищда мингбошининг ҳукми юзбошига, юзбошиники үнбошига, үнбошиники (эса) құл остидагиларга жорий этилади. Агар бу тузукка қаршилик қылсалар жазога тортилсингилар. Агар уруш ишларида ким камчиликка йүл құяр экан, уни четлатиб, үрнига бошқани құйсингилар.

## СИПОҲГА УЛУФА<sup>1</sup> БЕРИШ ТУЗУКИ

Амр қылдымки, амирлар, мингбошилар, юзбошилар, үнбошилар ва оддий сипоҳийларга ушбу тартибда маош берилсін.

Оддий сипоҳийга, үз вазифасини үринлатиб бажариши шарти билан, маоши минган отининг баҳоси бұлсин. Баҳодирларнинг маоши икки от баҳосидан түрт отгача тайин қилинсін. Үнбошилар маоши құл остидаги оддий сипоҳийларидан үн баробар ортиқ бұлсін. Юзбошилар маоши үнбошиларга қараганда икки баробар, мингбошиларники эса юзбошиларникидан уч баробар зиёда бұлсін.

Яна ҳукм қылдымки, сипоҳийлардан қайси бири уруш ишларида хатоликка йүл құйса, маошидан үндан бирга камайтирсингилар.

<sup>1</sup> Улуфа – ҳарбийларга бериладиган ҳақ, маош.





Яна буюрдимки, ўнбоши юзбошининг тасдиқи билан, юзбоши мингбошининг тасдиқи билан, мингбоши амир ул-умаро (амирлар амири)нинг тасдиқи билан улуфа олсинлар.

Амр құлдимки, амирлар амирининг маоши ўз құл остидагилардан ўн баробар ортиқ бұлсин. Шунга үхшаш, девонбеки ва вазирларнинг маошлари эса амирларницидан ўн баробар күп бұлсин. Ясовуллар<sup>1</sup>, қалақчиларнинг<sup>2</sup> маошлари ўз хизматларига яраша, мингдан ўн минг (микдорида) бұлсин.

Аҳли мажлис бұлмиш сайиидлар, олимлар, фозиллар, ҳакимлар, табиблар, мунажжимлар, қиссанхонлар, хабарчилар ва ровийларға ўз ҳолларига қараб, суюргол, вазифа<sup>3</sup> ва маош белгиласынлар. Пиёдалар, хизматчилар, чодирчиларға юздан мингтака<sup>4</sup> маош берсінлар.

Яна ҳұкм құлдимки, амир ул-умаро ўз ҳақини девонбеки ва вазирларнинг тасдиқи билан олсин. Давлат томоницдан белгиланған бутун маошларнинг түлиқ маълумотларини девонбеки ва вазирлар аввал менга билдірсін, сұнгра танхоҳ<sup>5</sup> берилсін.

Яна буюрдимки, сипохийларнинг ҳар бирига маош олиш ёрлиғи топширилсін. Уларға берилған маблағ микдори шу ёрликнинг орқасига ёзиб құйилсін.

<sup>1</sup> Ясовул – хонларнинг кичик хизматчиси; қуриқчи, ясо бажа-рилишини назорат құлувчи.

<sup>2</sup> Қалақчи – ҳосилга қараб хирож микдорини белгилаб берувчи минсабдор.

<sup>3</sup> Вазифа – бу ерда, нафақа маъносида.

<sup>4</sup> Матнда аниқ пул бирлиги күрсатилмаган. Кичикроқ пул бирлиги назарда тутилған бұлса керак.

<sup>5</sup> Танхоҳ – сарой хизматчилари, лашқарбошилар ва бошқалар учун махсус хазинадан бериладиган маош пул, баъзида алоҳида хизмат күрсатған бекларга танхоҳ сифатида ер-сув берилған.

## СИПОҲГА ТАНХОҲ ВА УЛУФА ТАҚСИМЛАШ ТУЗУКИ



Амр қилдимки, пиёдалар, қалақчилар, ясовуллар, чоповулларнинг бир йиллик маошларини ҳисоблаб, белгиланган маблагни девонхонага келтириб, шу ерда улурга (амирлари орқали) улашсинглар. Оддий сипоҳийлар ва баҳодирларнинг олти ойлик маошини ҳам ҳисоблаб, танхоҳ, хазинасидан олиб беришни буюрдим.

Ўнбоши, юзбошиларга маош шаҳар омонлиги<sup>1</sup> хазинасидан ва подшолик мулки даромадидан накд пул ҳисобида ёзилсин. Мингбошиларга вилоят ичидаги экинзор ерлардан туюл<sup>2</sup> берсинглар. Амирлар ва амир ул-умароларга эса чегаралардаги вилоятлардан бири туюл қилиб белгилансин.

Вилоятлардан тушган даромадларни ушбу йўсинда тақсимлашни буюрдим: вилоятлар ва мамлакатлардан олинган жаъми даромадни тақсимлаб, маош бериш ёрлиқларига бирига кам, бирига ортиқ қилиб ёзсинлар. Сўнг ёрлиқлар девонхонага келтирилсин. Амирлар ва мингбошилар шу ёрлиқлардан бирини чиқариб олсин. Агар ёрлиқда маошидан ортиқ (кўрсатилган) бўлса, бошқани ўзига шерик қилсин. Бордию кам бўлса, уни қўйиб бошқа ёрлиқ тортиб олсин.

Яна буюрдимки, амирлар, мингбошилар раиятдан молу жиҳот<sup>3</sup> йикқанларида, хирождан ортиқча соврун, қўналға<sup>4</sup> ва шилон<sup>5</sup> талаб қилмасинглар.

<sup>1</sup> Шаҳар омонлиги хазинаси – фатҳ этилган шаҳар аҳолисидан тупланган «моли омон» (ўлпон) сақланадиган хазина.

<sup>2</sup> Туюл – хирож ва солиқ йиғиб олиш ҳаққи билан инъом этилган ер-мулк, вилоят.

<sup>3</sup> Молу жиҳот – қишлоқ хўжалик маҳсулотларидан натура тарзида олинадиган солиқ; даромаднинг бешдан бир ёки учдан бир қисми ҳажмида олинган.

<sup>4</sup> Қўналға – элчилар, хон чопарлари, уткинчи амалдорлар ва сипоҳийга қўноқ бериш; уларнинг навкарлари, соқчилари ва хизматчиларини, шунингдек, от-уловини боқиш мажбурияти.

<sup>5</sup> Шилон – халқдан тупланадиган солиқ тури.



Туюл қилиб берилган ҳар бир мамлакатта иккитадан вазир тайинласинлар. Бири вилоятдан йигилган молни ёзиб, раият аҳволини текшириб турсинки, жогирдор — ер эгаси<sup>1</sup> фуқарога жабр-зулм етказиб, уларнинг ҳолини хароб этмасин. У вилоятдан йигилган бутун мол-ашёларни кирим дафтарига ёзиши лозим. Иккинчи вазир эса, (даромаднинг) харж этилган қисмини чиқим дафтарига ёссин ва (йигилган моллардан) сипоҳийларнинг маошига тақсим қиласин. Қайси амирга туюл берилар экан, уни уч йилгача ўз ҳолига қўйисинлар. Уч йил ўтгандан сўнг уни текшириб кўрсинар. Агар мамлакат обод, раият рози экан, шу ҳолича қолдирсинар. Агар аҳвол бунга терс бўлса, ул вилоятни холисага<sup>2</sup> ўтказиб, уч йилгача ўша ер эгасига ҳақ берилмасин.

Яна буюрдимки, хирожни раиятдан калтаклаш ва савалаш йўли билан эмас, балки огоҳлантириш, қўрқитиш ва тушунтириш йўли билан ундирисинлар. Қайси ҳоким ҳукмининг таъсири калтаклаш таъсиридан камроқ экан, ундай ҳоким ҳукумат юргизишга яроқсиздир.

## ЎФИЛЛАР ВА НАБИРАЛАРГА УЛУФА БЕРИШ ТУЗУКИ

Амр қилдимки, тўнғич ўғлим Муҳаммад Жаҳонгир валиахдимдир; у вилоят ҳокими бўлиб, ўн икки минг отлиқ, аскар ва уларнинг улуфасини олсин.

---

<sup>1</sup> ... ер эгаси — матнда «жогирдор» — подшоҳ, олдидаги алоҳида хизматлари учун солиқ йигиш ҳақи билан ер тортиқ қилинган мансабдор шахс. Бобурийлар даврида қўлланган атама. Ундан олдинги манбаларда учрамайди. Абу Толиб Ҳусайнний таржима жараёнида ўз даврида муомалада бўлган сўзни ишлатиб кетган кўринади. 13—14 асрларгача «иктаъ» шаклида, сўнгра 16 асргача кўпроқ «суюрғол» шаклида, Бобурийлар даврида эса «жогир» дея аталган. Мана шу каби ҳолатлар таржимон асил манбага нисбатан анча эркин муносабатда бўлганини кўрсатади. (— А.А.)

<sup>2</sup> Холиса — давлат ихтиёрида бўлган, барча солиқлардан озод этилган ер-сув ва мол-мулкни тасарруф этувчи олий идора.



Иккинчи ўғлым – Умаршайх үн минг отлиқ аскар ва уларнинг улуфасини олсин. У бир вилоятни олсин.

Учинчи ўғлым – Мироншоҳ тўққиз минг отлиқ аскарга улуфа олиб, бир вилоятни бошқарсин.

Туртингчи ўғлим – Шоҳруҳ етти минг отлиқ аскарга улуфа олиб, бир вилоятга эга бўлсин.

Набиралар эса ҳар қайсиси, истеъодига яраша, уч мингдан етти минг отлиққача улуфа олиб, бир вилоятга эгалик қилсин.

Ва яна менга қавм-қариндошлиги бор кишиларга, ўз ҳолига қараб, қобилиятига яраша, биринчи даражали амир мартабасидан тортиб то етгинчи даражали амир мартабасигача бўлган амирлик ва ҳукмдорлик (мансаблари) берилсин. Уларнинг ҳар бири ўз мартабасига яраша иш тутиб, ҳаддидан ошмасин. Бунга хилоф равишда иш тутганлар жавобгарликка тортилсин.

## **ЎҒИЛЛАР, НАБИРАЛАР, ҚАВМ-ҚАРИНДОШЛАР, АМИРЛАР ВА ВАЗИРЛАРНИ ЖАЗОЛАШ ЙУЛИ БИЛАН САЛТАНАТДА ИНТИЗОМ САҚЛАШ ХАҚИДА ТУЗУК**

Амр қилдимки, агар ўғилларимдан қайси бирори салтанат мартабасига даъвогарлик қилиб бош кутапар экан, уни ўлдиришга, қулларини боғлашга ёки мучасидан бирон жойини камайтиришга ҳеч ким журъат қилмасин. Лекин ўз даъвосидан кечмагунча, уни асирикда сақласинлар, токи Худонинг мулкида уруш чиқмасин. Агарда набиралар ёки қавм-қариндошлардан бири менга қарши кутарилса, уни дарвишлик ҳолатига солсинлар<sup>1</sup>.

Салтанатим қўргонлари бўлмиш амирлар, агар иш устида нифоққа борсалар, уларни мартабасидан туширсинглар ва ерлари тортиб олинсин. Агар давлатга

<sup>1</sup> Яъни, мол-мулки тортиб олинсин, маъносида.



зиён етказгудек иш қылсалар, улар бошқа амирларга тобеъ этилсиналар. Агар сипоҳийлик ишларида ялқовлик қылган бұлсалар, уларга ёзиш-чизиши билан шуғулланувчиilar орасидан иш берилсін. Агар шундан кейин ҳам хатоликка йўл қўйиб, калтабинлик қылсалар, иккинчи бор хизматта олмасиналар.

Салтанат саройининг ишончли ва эътиборли кишилари бұлмиш вазирлар хусусида шундай буйруқ бердим: агар улар салтанат ишларида хиёнат этсалар ва салтанатни ағдаришга жазм қылган бұлсалар ҳам, уларни ўлдиришда шошилмасиналар. Авваламбор уларни айбловчи ва хабар етказгувчиларнинг кимлигини текшириб кўрсиналар. Қораловчилар даъволарининг ростёлғонлигини синчковлик билан синааб кўрсиналар. Чунки кўп ҳолларда ҳасадчилар билан гийбатчилар ё кўролмай ёки тамагирлик билан ёлғон түқиб, уни чиндай қилиб кўрсатадилар ва (чиркин) мақсадларига етишадилар. Талайгина пасткаш, разил одамлар борки, давлат душманларини яхшилаб, унинг жонфидойиларини ҳийлагарлик ва маккорлик билан хароб қиласадилар, макру сотқинлик билан салтанат қўргонига путур етказмоқ пайида бўладилар.

Чунончи, амир Ҳусайн менинг вазирларимдан бири билан тил бириктириб, унга бойлик ваъда қылган ҳолда давлатимнинг таянчларидан бұлмиш амир Ийгу Темур ва амир Жакуни менга қарши қайрашни буюрди. Унинг шум ниятидан огоҳ бўлдим, шунинг учун улар хусусида айтилган ҳамма гапларни эшитмаганга олдим.

Яна бир воқеа юз берганди. Яқинларимдан баъзилари ёлғиз қолганимизда ва одамлар олдида улуғ, эътиборли амирларимдан саналган амир Аббосга ҳасад қилиб, душманлик кўргизиб, унинг ҳақида бўлмағур гапларни айтдилар. Ёлғон сўзлари шамоли билан фазабим ўтини алангалатдилар. Натижада гапларини текшириб кўрмасдан ғазаб устида амир Аббосни ӯлимга маҳкум этдим. Охир-оқибатда уларнинг амир Аббос



ҳақыга хиёнат эттәнларини англадим ва қилган ишимдан үкениб, пушаймон бўлдим.

Мамлакат хазиначилари бўлмиш молия вазирлари молия ишларида хиёнат қилсалар ва (бойликнинг бир қисмини) ўзлаштириб олган бўлсалар, (текшириб кўрилсун). Агар ўзлаштириб олган маблағи ўзига тегишли ҳақ миқдоридан ошмаса, мазкур маблағ унга инъом ўрнида қолдирилсун. Агар ўзлаштириб олган маблағи маошидан икки баробар ортиқ бўлса, ортифи оладиган маоши ҳисобидан ушлаб қолинсин. Агар маошидан уч баробар кўп маблағ олган бўлса, ҳаммаси (салтанат хазинасига) тортиқ сифатида олинсин.

Яна ҳукм қилдимки, (вазирларни) ортиқча сийламасинлар, чунки алоҳида иззат-икром кўрсатиб, ўзларини обруқизлантириб қўйишлари мумкин. Бу эса салтанатга зиён етишига сабаб бўлур.

Фаразгўй, бузуқи ва ҳасадгўй одамларнинг вазирлар ҳақидаги уйдирмаларини эшитмасинлар, чунки бу табақадаги кишиларнинг душмани кўп бўлади, негаки, олам аҳлиниң барчаси дунёталабдир. Агар вазирлар бундай одамларнинг кўнглига қарасалар, давлатга хиёнат қилган бўлурлар; қарамасалар, (ундай одамлар) вазирларга душманлик қилурлар.

Чигатойхоннинг<sup>1</sup> бир вазири бўлган экан. Фаразгўйлар уни «хазинадан бир неча минг олтин ўғирлади», деб (хонга мактуб) ёзган эдилар. Мактубни хонга кўрсатгандарида, у мазкур вазирни ҳузурига чақиртириб, унга «ғазаб» қилиб дебди: «Сен назари паст одам экансан. Мендек подшоҳнинг вазири бўлатуриб, хазинамдан атиги шунча ўзлаштирибсан, холос!» Доно вазир (хоннинг) бу қадар катта эҳсонидан мамнун

<sup>1</sup> Чигатойхон – Чингизхоннинг иккинчи ўғли (1227 – 1241), Чигатой улуси хони. Ушбу улусга ҳозирги Шарқий Туркистон, Қошғар, Или ва Еттисув воҳасидаги ерлар, шунингдек, Мовароуннаҳр кирган. Тармасиринхоннинг (1326 – 1334) 1327 йилдаги юришидан кейин ҳозирги Афғонистон ва шимоли-ғарбий Ҳиндистон ерлари ҳам бу улусга кирган. (–А.А.)



булибди ва бор давлатининг барчасини келтириб хонга пешкаш қилибди. (Бу билан) хон олдида ўз марта-баси ва обру-эътиборини сақлаб қолибди.

(Яна ҳукм қилдимки), қайси бир сипоҳий ҳаддидан ошиб, қўл остидаги кишига зулм ўтказар экан, уни тутиб, мазлум қўлига топширсинглар, токи унинг жазосини зулм кўрганлар берсин.

Кишлоқ оқсоқоли ва шаҳар улуғлари кичикроқ, дарражадаги одамга зулм қилсалар, ўша зулмга яраша, ҳар кимнинг кўтаришича жарима солсинглар. Агар даругалар ва ҳокимлар ҳалқа жабр-зулм этиб, уларни хароб қилган бўлсалар, ишларига лойиқ жазо берилсин. Бирор кимсанинг гуноҳи исботлангандан кейин ундан жарима олсалар, сўнг яна дарра билан урмасинглар. Агар дарра уриш билан жазоласалар, ундан жарима олмасинглар.

Ўғрилар хусусида буюрдимки, улар қаерда бўлмасин, тутиб олинса, ясо<sup>1</sup> бўйича жазолансин. Кимки бироннинг молини зўрлик билан тортиб олган бўлса, мазлумнинг молини золимдан қайтариб олиб, эгасига топширсинглар.

Агар кимда-ким тиш синдирса, кўзни кўр қилса, қулоқ ва бурун кесса, шароб ичса, зино ишлар қилса, девондаги шариат қозиси ёки ажрим чиқарувчи қозига олиб бориб топширсинглар. Шариатта оид ишларни ҳал этишда ислом қозиси ҳукм чиқарсин. Урф-одат ишларини эса ажрим қозиси тафтиш қилиб, сўнг менинг арзимга етказсин.

## ВАЗИРНИ ТАНЛАШ ТУЗУКИ

Амр қилдимки, вазирлар ушбу тўрт сифатга эга кишилардан бўлишлари лозим: **биринчиси** – асилилк ва тоза насллилк, **иккинчиси** – ақл, фаросатлилик,

---

<sup>1</sup> Ясо – турк-мўгул ҳалқлари орасида амалда бўлган қонун-қоидалар; Чингизхон даврида жорий этилган.



**учинчиси** – сипоҳу раият ахволидан хабардорлик, уларга нисбатан хушмуомалалик, **тұртингиси** – сабр-чиダメлилик ва тинчликсеварлик.

Кимки шу тұрт сифатта эга бұлса, уңдай одамни вазирлик мартабасига лойик киши деб билсиналар. Уни вазир ёки маслақатчи этиб тайинласынлар. Мамлакат ишларини, сипоҳ, ва раият ихтиёрини унга топшир-синалар. Бундай вазирға тұрт имтиёз – ишонч, зәти-бор, ихтиёр ва құдрат берилсін.

Камолотта әришган вазир улким, давлат муома-лаларини тартибга келтириб, мулкий ва молиявий ишларни тұғрилик билан, асли-насли тозалигини күрсатиб, ажайиб тарзда бажаради. Олгулик жойи-дан олиб, бергулик ерга беради. Рухсат этувчи ва тақиқловчи буйруқларида унинг асилигі билан тоза насллиги күриниб туради. (Хеч кимга) душманлик ва жабр-зуым қылмайди. Хоҳ сипоҳдан, хоҳ раият-дан бұлсан, ҳар кимнинг номини яхши сұзлар билан тилга олади. Бирордан ёмонлик ахтармайди, айтса-лар эшитмайди. Агар бирордан ёмонлик күрган бұлса, унга нисбатан шундай муомала қиласын, у (охири) ёмонлигидан қайтади. Ұзига ёмонлик қилған одамға нисбатан шундай яхшилик қиласын, у (охири) ол-дига бош әгиб келади.

Қайси вазир фийбат гапларни айтса, уйдирма гап-ларға қулоқ, солса, жабр-зуым қылса, ұзига ёқмаган кишиларни йүқотиш пайига түшса, уни вазирлиқдан тушириш лозим. Наслию зоти паст, ҳасадчи, гина-кеқ сақловчи, қора күнгилли кишиларға зинхор вазирлик лавозими берилмасин. Бузуқи, қора күнгилли, зоти паст одам вазирлик қылса, давлату салтанат тез орада қулайди. Масалан, Маликшоҳ Салжүқий<sup>1</sup> үз вазири

<sup>1</sup> Маликшоҳ Салжүқий (1055 – 1092) – Салжүқиілар сулоласыдан (1038 – 1194) чиққан ва Жалолиддин Маликшоҳ I номи билан машхур подшоҳ. 1072 – 1092 йиллари җукронлик қилған.



Низомулмulkни<sup>1</sup> мартабасидан туширди. Вазир бошдан-оёқ яхши сифатларга ўралган эди. Унинг ўрнига зоти паст, ёмон бир кишини вазир қилиб тайинлади. Бу шумқадам вазирнинг қабих ишлари, зулму ситами ва нафси бузуклиги касофатидан салтанат биноси бузила бошлади. Шунга ўхшаш яна бир мисол. Аббосийлардан халифа Мустаъсим Биллоҳ<sup>2</sup> ҳасадчи, гина-кудуратчи Ибн Алқамийни ўзига вазир этиб тайинлади. У кўнглида халифага нисбатан гина-кудурат, душманлиги бор бўлгани учун, халифани мунофиқона гаплар билан алдаб, ўзи эса Ҳулогухон билан тил биритириб, уни халифалик тепасига олиб келди. Халифа Мустаъсимни эса қўлга олиб, ўлимга маҳқум этди. Шуни эътиборга олиб, асли тоза, насли пок, улуг зотлардан бўлган, яхши равишлик кишилардан топиб, вазир қилинглар. Чунки асли тоза киши хатоликка йўл қўймайди, бадасл эса (ҳукмдорига) вафо қилмайди.

Қайси вазир софлик, тўғрилик билан вазирлик ишига киришиб, давлатнинг молия мулки ишларини диёнат, савоб билан, нафси бузуклик қилмай, омонатга хиёнат этмай бажарар экан, ундай вазирни энг олий мартабаларга етказсинлар. Қайси вазир бузуклик қилиб, ёмонлик йўли билан мамлакат ишларини юргизар экан, кўп ўтмай ундай салтанатдан хайру баракот кутарилади.

Доно вазир шулдирки, ўз ўрнига қараб, gox қаттиққўллик, гоҳида эса мулоимлик билан иш юритади. Бундай вазир ортиқча қаттиққўллик ҳам қилмайди, кўп мулоимлик билан юмшаб ҳам кетмайди. Агар

<sup>1</sup> Низомулмulk, Абу Али ал-Ҳасан ибн Али ибн Исҳоқ ат-Тусий (1018 – 1092) – Салжуқий сultonлардан Алл Арслон (1063 – 1072) ва Маликшоҳ, I (1072 – 1092)нинг бош вазири. Низомулмulk «Сиёсанома» номли катта тарихий асари билан ҳам машҳур.

<sup>2</sup> Мустаъсим Биллоҳ – Аббосийлар сулоласига мансуб Бағдод халифаларининг сўнгти вакили. 1242 – 1258 йиллари ҳукмронлик қилган.

күп мулойимлик қылса, дунёталаб, тамагир одамлар уни ютиб юборадилар. Агар ортиқча қаттиққұллик ишлатса, ундан қочадилар ва унга бошқа мурожаат қымайдилар. Демак, доно вазир шулдирки, салтанат корхонасининг ишларини энг тұғри чораю тәдбирлар құллаб, яхши аңлаган ҳолда амалга ошириб, давлатни тартиб-интизомга келтиради. Салтанат ишларини сабртоқат, чидам билан адо этади, муаммоларни үз үрнида қаттиққұллик, үз үрнида мулойимлик билан ҳал қилаади. Бу хилдаги вазирни давлат шериги деб билсиналар, чунки давлату салтанат уч нарса: мулк, хазина ва лашкар билан тиқдир. Доно вазир буларнинг ҳар учаласини тәдбиркорлик билан яхши ахволда, саранжом тутади. Жами яхши хулқлар сохиби бұлған вазир азият етганда ҳам ҳеч кимга күнглида гина-адоват сақламайди. Агар гинаю кек сақлаб, душманлик қиларкан, бундай вазир мунофиқдир. Ундай вазирдан әхтиёт бўлиш керак, чунки у давлат душманлари билан тилбириктириб, хазинани ва лашкарни хароб қиласи. Ақлли вазир улки, бир қули билан раиятни, иккинчи қули билан эса сипоҳни тутади. Олгулик жойдан олиб, бергулик жойга беради. Сергаклик ва әхтиёткорликни күлдан құймайди. Тұғрилик ва ростлик билан мумалада бўлиб, ҳар ишнинг оқибатини ўйлаб иш тутади. Давлат фойдасини күзлагани учун, бирорвга душманлик қилишни күнглига келтирмайди. Тажрибали, ишбилармон ва билимдон вазир шундай буладики, мамлакат ободонлигини, раият ва сипоҳнинг тинч-фаровонлигини, хазина бойлигини доим күзда тутади. Давлат, салтанатта фойда келтирадиган ишларни бажаришга тиришиб, ҳаракат қиласи. Салтанатта зарар етказадиган хатарли ишларни бартараф қилишда молу жонини аямайди. Сипоҳу раиятта тегишли мұхим ишларни яхшилик йўли билан, тұғри тәдбир ишлатиб, амалга оширади. Яхши хулқли вазир шулки, унинг эзгу ишлари ёмон феъл-атворидан устунлик қиласи.





Эшитишимча, Низомулмulkning озгина ёмон қилмишларини кўплаб хайрли ишлари мағлуб этган эди. У ҳажга бормоқчи бўлиб турган вақтида авлиёлардан бири унга дебди: «Маликшоҳ давлатининг хизматида бўлиб, амалга ошираётган хайрли ишларинг ва Тангри таолонинг бандаларига етказиб турган ёрдаминг ҳаж қилиш билан баробардир».

Яна эшитганманки, Али ибн Лақатий халифа Ҳорун ар-Рашиднинг вазири эди. Ундан Тангри таолонинг бандаларига кўп нафу фойда етарди. Кунлардан бир куни у уз ихтиёри билан вазирликни тарк этмоқчи бўлибди. Ушанда дин пешволаридан бири унга шундай деб ёзибди: «Сен халифа даргоҳида мулозимлик қилиб, вазирлик ишини бажариб туравер. Бу ишни ташлашни ўйламагин ҳам, чунки (бу марта-бада туриб) ҳалқقا етказаётган ёрдаминг ва нафинг, сен қилган бутун ишларингу ҳаракатларингнинг энг олийсиdir».

Яна шуни эшитдимки, ҳазрати пайғамбаримиздан, унга Тангрининг марҳаматлари ва саломлари бўлсин, сўрабдилар: «Агар сиз набий ва расул этиб юборилмаганингизда, қайси иш билан машғул бўлардингиз?» Улар шундай деб жавоб берган эканлар: «Султонлар хизматида бўлишни ихтиёр этиб, Тангри таолонинг бандаларига фойда ва яхшилик етказардим».

Шу сабабдан, ҳалқقا ёрдаму мадад бериш мақсадида, мен ҳам Туғлук Темурхоннинг ўғли Илёс Ҳожага вазирлик ҳамда сипоҳсолорлик қилишга рози бўлган эдим. Тангри таолонинг бандаларига ёрдам қилганимдан бўлса керакки, Оллоҳ таоло мени салтанат марта-басига етказди.

Тадбиркорлик ва қилич воситаси билан бирор мамлакатни забт этган ёки (ҳимоя этиб) сақлаб қола олган вазирни эъзозлаб, иззат-икром этсинлар. Унинг мартабасини ошириб, уни «қилич ва қалам соҳиби» деб атасинлар.



Ақлли, билимдөн ва ҳүшёр вазир шундай бұлади-  
ки, бир тұғри тадбир құллаб ғаним қүшинини паро-  
канда қилиб юбора олади. Муросаю мадора, хүшмую-  
малалик билан сипохни бирлаштириб, душман лаш-  
карини үзига ром қилади. Бундай вазир валинеъмат-  
нинг соқчиси бўлиб, подшосининг бошига тушган му-  
ҳим ва мушкул ишларни тадбиркорлиги ҳамда узоқни  
кўра билиши билан осонлаштиради. Агар салтанат  
ишларида чигил-жумбоқ учраса, ақлу фаросат бар-  
моғи билан уни ечиб юборади. Чунончи, Алибек Жо-  
ниқурбоний мени банд этгач, бурга тұла уйга қамаб  
қўйди. Вазирларимдан Азизуддин Термиздан юриш  
қилиб, менга ёрдам бериш учун етиб келди, (тадбир  
ишлатиб) Алибекни ухлатиб қўйди. Бу иши билан  
унинг кўзини мендан беркитиб, қувват бағишлиди.  
Шижаат ва мардлигим тутиб, қўлимдаги қилич зарби  
билан кўп соқчилар орасидан қутулиб нажот топдим.  
Шунга үхшаш Низомулмулк ҳам Султон Маликшоҳни  
Қайсар бандидан халос этган эди<sup>1</sup>.

Шундай бұлғач, бундай вазирни давлат шериги деб  
билиб, азиз тутсынлар, зинҳор унинг сўзидан чиқма-  
синлар. У нима деган бўлса бари ақл кўзгусидир.

Агар подшоҳ золим бўлиб, вазири одил бўлса, под-  
шоҳнинг жабр-зулмини (тұхтатищ) чора-тадбирини  
куради. Лекин вазир золим бўлса, салтанат ишлари  
тез муддатда инқирозга учрайди.

## АМИРЛИК ВА ҲУКМДОРЛИК МАРТАБАЛАРИ ТУЗУКИ

Энг яқин навкарларимдан уч юз үн уч кишига амир-  
лик мансаби беришни буюрдим, чунки улар асли тоза,  
ақл-фаросатли, баҳодир, довюрак, тадбиркор, сергак,

<sup>1</sup> Салжук султони Маликшоҳ даврида «Қайсар» ибораси фақат  
Византия императорига нисбатан ишлатилган. Бу султоннинг импе-  
раторга асир бўлгани тарихий манбаларда тасдиқланмайди. (—А.А.)



эҳтиёткор, олди-кетини ўйлаб иш тутадиган кишилар-дир. Уларнинг ҳар бирига ўринбосар тайинладим. Агар амирлардан биронтаси вафот этса, у ҳолда, ўринбоса-ри унинг ўрнига ўтиради ва уни «амирликка номзод» деб атайдилар. Менинг бу уч ўн уч амиримнинг бариси ақл-ҳуш эгалари, базму жанг шерлари, маҳо-ратли саркардалар, лашкар тўпини бузиб, уни мағлуб этувчи кишиларданурлар.

Тажрибамдан синааб билдимки, жангнинг сир-ас-порини, фаним аскарларини синдириш йўлини билган, уруш қизиганда ўзини йўқотмасдан, қўл-оёғи бўшашиб-масдан, лашкар фавжларини жангта бошлай олади-ган, агар қўшин сафига рахна тушса, уни тезда тузата оладиган кишигина амирлик ва ҳукмронликка лойик ҳисобланади.

Шундай киши амир ул-умаро бўла оладики, мен йўғимда, тинчлигу саващда ўринбосарим бўлиб, шон-шавкат ва маҳобат билан бутун сипоҳга буйруқ бе-риб, унга қаршилик қилганларни жазолай оладиган бўлсин.

Уч ўн уч кишидан тўрут нафарини бегларбеги этиб, бир кишини амир ул-умаро қилиб тайинлашни буюрдимки, унинг ҳукми юришларда, урушларда амир-лар ва бутун сипоҳ томонидан сўзсиз ижро этилсин. У ўзим боримда йўлдошим, йўғимда эса ўринбосарим-дир.

Файратли, ор-номусли бўлган яна ўн икки кишига ушбу тартибда амирлик даражасини бердим.

Биринчи амирни минг кишига буйруқ бериш ҳуқуқи билан амир этиб тайинладим. Иккинчи амирни икки минг кишига буйруқ бериш ҳуқуқи билан икки минг аскарга амир этиб қўйдим. Шунга ухшаш, учинчи амирни – уч минг, тўртингчисини – тўрут минг, бешингчисини – беш минг ва шу тартибда ўн иккинчи амир-гача купайтириб бориб, олти мингдан ўн иккинчи амир-гача аскарга амир қилиб белгиладим. Амирлик тартиби-



га қараб, бирини иккинчисига ноиб этдим. Масалан, биринчи амирни иккинчи амирнинг ноиби, иккинчи амирни учинчи амирнинг ноиби, шу тартибда ўн биринчи амирни ўн иккинчи амирнинг ноиби қилиб белгиладим. Ўн иккинчи амир эса амир ул-умаронинг ноиби бўлди. Амир ул-умаро эса менинг ноибим ҳисобланади. Қайси бир амирга бирор кор-ҳол бўлса, ўрнига ноиби ўтиурсин.

Яна буюрдимки, ўша уч юз ўн уч кишидан юзтаси – ўнбоши, юзтаси – юзбоши, юзтаси – мингбоши бўлсин. Жанг пайтида амир ул-умаро – амирларга, амирлар – мингбошиларга, мингбошилар – юзбошиларга, юзбошилар – ўнбошиларга бошлиқ, деб буйруқ бердим. Шунингдек, ўнбошининг ишини – юзбошига, юзбошининг ишини – мингбошига, мингбошининг ишини – амирга, амирнинг ишини – амир ул-умарога буюрмасинлар. Ўнбоши билан битадиган ишни юзбошига, юзбоши битирса бўладиган ишни мингбошига юкламасинлар. Амирлардан қайси бири ўзи қизиқиб иш сўрар экан, унга буюрса бўлур.

## АСКАРНИ ЭНГ ҚУЙИ МАРТАБАДАН ОЛИЙ МАРТАБАГАЧА ТАРБИЯЛАБ КУТАРИШ ТУЗУКИ

Амр қилдимки, баҳодирлардан кимки қилич чопиша да ўзини кўрсатса, биринчи марта бўлса – ўнбоши, иккинчи марта ботирлик қиласа – юзбоши, учинчи мартасида эса мингбоши қилиб тайинласинлар. Ўнбоши қули остидагилардан бири ботирлик кўрсатса, биринчи галда уни ўнбоши қилсинлар. Қилич чопища ўзини ҳимоя қила туриб кўзга ташланган аскарлар бундан истиснодир, чунки ҳўқиз ҳам сузишганда шохини ниқтайди. Шундай экан, сипоҳийнинг аслу на-сабига ҳам қарааш лозим.

Агар мингбоши қилич зарби билан ғанимнинг бир фавж лашкарига шикаст етказса, уни биринчи амир



этиб тайинласинлар. Биринчи амир ёв лашкари са-фини бузиб, уларни тарқатиб, баҳодирлик курсатса, уни иккинчи амирлик даражасига кутарсинглар. Шун-га үхшаш, қайси амир ёв лашкари тұпини тұздыриб, иш курсатар экан, уни үз мартабасидан юқори кутар-синглар. Сипохийлардан кимки астойдил қилич чопса, ойлигини оширсинглар. Қайси бир сипохий урушдан юз үтириб қочса, уни илтифотимиздан маҳрум этсинглар. Агар мажбуран чекинган бұлса, узрини қабул қылсинглар. Агар уни ваҳима босган бұлса, изза қылсинглар. Қайси сипохий, душман қаршисида қилич чо-пиб, яраланса, уни тақдирлаб, инъом берсинглар. Бор-дию яралангандан кейин қочган бұлса, унга таҳсин үқиб, яраланганини эътиборга олсинглар. Чунки уғанимга ҳужум қылмаган тақдирда ҳам, ёв ҳамласи вақтида жароҳатлангандир, яраси унинг не ҳолга тушганининг гувоҳидир.

Қайси бир сипохий үзини курсаттан бұлса, рағбатлантириб ҳақини адо этсинглар. Қайси бир сипохий хизматда юриб қарилек ёшига етаркан, уни ой-лик-ҳақдан маҳрум этмасинглар ва мартабасидан туширмасинглар. Ҳеч бир сипохийнинг хизмати назардан четда қолмасин. Чунки улар давлат хизматида экан, боқий ҳәётларини фоний дунё нақди учун аямаганининг үзи ҳам инъомга ва моддий таъминотта лойиқлигini билдиради. Уни инъомидан маҳрум қилиб, хизматларини курсатмасалар, ноинсофлик қилған бўлурлар.

Яна амр қилдимки, қайси бир амир ёки сипохийнинг менинг давлатим учун хизмати синггани аниқ бўлса — ғаним лашкарини синдирган, бирор мамлакатни забт этган ёки (жон-жаҳд билан) қилич чопишган бўлса, хизматини тақдирлаб, ҳақини адо қылсинглар. Ёши кекса сипохийларни ҳурматлаб, азиз тутсинглар. Улардан фойдали маслаҳатлар олсинглар, чунки уларнинг айтадиган гаплари үз тажрибаларида



кўриб, билганларидир. Уларни салтанат корхонасининг устунлари деб билсинлар. Улардан кейин ўғилларини ўринларига ўтқазсинлар.

Яна амр қилдимки, фаним томонидан қўлимизга ҳар қандай сипоҳий асир булиб тушса, уни ўлдирмасинлар. Унга ихтиёр берилсин. Агар навкарликни қабул қилса, навкар бўлсин; йўқ деса, уни озод этсинлар. Бунга мисол, мен Қайсар билан урушда<sup>1</sup> қўлга тушган турт минг румлик аскарни озод қилдим.

Фаним сипоҳийларидан қайси бири ўз давлатининг тузини оқлаб, бизга қарши қилич чопган, сўнгра ихтиёрий равишда ёки мажбур булиб, паноҳимизга келса, бундай аскарга ишониб, уни азиз тутсинлар. Чунки у ўз соҳибига вафодорлик қилиб, еган туз ҳақини оқдаган. Шунга ўхшаш, мен ҳам Шер Баҳромга нисбатан шундай қилдим. Амир Ҳусайн билан бўлган урушда у мен билан юзма-юз тўқнашиб, қилич чопишиди; кейинроқ эса ўзи иложисизлиқдан менинг паноҳимга келганида, уни ҳурматладим.

Менгли Буға ҳам Балх урушида менга қарши лашкар торtdи. Жанг бошланишидан аввал ўзим томонга оғдириш мақсадида унга хат юбордим. У эса Туғлук Темурхоннинг ҳақига кўрнамаклик қилмади ва менга қарши лашкар тортиб, эрларча жанг қилди. Охир оқибат енгилди. Кейинчалик ўз ихтиёри билан ҳузуримга тиз чўкиб, паноҳ излаб келганда, унинг марта-басини улуғладим, илтифоту марҳаматлар кўрсатдим. Унга қилган иноятларим ҳақи ўртамиздан ўтган ноҳушликлар бутунлай унугииди. Йиғинларда унинг қилган баҳодирликларидан сўзлаб, оғарин айтар эдим. Ўзи аслида эр йигит бўлгани учун менинг давлатимда ҳам кўп баҳодирлик курсатиб, мени мамнун этди. Озарбайжон урушида Қора Юсуф билан тўқнашга-

<sup>1</sup> Амир Темурнинг Рум султони Боязид I Йилдирим билан 1402 йилнинг 20 июлида Анқара остонасида бўлган жанг назарда тутилади.



нимда<sup>1</sup>, лашкарим оғир аҳволга тушиб қолди. Шунда у майдонда Қора Юсуфнинг ўлган аскар бошлиқларидан бирининг бошини найза учига санчиб, баланд кутарди ва лашкаримга Қора Юсуфнинг боши деб, уни ўлдига чиқарди. Бундан лашкарим дадилланиб, жангга ташланди ва Қора Юсуф лашкарининг ўртасига хужум қилиб, Қора Юсуфни қочирди. Бу урушда Қора Юсуф устидан қозонилган фалабани Менгли Буганомига ёздирдим ва унинг мартабасини оширдим.

### АМИРЛАР, ВАЗИРЛАР, ЛАШКАР ҲАМДА РАИЯТНИ ТАҚДИРЛАБ, МАРТАБАЛАР ВА ИНЬОМ-СОВФАЛАР БЕРИШ ТУЗУКИ

Амр қылдымки, қайси бир амир бирон мамлакатни фатҳ, этса, ёғаним лашкарини енгса, унга уч нарса билан имтиёз берсинглар: фахрли хитоб, туғ ва ноғора топшириб, уни «баҳодир» деб атасинглар; уни давлат ва салтанат шериги (деб) билиб, кенгаш мажлисига киргизсинглар; унга чегара вилояти топширилсин ва ўша ерлик амирлар унга бўйсунсинглар. Агар амирлардан қайси бирори тўрани (хон ўғлини) енгса ёки бирон амирзодага шикаст етказса, ё бирор ўлка хонини мағлуб этса, уни юқоридаги тартибда мукофотласинглар. Чунончи, Дашти Қипчоққа, Ўрусхонга қарши уруш учун юборган амирим Ийгу Темур уни енгиб қайтгач, амирни мукофотлаб, унга туман (лашкар), туғ, байроқ ва ноғора бердим. Уни давлатимга шерик билиб, ўзимга маслаҳатчи ва вазир қилдим. Кенгашларимга киритдим ва чегарадаги вилоятлардан бирини унга тақдим этиб, у ерлик амирларни унга бўйсундирдим.

Шунда ҳасадчилар унинг ҳақида (турли уйдирма) гаплар тарқатиб: «Ўрусхоннинг улусини талон-торож

---

<sup>1</sup> Бу жанг 1400 йили бўлган.



қилиб, мол-мулкини ўзиники қилиб олди», — дедилар. Бу гаплари билан ундан күнглимиизни бир оз совутдилар. Бироқ мен Баҳром Чубин<sup>1</sup> қиссасини эшитиб тажрибам ортганди. Воқеа бундай бўлган экан. Хоқон<sup>2</sup> уч юз минг жангари турк аскари билан Ҳурмуз ибн Нуширвон<sup>3</sup> устига лашкар тортди. Ҳурмуз эса Нуширвоннинг вазири, маслаҳатчиси ва сипоҳсолори бўлмиш Баҳром Чубинни 320 минг аскар билан хоқонга қарши урушга йўллади. У хоқон лашкари билан тўқнашиб, уч кечаю уч кундуз жангу жадалда тин билмади. Охири хоқонни енгиб, бор ҳақиқатни Ҳурмузга арз қилди, қўлга киритган бутун ўлжа, мол-мулкни Ҳурмузнинг ҳузурига жўнатди. Шу аснода ҳасадчилар ва фийбатчилар Ҳурмуз мажлисида унга қарши туҳмат қилиб: «Баҳром мол-мулкнинг катта қисмини ўзига олиб қолди, хоқоннинг асл қимматбаҳо тошлар билан безатилган қиличи ва тожи, жавоҳирлар қадалган этигини ўзлаштириб олди», — дедилар. Ҳурмуз ҳам хомтама бўлиб, Баҳромнинг (аввалги) хизматларини унуди. Фаразгўй ва фийбатчи кишиларнинг гапларига ишониб, Баҳром Чубинни гуноҳкор ва хоин деб билди. Унга аёллар ёпинчиғи, бўғов ва занжир кишан юборди. Баҳром бўйнига бўғов, оёғига занжир кишан солиб, аёллар либосини кийди. Сунг ҳузурига амирлар, сипоҳ, бошлиқларини чақиртириб, саройда йифилганлар олдига шу алпозда чиқди. Саркардалар ва оддий сипоҳийлар бу ҳолни кўриб, Ҳурмузга таънаю дашномлар ёндиришиди. Ундан ихлослари қайтди. Сипоҳ Баҳром Чубин билан иттифоқ бўлиб, Ҳурмуз даргоҳига бостириб келди: уни салтанатдан тушириб, Ажам мам-

<sup>1</sup> Баҳром Чубин (ваф. 592 й.) — Сосонийлар замонида ўтган машхур саркарда, вазир ва Эрон подшоси. 590—591 йиллари ҳукмронлик қилган.

<sup>2</sup> Милоднинг 590 или Эронга бостириб кирган ғарбий туркларнинг хоқони Шаба назарда тутилган.

<sup>3</sup> Ҳурмуз ибн Нуширвон — Сосонийлар сулоласидан шаҳаншоҳ Ҳурмуз IV (579—590), Ҳусрав Ануширвоннинг ўли. (—А.А.)



лакати салтанатининг таҳтига Хусрав Парвизни<sup>1</sup> ўтқаздилар.

Мен бу воқеадан сабоқ олганим сабабли, сипоҳимнинг таънаю дашномларига қолиб кетмаслик учун амир Ийгу Темурни ҳузуримга чорладим; сарой ходимлари ва ҳалқни тўплаб мажлис қурдим. Үрусхон улусидан ўлжа қилиб олинган бутун мол-мулкни бир ерга туплаб, амир Ийгу Темурга ва у билан бирга қилич чопган баҳодирлару сипоҳийларга инъом қилдим.

Яна амр қилдимки, жангда ўзини кўрсатиб, қаршисидаги ғаним лашкарини синдириган ҳар бир амирнинг мартабасини оширсинлар.

Чунончи, Тобон баҳодир Тўхтамишхон билан бўлган урушда (от солиб), ғаним байроқдорига етиб олди ва душман байробини ерга туширди, ўзи бир неча жойидан яраланди. Ҳасадчилар ва шу қаҳрамонликка даъвогарлар унинг бу хизматини мендан яширмоқчи бўлдилар. Лекин мен уни (инъомдан) холи қолдириш инсофдан эмас, деб билиб, Тобон баҳодирга амирлик мартабасини бердим. Сўнгра унга иззат-икром кўрсатиб, байроқ тақдим этдим.

Яна амр қилдимки, ўнбоши, юзбоши ва мингбошлиардан қай бири душман сафини бузиб, ўз қаршисидағи аскар фавжини синдирыса, ўнбоши бўлса, шаҳар ҳокимлигини берсинлар. Юзбоши бўлса, уни бирон мамлакат ҳукмдори этсинлар. Бунга мисол шулки, юзбоши Барлос баҳодир Тўхтамишхон билан бўлган урушда ёв лашкари билан юзма-юз тўқнашиб, душманни синдириди. Уни Ҳисори Шодмон мамлакатига ҳоким этиб тайинладим. Яна буюрдимки, мингбошилардан биронтаси қаршисида турган ғаним лашкарини синдирыса, уни мамлакат ҳукмдори қылсинлар. Бунга мисол, Муҳаммад Озод Катур жангидан (бир оз бурун) Бурхон ўғлон лашкари-

<sup>1</sup> Хусрав Парвиз (581 – 628) – Сосонийлар суоласига мансуб подшоҳ.



ни мағлубиятта учраттан сиёҳпүш<sup>1</sup> жамоасини енгиб, уларга ұнгланмас зарба берди. Мұхаммад Озодни Қундуз ва Күлоб<sup>2</sup> мамлакатларига волий этиб тайинладим.

Яна ҳукм чиқардимки, амирлардан қайси бириғаним құлидаги бирор мамлакатни фатх этиб, душман тасарруфидан озод қылса, шу мамлакатни уч йилга ұнга инъом тариқасида берсиналар.

Ва амр құлдимки, қайси бир аскар қылич чопиб баҳодирлик күрсатса, ұнга инъом тариқасида гурзи, қимматбаҳо тошлар қадалган үтө, камар, турна беллиқ қылич ва бир от берсиналар ҳамда ұнбошилик мартабасига кутарсиналар. Иккінчи, учинчи бор баҳодирлик күрсатса, юзбоши ва мингбоши мартабасига етказсиналар.

## КАТТА НОФОРА ВА БАЙРОҚ, БЕРИШ ТУЗУКИ

Амр құлдимки, үн иккі катта амирларнинг ҳар битрига битта байроқ ва бир ногора берилсин. Амир ултумарога байроқ ва ногора, туман туғи<sup>3</sup> ва чортуғ<sup>4</sup> тақдим этсиналар. Мингбошига эса бир туғ ва карнай берсиналар. Юзбоши ва ұнбошига биттадан катта ногора берсиналар. Аймоқтарнинг<sup>5</sup> амирларига бұлса, биттадан бурғу тақдим этсиналар. Тұрт бегларбекининг ҳар бирига биттадан байроқ, ногора, чортуғ ва бурғу берсиналар.

<sup>1</sup> Сиёҳпүш – юзига қора мато тортилган одам; баъзи манбаларда Катур (Кофиристон) халқы исломни қабул қылмаганлардың шундай аталған.

<sup>2</sup> Күлоб – қадимги Хутталон; «Темур тузуклари» бириңчи китобининг 11 ва 13 кенгашларыда Хутталон шаклида берилген. Асарнинг 1868 йилги Техрон нашрида Күлоб эмас, Хутталон шаклида Ѽзилген. «Күлоб» атамаси XVII асрдан кейинги нусхаларда пайдо бұлған.

<sup>3</sup> Туман туғи – үрта асрларда үчига құтос, от ёли ёки думи, ярим ой ёки керилген беш панжа тасвири үрнатылған лашкарнинг байроқсимвол нишон-белгиси; ушбу асарда туғ атрофида тұпланған ҳарбий бұлинма маъносида ҳам келтирілген.

<sup>4</sup> Чортуғ – ҳарбий бұлинма амирининг даражасини билдирувчи үчи үткір наиза; байроқнинг бир тури.

<sup>5</sup> Аймоқ (ұмок) – бир неча қариндош-уруғлар иттифоки; қабила.



(Үн икки) амирдан қайси бири душман фавжини синдирилса ёки ғаним қули остидаги бирор мамлакатни фатх, этса, уни тақдирлаб, агар биринчи (даражали) амир бўлса, иккинчи (даражали), иккинчи бўлса, учинчи (даражали), учинчи бўлса, тўртинчи (даражали) амир мартабасини берсинлар. Шу тартибда үн биринчи (даражали) амиргача давом эттирсинлар. Агар үн биринчи (даражали) амир қилиб, байроқ, түф ва ногора берсинлар. Шу йўсинда биринчи (даражали) амирга битта түф, иккинчисига – иккита, учинчисига – учта, тўртинчисига – тўртта түф ва ногора бериб, уларни тумантүф ва чортутуф олиш мартабасига етказиб рағбатлантирсинлар.

## СИПОҲНИНГ ЯРОҚ-ЖАБДУҚЛАРИ ВА АНЖОМ-ЖИХОЗЛАРИ ТУЗУКИ

Буюрдимки, юриш вақтида оддий аскарлардан ҳар үн саккиз киши ўзи билан бирга бир чодир олсин, ҳар бир аскар икки от, бир камон, бир садоқ (ўқдон), бир қилич,arra, бигиз, бир қоп, жуволдиз, теша, болта, ўнта игна ва (орқага осиладиган) чарм халта олсин.

Баҳодирлардан ҳар беш киши бир чодир олсин. Ҳар бири битта жавшан<sup>1</sup>, дубулға, бир қилич, садоқ, ёй ва тузукка мувофиқ от олсин.

Ўнбошилардан ҳар бири ўзи билан бирга бир чодир, совут<sup>2</sup>, қилич, садоқ, ўқ-ёй ва бешта от олсин.

Юзбошилардан ҳар бири бир чодир, ўнта от, куроласлаҳадан: қилич, садоқ, ўқ-ёй, гурзи, чўқмор, коскан<sup>3</sup>, зириҳ, багтар<sup>4</sup> олсин.

<sup>1</sup> Жавшан – оддий темир совут.

<sup>2</sup> Матнда «зираҳ» – совутнинг симдан тўқилган, ўқ ва тиф ўтмайдиган бир тури.

<sup>3</sup> Коскан – бош кийими остидан ўраладиган сим рўмол . У жангчини ўқ, қилич ва гурзи зарбидан саклаган.

<sup>4</sup> Багтар – темир симдан тўқилиб, усти баҳмал ёки бошқа мато билан ўралган ҳарбий камзул.



Мингбошилардан ҳар бири ўзи билан бирга битта чодир, бир соябон, қурол-аслаҳадан жавшан, дубулға, найза, қилич, садоқ ва ўқ-ёйдан күттарганича олсин.

Биринчи амир бир чодир, бир ўтов, бир жуфт соябон, қурол-аслаҳадан шу миқдорда олсинарки, құл остидагиларга ҳам бергудек бұлсан. Шунга ўхшаш иккінчи, учинчи, тұрттынчи амидан тортиб то амир ул-умарогача ҳар қайсилари, ўз мартабаларига яраша, чодирдан, ўтовдан, отлардан бошлаб, то бошқа ҳарбий анжомларгача саранжом-саришта қилиб құйсинар. Биринчи амир бир юз үн от, иккінчи амир бир юз йигирма, учинчи амир бир юз үттиз, тұрттынчи амир бир юз қирқ от, амир ул-умарога еттунча тартиб шундай бұлсан. У эса ўзи билан бирга уч юздан кам от олмасин.

Пиёдалар бұлса ҳар бири ўзи билан бирга бир қилич, бир камон ва күттарганича ўқ-ёйдан олсинар. Бироқ жанг пайтида тузукларда күрсатылғанидан кам бұлмасин.

## УРУШ ВА ТИНЧЛИКДА<sup>1</sup>, «ЁТИШУ ХУЗУР»ДА<sup>2</sup> ВА МАЖЛИС-ЙИФИНАРДА ХОЗИР БҰЛИШ ТУЗУКИ

Амр қылдымки, сипоҳийлар, амирлар, мингбошлилар, юзбошилар ва ўнбошилар девонхонага, базм-мажлисларига кулоҳсиз, этиксиз, кавушсиз, бүрк ёқалик чакмонсиз, ханжарсиз<sup>3</sup>, қиличсиз ҳозир бұлмасинлар. Үн икки минг қилич осган аскар урушу тинчлик вактида бутун яроқ-аслаҳалари билан құшқда, девонхонанинг ўнгу сүл тарафидан, орқасыдан ва олдидан құршаб турсинлар. Шу тартибда ҳар кече улардан минг киши соқчылық қилиш учун ҳозир бұлишсан. Ҳар юз

<sup>1</sup> Матнда «Базму разм».

<sup>2</sup> Матнда «Поташ» – яъни лашкар дам олаёттан пайт. (– А.А.)

<sup>3</sup> Матнда «Бұйқа».



қиличлик устига бир юзбоши құйилсін ва унга шартлашилган махфий сұзни<sup>1</sup> айтсиналар.

Яна амр құлдимки, уруш пайтида үн икки амирдан ҳар бири, мингбошилар, юзбошилар, үнбошилар үн икки минг қуролланған отлиқ сипохий билан бир кечакундуз давомида ҳар қайсилари хонни құриқлаш учун ҳозир бұлсиналар. Бу үн икки минг отлиқ лашкарни тұрт фавжга бўлиб, бир фавжини баронфорга, бошқасини жавонфорга, биттасини Үрдунинг олдига, бошқасини эса Үрдунинг орқа тарафига тайинласиналар. Ушбу фавжлар навбатма-навбат Үрдудан ярим фарсанг узоклашиб соқчилек құлсиналар. Ушбу тұрт сипохий фавж үzlари учун ҳировул белгиласиналар, ҳировулдан эса қоровуллар тайинлансан. Улар бўлса эхтиёткорлик ва ҳушёрликни қўлдан бермай, Үрдуга хабар етказиб турсиналар.

Яна ҳукм құлдим, атрофимда жойлашган лашкар ва Үрдуга, ҳар бирига биттадан кутвол тайинласиналар ва Үрдуни құриқлаш, соқчилек қилиш ишлари шулар устига юклансин. Бозор аҳлидан<sup>2</sup> солик олиш ҳам шулар зиммасида бўлсин. Агар Үрду аҳлидан бирон кимсаннинг нарсаси ўғирланса, улар жавобгарликка тортилсиналар.

(Лашкар орасидан) тұрт фавж чопқұнчилар тайинлашни буюрдим. Булар тұрт фарсанг масофада лашкар ёнида юриб, уларни құриқлааб борсисн. Бордию лашкардан бирон киши үлдирилганини ёки яраланганини кўрсалар, унинг ишини ўз зиммаларига олишлари лозим. Агар бирон кимсаннинг нарсаси ўғирланса, улар жавобгардирлар.

<sup>1</sup> Матнда «Йұқий» — яъни ұран (пароль) дейилмоқчи.

<sup>2</sup> Бозор аҳли — ҳарбий юришлар вақтида үргуқда савдо-сотиқ билан машғул бўлган кишилар. Улар аскарлардан үлжа тушган молларни арzon баҳода сотиб олиш ва ўз галида аскарларнинг эхтиёжига зарур бўлган нарсаларни сотиш учун доимо лашкарга ҳамроҳ бўлганлар. Аскарларнинг үzlари ҳам фурсат келганда олди-сотди билан шуғулланғанлар. (—А.А.)

Яна буюрдимки, лашкарнинг учдан бир қисми чегараларни қўриқлаш ишига белгилансин; икки қисми эса доим салтанат хизматига ҳозир турсин.

## ВАЗИРЛАРНИНГ ХИЗМАТ ҚИЛИШ ТУЗУКИ

Амр қилдимки, тўрт вазир ҳар куни девонхонада муқаррар ҳозир бўлсинлар.

**Биринчиси** – мамлакат ва раият вазири. Бу вазир мамлакатнинг муҳим ва кундалик ишларини, раият аҳволини, вилоятлардан йифилган ҳосил, солик-ўлпонлар, уларни тақсимлаш, кирим-чиқимларни, (мамлакат) ободонлигини, (аҳолининг) фаровонлиги ишларини ва мулкни қай тарзда тартибга келтираётганлигини менга билдириб турсин.

**Иккинчиси** – сипоҳ вазиридирикни, сипоҳийларнинг улуфаси ва танҳоҳи борасида менга маълумот берсин; сипоҳ тарқоқ ҳолатта тушиб қолмаслиги учун уларнинг аҳволидан хабардор бўлсин, вазиятни менга англатиб турсин.

**Учинчиси** – эгасиз қолган, улиб кетган ва қочганларга тегишли молларни, келиб-кетаётган (савдогарлар ва сайёҳлар)нинг мол-мулкидан олинадиган закот ва божларни, мамлакат чорваларини, уларнинг ўтлов-яйловларини бошқариб, буларнинг барисидан йифилган даромадни омонат тарзида сақловчи вазирdir. У фойиб бўлганлар ва ўлганларнинг мол-мулки бўлса, меросхўрларига топширсин.

**Тўртинчиси** – салтанат ишларини юритувчи вазир. У бутун салтанат идораларининг кирим-чиқимлари, хазинадан сарф қилинган тамом харажатлар, (ҳатто) отхона ва (саройдаги) бошқа жонзотларга қилинган харажатларгача огоҳ бўлиши лозим.

Яна амр қилдимки, чегара ерлар ва менга тобеъ мамлакатларга оид (ишларга масъул) уч вазирдан ибо-





рат давлат ҳайъати тузилсин. Улар мазкур ерлардаги молиявий муомалалар ва келадиган даромадларни бош-қарсилар.

Бу етти вазир девонбегига бўйсуниши лозим ҳамда у билан иттифоқда муҳим молиявий ишларни амалга оширмоқлари ва менинг арзимга етказмоқлари зарур.

Яна ҳукм қилдимки, бир кишини арзбеги қилиб тайинласинлар. У сипоҳ, раият ва арз-дод қилиб (хузуримга) келувчиларнинг аҳволини, мамлакатнинг обод-хароблигини, муҳим ишлардан қайси бири битган-битмаганинги менинг арзимга етказиб турсин.

Амр қилдимки, садри аъзам саййидлар ва бошқа арбобларга суюрғол тариқасида берилган ерлар ҳамда вақфларнинг аҳволини, улар газифаларини қай дараҷада адо этаётганини, уларга ажратилган жамғармаларнинг тақсимланишини менга арз қилиб турсин.

Ислом қозиси шариат ишларининг бориши ва ажрим қозиси дунёвий ишлар ҳақида менга билдириб турсинлар.

Яна амр қилдимки, салтанат ишлари, мамлакатни идора этиш, ундаги ўзгаришлар, алмаштиришлар, сипоҳийлар ва амирларнинг тайинланиши, турли кенгаш-тадбирларни хос мажлисда менга арз этсинлар. Бу мажлисларда маҳфий ва сирли ишларни пинҳон тутишга қодир маҳсус котиб ҳозир бўлиб, ростлик қалами билан маҳфий-яширин кенгашларни ва гапларни ёзиб борсин.

Ва яна мажлис котибларини<sup>1</sup> тайинлашни буюрдимки, девон мажлисида навбатма-навбат ҳозир бўлиб, мажлисда курилган, ҳал қилинган муҳим масалалар ва айрим ишлар тафсилотларини ёзиб олиб, сақласинлар. Менга арз қилинган гаплар, чиқарган ҳукмларим, мажлисларда курилган мамлакат аҳамиятига молик ишлардан тортиб, жузъий ишларгача барчаси-

---

<sup>1</sup> Матнда «мажлиснависон».



ни қаламга олиб, (бошимдан кечирган) воқеалар дафтарига киргизсинар.

Салтанатнинг ҳар бир идорасида бўладиган кирими-чиқимларни, кундалик харажатларни ёзиб бориш учун бир котиб тайинлансан.

## УЛУСЛАР, ҚҰШИНЛАР<sup>1</sup> ВА ТУМАНЛАРНИНГ<sup>2</sup> АМИРЛАРИНИ ТАЙИНЛАШ ТУЗУКИ

Буюрдимки, юриш вақтида ҳар бир улус ва туман амири ҳар чодирдан<sup>3</sup> бир отлиқ, ҳар икки олачуқдан бир отлиқ, ҳар бир уйдан бир отлиқ аскар ажратиб, ўзлари билан бирга олиб кетсинар. Улар қайси мамлакатга келиб тушсалар, оладиган улуфалари ўша ернинг сугориладиган майдони ва ўтлоғи ҳисобидан белгилансин. Улусларнинг амирларига яргу<sup>4</sup> ва байроқлар берсинар. Амирлар улуслар ва туманларнинг ҳолқудратига яраша отлиқ аскар ҳозирлаб, юришга олиб келсинар.

Қарамоғимдаги қирқ аймоқдан ўн иккитасига – барлос, тархон, аргин, жалойир, тулкичи, дўлдай, муғул, сулдуз, тўқай, қипчоқ, арлот, тоторга тамға берилсанниким, булар менинг хос навкарларим бўлиб ҳисоблансанлар.

Барлос уруғидан (куйидаги) турт кишини амир улумаро қилдим: Амир Худойдод, унга Бадахшон мам-

<sup>1</sup> Құшин (құшун) – лашкар бўлинмасининг аталиши; аммо бир құшинга бириктирилган аскарлар сони тайин бўлмаган. Турли манбаларда бир құшин 50 – 100 кишидан 600 – 1000 кишигача еттани қайд этилган.

<sup>2</sup> Туман (тумон) – ўн мингдан иборат рақамни англатиб, лашкар ҳисобига ҳам, маблағ ҳисобига ҳам нисбатан қўлланган. Купинча мазкур рақамдан иборат лашкар бирикмаси ва бу бирикмани юбориши лозим бўлган қабила ёки уруғлар уюшмаси маъносида келади.

<sup>3</sup> Матнда «хиргоҳдан».

<sup>4</sup> Яргу – ясо ва йўсун (қонун) асосида чиқарилган ҳукм; бу ерда бирон ҳақ-ҳуқуқ берувчи расмий ҳужжат маъносида.



лакатини инъом этдим; амир Жаку, амир Ийгу Темур ва амир Сулаймоншоҳга ҳам биттадан чегара маммакатини тортиқ қилдим. Барлос уруғидан яна юз кишини мингбоши қилдим. Амир Жалолиддин барлосни ўнинчи амир, амир Абу Саъидни тўққизинчи амир дарражасига куттардим.

Тархон улусидан амир Боязидан еттинчи амир дарражасига тайинладим. Улардан йигирма кишини юзбоши қилдим.

Аргин улусидан Тош Хўжани саккизинчи амир қилдим. Булардан йигирма кишини мингбоши, юзбоши ва ўнбоши қилиб тайинладим.

Жалойир улусидан Туғ Темур ва Шер Баҳромни саккизинчи ва тўққизинчи амир этиб тайинладим. Булардан йигирма кишини юзбоши ва ўнбошиликка белгиладим.

Тулкичи улусидан Улжайту Апардийга амирлик мартабасини бердим.

Дўлдай улусидан Тобон баҳодир ва Сон баҳодирга амирлик мартабасини бердим.

Мўғул улусидан Темур Хожа Ўғлонни амирлик мартабасига етказдим.

Сулдуз улусидан Элчи баҳодирга амирлик мартабасини бердим.

Тўқай улусидан Али Дарвишни амир қилдим.

Қипчоқ улусидан Сари Буғага амирликни бердим.

Арлот улусидан амир Муаййидниким, синглим унинг никоҳида эди, амир ул-умаро этиб тайинладим. Салайчи баҳодирни ҳам амирликка куттардим.

Тотор улусидан Қўнақхонга амирлик (мартабасини) бердим.

Тамғага етмаган йигирма саккиз аймоқ бошлиқларига улус амирлигини бердим. Улар юриш ва жанг жадал пайтида тузукка биноан ўз улусидан отлиқ аскар туплаб, ҳозир бўлсинлар.



## НАВКАРНИНГ БЕГИГА ВА БЕКНИНГ НАВКАРИГА МУОМАЛА ҚИЛИШ ТУЗУКИ

Ҳақиқий навкар билсинким, у агар (құл остида) үз навкари бұлған тақдирда ундан нимани талаб қылса, унинг беги ҳам ундан айнан шу нарсаны кутади. Шундай бұлғач, үзини бек хизматидан озод этилган деб ҳисобламасин. Яна шуни ҳам билиши керакки, агар беги унга аввалига иноят-марҳаматлар күрсатсаю, охир иноятызлигу илтифотсизлик қылса, у ҳолда айб ва нүқсонни бегидан эмас, үзидан ахтарсын. Тұгри навкар үз бегига ихлос құйиб, холис хизмат қилиши керак. Қайси навкар бегига ихлос құймай, күнглида гина-кудурат сақласа, ихлоссизлик ва адоварати туфайли бағтасизликка дучор бұлади. Лекин үз бегига ихлос құйған навкарнинг бойлиги давлати ва ноз-неъматлари кундан-кун ортиб боради.

Бегига эътиқоди кучли навкар улким, унинг оғир-қаттиқ, эътиrozли сұzlаридан ранжиб, күнглида кек сақламайди. Бегидан танбех, әшитса, үзини айбдор деб билади. Бундай навкар таъмину тарбияга лойиқдир.

Қайси навкарнинг ҳиммати емак-ичмак, яхши кийинмаккагина боғланар экан, албатта, иш вақтида сусткашлик қиласы.

Қайси навкар үз хизмати, ҳақ-бурчини унуги, иш вақтида (меңнатдан) юз үтирада экан, ундағы навкардан юз үтироқ лозим. Қайси навкар иш вақтида баҳона излаб, жангы жадал пайтида ижозат сұраб, қочишни мұлжалласа, бугунги ишни әртага қолдирса, Пұлод ва Темур Ұғлон бошимга иш тушганда үзларини шу қабилда тутиб, мени ташлаб кетғанлари каби, бунга үхшаш навкарлар номларини ҳам тилга олишга муносиб эмасдирлар. Бундай одамларни парвардигори олам (хукмiga) топшириш зарур.

Яна ҳақиқий подшохларга лозимдирки, қайси навкарни үзлари улуғлаб (мартабасини) күтарған бұлса-



лар, тезда уни хорлаб тубан туширмасинлар. Ўзлари кўтарган кишиларни пастта урмасинлар. Кимники билган ва таниган бўлсалар, уни унутмасинлар. Агар аҳён-аҳёнда унинг иззат-нафсига тегиб хўрлаган бўлсалар, эвазига илгариғидан икки баробар ортиқ иззатини оширсинлар ва уша навкарни ўз ихлосию эътиқодига ҳавола қилсинлар. Агар у кўнглида гина-адоват сақласа, тез орада ўзи баҳтсизликка учрайди. Бегининг кўнглида яхшилиги билан жой олган ҳар бир навкар куни келиб яхшилик кўриши аниқдир.

Қайси бир навкар ўз ихтиёри биланми ёки ихтиёрсизми бегидан ажраб кетсаю, кейинроқ яна қайтиб келса, уни ҳурматласинлар, чунки у ажралиб кетганидан пушаймонлиги учун ҳам қайтиб келган.

Яна амр қилдимки, фаним томонидан навкар бизга қарши қилич кўтарар экан, ўз юртининг туз ҳақини ҳалоллаган саналади. Агар шундай кишилардан биронтаси жанг пайтида қўлга тушса ёки фаним томонидан умиди узилиб, бизга келиб хизмат қилишни истаса, уни азиз тутсинлар, мартабасини ошириб, содик одам деб ҳисобласинлар. Чунончи, Менгли Буға, Ҳайдар Анҷхудий ва амир Абу Саъид – булар олти минг отлик аскар билан Балх дарёси<sup>1</sup> бўйида менга қарши жанг қилдилар. Кейинроқ, Туғлуқ Темурхондан ноумид бўлиб, менинг паноҳимга келганларида уларга иззат-икром кўрсатиб, Ҳисори Шодмон, Андижон ва Туркистон вилоятларини уларга инъом қилдим.

Ва амр қилдимки, ҳар бир навкар фаним наздида ҳурмат-эътиборга эга бўлиб қадрлансаю, бироқ жангу жадал пайтида ўз бегига хиёнат қилса, унинг душманига дўстлик кўрсатса, туз ҳақини, бек ҳурматини, навкарлик (бурчини) ва (ундан) кўрган ноз-неъматларини унутса, ўз бегининг душманига ён босиб, уни ўз бегидан устун қўйса, бундай кимсани хизматга йўлат-

---

<sup>1</sup> Балх дарёси – Амударёning ўрта оқимдаги номи. ( – А.А.)



масинлар. Ҳаётнинг ўзи бундайларнинг қилмишига яраша жазосини беради.

Қайси бир навкар юриш вақтида ўз бегидан юз ўтириб, ундан ажралиб, (сизнинг) олдингизга хизмат истаб келса, ундаи навкарга ишониб бўлмайди. Агар у маълум муддатдан кейин кўп хизмат қилиб фидокорлигини кўрсатса, у чорда уни олиб қолса бўлади. Агар (бирон навкар) тинчлик вақтида сизга хизмат қилишни ихтиёр этса, уни қадрласинлар.

Агар вазирлардан ёки навкарлардан биронтаси (уруш кунларида) тадбиркорлик ишлатиб, душман билан алоқа боғлаб, унга ошнолик қилгандаи ўз бегининг ишини битирса, ундаи одамни энг ақлли дўстлардан ва хизматкорлардан деб ҳисоблаш зарур. Лекин бирор навкар ёв билан келишиб, ўз эгасига мунофилик қилса, бундай навкарни душман қаторида санаш лозим.

Агар навкарлардан бири қилич чопишиб, ғанимни синдирап экан, ғаразгўй одамларнинг унинг ҳақида айттан гапларига қулоқ солмасинлар. Унинг қилган хизматларини яширмасинлар, бир хизматини ўнга йўйсинлар, мартабасини оширсинлар, токи бошқа навкарлар буни кўриб жонбозлик қилишга рафбатлансанлар.

Сипоҳий фавжлардан ёки амирлардан қайси бири ёв билан келишиб, дўсту ошно бўлиб яшаш йўлидан бурилиб, ғанимлар сафига бирлашар экан, уларни юртдан чиқариб, ҳеч ердан ўрин бермасинлар. Бунга мисол, Кеш<sup>1</sup> лашкарининг саркардалари мендан юз ўтириб, амир Ҳожи Барлос лашкарига қўшилдилар. Шундан кейин мен уларга ишонмай қўйдим.

Агар навкарни бирон мамлакатта ҳоким қилган бўлсалару, у бевафолигидан душман билан келишиб, юртни унга таслим қилса, ўлим жазосига маҳкум эт-

<sup>1</sup> Кеш – Шаҳрисабз шаҳри ва вилоятининг ўрга асрлардаги номи.



синлар. Мамлакатни құл остида сақлаб қололған нав-  
карни эса юқори мартабага күтариб, ҳурматласынлар.

Қайси бир амир уруш кунлари, ахвол танг бұлған  
пайтда, жанг майдонида ихлос қадамини маңкам қўйиб,  
дўст-ошнолик ҳақини сақлаган бўлса, уни ўз оға-ини-  
сидек кўрсинглар. Чунончи, Кеш амирлари ва лашка-  
ри мендан бутунлай юз ўтирганларида ва амир Жаку  
Барлосдан бошқа ҳеч кимса олдимда қолмаган бир  
пайтда, мен амир Жакуни ўз азиз оғамдай кўриб, дав-  
латимнинг ишончли одами деб билдим. Уни амир ул-  
умаро этиб тайинлаб, Балх ва Ҳисор мамлакатларини  
унга инъом қилдим.

## ДЎСТУ ДУШМАНГА МУОМАЛА ҚИЛИШ ТУЗУКИ

Турон мамлакатини фатҳ, эттан куним ва пойтахт  
Самарқандда салтанат таҳтига ўтирганимдан сўнг,  
дўсту душман билан (муомалада) бир текис йўл тут-  
дим. Менга ёмонлик қилган, макр-ҳийла ишлатиб, жанг  
майдонида менга қарши қилич яланғочлаган Бадахшон  
амирлари, турку тоҷик қўшинларининг баъзи амир-  
лари қилган қінғир ишларидан қўрқувда эдилар. Чо-  
расиз қолиб, илтижо билан менинг паноҳимга келган-  
ларида уларга шундай яхшиликлар қилдимки, менинг  
иноятим ва хайр-эҳсонимни кўриб, ўзлари шарманда  
бўлдилар. Кимни ранжитган бўлсам, эҳсону инъомлар  
билан кўнглидаги хафагарчиликни чиқардим ва мар-  
табаларига қараб имтиёзлар бердим.

Лекин Сулдуз ва Жета амирларидан нафралан-  
дим, чунки улар Қобулшоҳ<sup>1</sup> чингизийни амирлик, ке-  
йинроқ хонлик (таҳти)га ўтказиб, унга дўстона ихлос  
билан хизмат қилиш хусусида аҳду паймон қилганди-

<sup>1</sup> Қобулшоҳ – асли чингизий шаҳзодалардан, дарвиштабиат одам  
бўлган. 1364 й. бошида амир Ҳусайн ва Амир Темур уни хон кўтар-  
ган эдилар.



лар. Бироқ кейинроқ, менинг салтанат таҳтига ўлтирганимни эшишишгач, менга хушомад қилмоқчи бўлиб, онтларини буздилар ва уни ўлдиридилар.

Менга ҳасад қилиб, ўлдиришга қасд қилган кишиларга шунчалик совға-инъомлар бериб, муруввату эҳсон кўрсатдимки, бу яхшиликларни кўриб, хижолат терига фарқ бўлдилар.

Ҳамиша менинг розилигимни олиб иш тутган дўстларим олдимга паноҳ излаб келганларида, уларни ўзимнинг баҳту давлатимга шерик билиб, ҳеч қачон мол-мулк ва тирикчилик ашёларини улардан аямадим.

Яна ўз тажрибамдан билдимки, содиқ ва ҳақиқий дўст улким, ўз дўстидан ранжимайди, дўстининг душманини ўз ёви деб билади. Агар керак бўлса, дўсти учун жонини ҳам аямайди. Шундайки, амирларимдан қай бирлари менга жон-дили билан ҳамроҳлик қилган бўлсалар, мен ҳам улардан ҳеч нарсани аямадим.

Яна ўз тажрибамда кўрдимки, ақлли душман, жоҳилу нодон дўстдан яхшироқ экан. Чунончи, амир Қазаганнинг набираси амир Ҳусайн нодон дўстлардан эди. Унинг дўстлик юзасидан қилган ишларини ҳеч бир душман қилмайди.

Амир Худойдод менга шундай деди: «Душманинги ни лаълу жавоҳирдек сақлагил, қачонки бирон тошлоқ ерга келиб қолсанг, уни олиб тошга шундай ургинки, талқони чиқиб, ундан нишон ҳам қолмасин». У яна шундай деди: «Агар душманинг бош уриб паноҳингга келса, раҳм қилиб, яхшилик ва мурувват кўрсатгил». Чунончи, мен Тўхтамишхонга қилганим каби. У паноҳимга сифиниб келганда, унга яхшилик ва мурувват кўрсатдим. Агар душман сендан мурувват ва хайр-эҳсон кўрсаю, яна қайтадан душманлик йўлини тутса, уни парвардигорнинг (ҳукмига) топшир.

Чин дўст ўлдирики, дўстидан ҳеч қачон ранжимайди, агар ранжиса ҳам, узрини қабул қиласди.



## САЛТАНАТ САРОЙИДА ҮТИРИШ ВА ҮРИН ОЛИШ ТУЗУКИ

Амр этдимки, ўғилларим, набираларим, қавм-қарин-дошларим ўз даража ва мартабаларига яраша худди ой қўргонлагандек, салтанат тахтини ўраб ўтирсинлар.

Сайийдлар, қозилар, уламо, фузало, шайхлар, улуғлар ва аслзодалар ўнг томондан үрин олсинлар.

Амир ул-умаро, бекларбеги, амирлар, нўёнлар, улус, туманлар, қўшиналарнинг сардорлари ва амирлари, мингбошилар, юзбошилар, ўнбошилар ўз мартабалирига яраша, чап қўл томонда ўтирсинлар.

Девонбеги ва вазирларнинг ўрнини таҳт қаршисидан кўрсатдим. Турли мамлакатлар, эл-улусларнинг юрт-оғалари ва беклари эса, вазирлар орқасида қатор бўлиб ўтиришларини буюрдим.

Баҳодир деган фахрли номга эга мард йигитлар, қилич чопиб танилган ўғлонлар салтанат тахтининг орқасида, ўнг қўл томонда ўтирсинлар. Қоровулбеги-ларни эса салтанат тахтининг орқасида, чап қўл томонда ўтиришларини буюрдим.

Ҳировул амири менинг рўпарамдан ўрин олсин. Ички<sup>1</sup>, хусусий ясовулим эса катта чодир эшиги олдида, тахтим поясининг тўғрисида тик турсин. Арзодод қилиб келганлар ўнг ва чап томонда тик турсинлар.

Олдий сипоҳийлар, хизматчи ва сарой кишилари<sup>2</sup> ҳар қайсилари ўз мартабаларига яраша саф тортиб, ўз жойларини билиб тик турсинлар.

Үрин олиш қоидаларининг бажарилишини назорат қилувчи тўрт амирга, мажлисга ҳозир бўлганларни ўз тартиби билан тахтимнинг ўнг ва сўл, олди ва орқасига жойлаштиришларини буюрдим.

<sup>1</sup> Ички — подшоҳ ва хонларнинг хос хизматчилари, беклар.

<sup>2</sup> Матнда «шилон».



Яна ҳукм қилдимки, қачон мажлис қоидага муво-  
фиқ тартибга келтирилгач, минг товоқ ош, минг дона  
нен келтириб, умум йиғилғанларга шоҳона зиёфат бер-  
синлар. Минг товоқ ошни мұмтоз ва хос кишилар баз-  
миға олиб келиб, шундан беш юз товоғини улус амир-  
ларига, сарқардаларга, оқсоқолларга, ҳар қайсисининг  
номига атаб тарқатсинглар.

## МАМЛАКАТЛАРНИ ЗАБТ ЭТИШ ТУЗУКИ

Бирон мамлакатда жабр-зулм ва фисқу фасод кү-  
чайиб кетаркан, асл подшоҳлар адолат үрнатишиб,  
фисқ-фасодни, зулмни йүқотиши ниятида ана шундай  
мамлакатта ҳужум бошлаши лозим. Тангри таоло шу  
ниятнинг шарофати билан мамлакатни золимнинг құли-  
дан тортиб олиб, одил (подшоҳ)га топширади.

Чунончи, мен Мовароуннахр вилоятида адолат үрна-  
тиши ниятида уни золим мұғуллар тоифасининг құли-  
дан тортиб олдим.

Қайси бир мамлакатда шариат заифлашган бұлса,  
Оллоҳ, улуғ қылған нарсаларни хор тутсалар ва Худо-  
нинг хос бандаларини ранжитсалар, чинакам жаҳон-  
гир султон ҳазрати Мұхаммад саллаллоҳу алайхі ва-  
сallам дини ва шариатига ривож бериш учун үша  
мамлакатта кирсинг. Худонинг расули унга мәдаду иноят  
күрсаттайды. Бунга мисол, мен Ҳиндистон пойтхатини Фе-  
рузшоҳнинг<sup>1</sup> набираси Султон Маҳмуддан, Малхұон  
ва Сарангдан<sup>2</sup> тортиб олдим, дину шариатта ривож  
бердим ва үша диёрнинг бутхоналарини буздирдым.

Қайси мамлакатнинг ақолиси үз ҳокими ёки во-  
лийсидан озор чеккан ва үша диёр ахлининг күнгли

<sup>1</sup> Ферузшоҳ – Шимолий Ҳиндистонда ҳукмронлик қылған Түр-  
лоқыйлар сулоласи (1320 – 1413)дан чиққан ҳукмдор. 1351 – 1388 йил-  
лари ҳукмронлик қылған.

<sup>2</sup> Саранг – Малхұоннинг иниси. Үша пайтларда Мұлтон вило-  
ятининг ҳокими лавозимида турған.



ўз волийсидан қолган бұлса, мамлакатларни забт этгувчи чинакам подшоҳ у ерларни ўз тасарруфига олсин. Одил подшоҳ у ерга қадам қўйиши билан фатху зафар ҳам унга ёр бўлиб, (у билан) бирга киради. Бунга мисол, мен Хурросон вилоятини Курт сultonларидан<sup>1</sup> ажратиб олдим<sup>2</sup>. Хурросон пойтахти – Ҳиротга қараб юзланишим билан Султон Фиёсиiddин бутун мамлакатни, хазина-дафиналари билан пешкаш қилиб менга топширди<sup>3</sup>.

Қайси мамлакатда диндан қайтишилик, худосизлик кучайса ва у диёрнинг аҳолиси, сипоҳу раият турли маслакка кириб иттифоқлари бузилса, у мамлакатнинг ҳалокати яқиндир. Чинакам жаҳонгир подшоҳ ундаёт юргни ўз тасарруфига олиши лозим. Мисол учун мен Ироқи ажам ва Форс вилоятларини малъун динсизлар вужудидан тозаладим, золим ҳукмдорларни ағдариб, худо бандаларини уларнинг жабр-зулмидан күтқаздим.

Қайси бир вилоят ҳалқининг эътиқоди ҳазрати Сайиид ал-мурсалин<sup>4</sup>, унга Оллоҳнинг марҳаматлари бўлсан, хонадони ақидаларидан фарқланиб ўзгарган бўлса, подшоҳлар ўша вилоятни тасарруфларига олишлари ва у ер аҳолисини бузуқ эътиқодларидан қайта-ришлари лозим. Бунга мисол, мен Шом вилоятига кириб, бузуқ эътиқодли кишиларни жазоладим.

Жаҳонгирлик қилишга киришганимда тўрт нарсани хотиримда маҳкам сақладим.

**Биринчиси** – қайси мамлакатни забт этмоқчи бўлсам, тўғри кенгаш ва тадбир билан иш тутдим.

---

<sup>1</sup> Курт сultonлари – Фур билан Ҳиротни идора қилган сулола, унга Малик Шамсиiddин Муҳаммад (1245–1278) асос солган.

<sup>2</sup> Амир Темур Ҳиротдаги Куртлар сулоласини 1381 йили туттаган.

<sup>3</sup> Яъни, Хурросон ҳалқи Амир Темурни ҳалоскор сифатида кутиб олган.

<sup>4</sup> Сайиид ал-мурсалин – барча пайғамбарларнинг етакчиси (Муҳаммад пайғамбарнинг фахрли номларидан).



**Иккинчиси** – хатога йўл қўймаслик учун ҳар бир ишни кўп ўйлаб, сергаклик ва эҳтиёткорлик билан қилдим. Шунинг учун менга Оллоҳнинг мададу инояти етиб, нима тадбир қўллаган бўлсан, тўғри ва рост чиқди. Ҳар ер эл-улусининг табиати ва ҳалқининг мизожларини хотиримга келтириб, уларнинг табиатига мувофиқ, йўл тутиб, шунга қараб уларга ҳоким тайинладим.

**Учинчиси** – уч юз ўн уч асил зотли, шижоатли ва ақл-фаросатли эр йигитларни атрофимга бирлаштирадим. Бирлик-иттифоқлари шундай эдикি, ҳаммалари гўё бир тандек эдилар. Барчаларининг мақсадлари, раъйлари, сўзлари ва ишлари битта эди. Бир ишни қилайлик деб қарор қилсалар, тутатмагунларича ундан қўл узмас эдилар.

**Тўртингиси** – бугунги ишни эртага қолдирмадим. Юмшоқлик лозим бўлса, мулоимлик қилдим; қаттиқ-қўллик ишлатиш вақти етса, қатъийchorалар кўрдим. Шошмаслик керак ерда шошилмадим, шошилинч ишларни кечиктирмадим. Қайси ишни чораю тадбир билан битиришнинг иложи бўлса, унда қилич ишлатмадим.

Кундузлари тажрибали ва доно кишилар билан турли мамлакатларни забт этиш шатранжи устида бош қотирдим. Кечалари бўлса тушагимда ёнбошлаб олиб, мамлакат ишларини қандай юргизиш кераклиги ҳақида ўйладим ва уларни бажариш воситаларини ўзимча тасаввур қилиб кўрдим. Ўзга мамлакатларни забт этиш йўлларини ўз кунглимда чамалаб, қай тарзда ҳужум қилиб, қандай чекиниш мумкинлигини белгилар эдим. Сипоҳийларим билан қандай муомала қилишим тўғрисида фикр юргизиб, қайси бирини қандай тарбият қилишим керак, қайси ишни қай бирига топширсам, хато қилмаган бўламан деб, ҳар ишнинг олди-кетини ўйлар эдим.

Сипоҳ бошлиқларидан қайси бири менга дўстлик қилса, уни ҳаддан ортиқ хайру эҳсонлар билан сий-



ладим. Яхшилик қилсам, ёмонлик билан жавоб берган кимсаларни нопок деб билдим. Икки олам сарвари ва (Оллоҳ) нинг расули дебдиларким: «Зинодан туғилган киши ўзига яхшилик қилган одамга ёмонлик қилма-гунча дунёни тарк этмайди».

Пирим менга ёздиким: «Худонинг ва пайғамбари-нинг ҳукмига амал қилгин, расулуллоҳнинг зурриётига ёрдам бер, Тангрининг неъматларини еб, яна унга ва унинг пайғамбарларига душманлик қилган подшоҳларни Оллоҳнинг мулкидан чиқар. Парвардигорнинг мулкида адолатли иш тутгилким, шундай демишлар: «Мамлакат куфр билан туриши мумкин, лекин зулм бор ерда туролмайди...»

Қабиҳ, хатти-ҳаракат, ёмон ишлардан Оллоҳ, мулкини тозалагин. Ёмон таом баданга қандай зиён қилса, ёмон хатти-ҳаракат ҳам оламга шундай таъсир кўрсатади. Зулмнинг ном-нишонини йўқот. Золимнинг дунёда узоқ ҳаёт кечиришини яхшилиқдан деб била кўрма. Золим ва фосиқларнинг узоқ яшашига сабаб шуки, ўзларидағи бор ёмонликларини юзага чиқариб, тутатмагунларича Тангри уларга муҳлат беради, кейин Оллоҳнинг қаҳру ғазабига учрайдилар. Гоҳида Оллоҳнинг қудрати билан золимлар, фисқу фужур қилувчилар бирдан банду зиндонга, талон-торожга, очликка, қаҳатга, вабога, тұсатдан ўлишга гирифтор бўладилар. Гоҳида бегуноҳ бўлган яхши, түғри ва тақводор кишилар ҳам ёмонларнинг қилмишларидан оғату балога учрайдилар. Шундайким, тұқайга үт тушса, ҳұлу қуруққа қарамай барчасини куйдиради. Коғирлар, золимлар, фосиқу фужурлар қанча кўп зулм-хиёнат, фисқ-фасод қилсалар, ноз-неъматлари шунча кўпаяр экан, деб ўйламагин. Қисқаси, уларнинг неъматлари кўпайишининг сабабини билиб олиш керак. Бунинг сабаби ушбудир: «Эҳтимол, ҳақиқий неъматлар бे-рувчи (Оллоҳ)нинг иноятини куриб, улар (балки) зулмдан, фисқ-фасоддан қайтиб, имон-инсофга келиб,



унинг неъматларига шукр этарлар», деб шундай қилингандир. Бироқ Оллоҳга шукр айтишни унтар-канлар, Тангрининг даргоҳига қайтмас эканлар, Худо ва унинг расули неъматлари ҳақини билмас эканлар, охир-оқибат Парвардигорнинг қаҳру ғазабига гирифтор бўладилар».

Пиримнинг бу мактуби менга етиб келгач, Худо мулкини золимлар, бидъатчи мунофиқлар, фосиқу фуржурлар қўлидан тортиб олиш, уларни йўқотиш учун белга ҳиммат камарини боғладим.

## САЛТАНАТНИ ИДОРА ҚИЛИШ ТУЗУКИ

Қайси мамлакатни забт этган бўлсам, ўша ернинг обрў-эътиборли кишиларини азиз тутдим; саййидлари, уламолари, фузало ва машойихларига таъзим бажо келтирдим, ортиқ ҳурматладим. Уларга суюргол, вазифалар бериб, маошларини белгиладим, ўша вилоятнинг улуғларини оға-иниларимдек, ёшлари ва болалири бўлса ўз фарзандларимдек кўрдим. Мазкур мамлакатларнинг сипоҳи учун даргоҳимга йўл бердим. Раи-ягини ўзимга қаратиб олдим. Ҳаммани қўрқув ва умид орасида сақладим. Ҳар мамлакатнинг яхши кишиларига мен ҳам яхшилик қилдим, нафси ёмонлар, бузуклар ва ахлоқсиз одамларни мамлакатимдан қувиб чиқардим. Пасткаш ва разил одамларга ўзларига лойик ишлар топширидим ҳамда ҳаддиларидан ошишларига йўл қўймадим. Ҳар элнинг улуғларини ва шараф-эътиборли кишиларини ҳурматлаб, мартабаларини оширедим. Ҳар мамлакатда адолат эшигини очдим, зулму ситам йўлинни тўсадим.

(Ўз эрки билан) менга бўйсунган вилоят ҳокимларига ўша юрт ҳукуматини бердим ва уларни инъому эҳсон билан қадрлаб, ўзимга тобеъ қилиб олдим. Бўйсунмаганларини эса қилмишига яраша жазоладим.



Оид, оқил ва уддабурон кишиларни уларга ҳоким этиб тайинладим.

Амр этдимки, ўғри ва қароқчиларни «Ясо» асосида жазоласинлар, фасодчи, бузуқи, нафси ёмон кишиларни мамлакатдан ҳайдасинлар. Эзма-бекорчи одамларни вилоят ва шаҳарларда қолдирмасинлар.

Ҳар бир шаҳар ва қишлоққа кутвол тайинласинларки, сипоҳу раиятта соқчилик қылсинг, кимнинг бирон нарсаси ўғирланса, бунинг масъулияти унинг зиммасида бўлсин.

Ва яна буюрдимки, йўл устига кузатувчилар, зобитлар тайинласинларки, йулларни қўриқлаб, йоловчилар, савдогарлар, мусофиirlарни кузатиб, мол-мулки ва бошқа нарсаларини манзилдан-манзилга етказиб қўйсинглар. Йўл устида бирортасининг нарсаси йўқолса, ўзи ўлдирилса ёки бошқа кор-ҳол юз берса, булар учун жавобгарлик уларнинг зиммасида бўлсин.

Яна буюрдимки, фаразгўй, нафси бузуқ кимсаларнинг тухмати билан катта ва кичик шаҳарлар аҳолисидан ҳеч кимни жазоламасинлар. Фақат гуноҳи тўрт кишининг гувоҳлик бериши билан исботланса, гуноҳига яраша жазоласинлар. Амр этдимки, ҳеч бир шаҳар ва қишлоқда одамлардан жон солиги<sup>1</sup>, уй солиги<sup>2</sup> олмасинлар. Сипоҳийлардан бирон киши раиятнинг хонадонига зўрлик билан келиб тушмасин, раиятнинг отуловини тортиб олмасин.

Ҳар бир мамлакатнинг раияти билан бўлган муоммалада, уларга нисбатан холислик билан иш тутсинлар. Яна буюрдимки, ҳар мамлакатнинг гадоларига вазифа юклаб иш берсинглар, токи шу йўл билан гадолик йўқотилсан.

<sup>1</sup> Матнда «сари шумор».

<sup>2</sup> Матнда «хона шумор».

## МУЛКУ МАМЛАКАТ, СИПОҲУ РАИЯТ АҲВОЛИДАН ҲАБАРДОР ВА ОГОХ, БЎЛИБ ТУРИШ ТУЗУКИ



Амр қилдимки, ҳар ерда, вилояту шаҳар ва лашкар урдусида кундалик воқеаларни ёзувчиларни<sup>1</sup> тайин қилсинларки, ҳокимлар, раият, сипоҳ, ўз лашкари ва ёт лашкарнинг хатти-ҳаракати ҳақида мени ҳабардор қилсин. Атрофдан кирган-чиққан мол-мулк, четдан кирган, четта чиққан ёт кишилар, ҳар турли мамлакатлардан келган карвонлар, қўшни подшоҳлар, уларнинг гапсузлари, ишлари ҳақидағи хабарлар ва узоқ ўлкалардан бўлиб, менинг даргоҳимга юзланган уламо, фузало ҳақидағи сўзларни тўғрилик билан менга ёзиб турсинлар. Агар бунга хилоф иш туттудек бўлсалар, (бўлиб ўтган) воқеаларни ёзмасалар, ёзувчининг хабар ёзган бармоқлари кесилсин. Агар хабар ёзувчи бирор сипоҳийнинг хизматини яширса ёхуд хабарни бошқа либосга кийинтириб (ёлғон) ёзган бўлса, у ҳолда унинг кўлинини кессинлар. Агар ёлғон хабарни тухмат ёки бараз билан ёзган бўлса, уни қатл этсинлар ва яна амр этдимки, ушбу хабарларни кунма-кун, ҳафтама-ҳафта, ойма-ой менинг арзимга етказиб турсинлар.

Амр қилдимки, мингта тезюар туя минган, мингта от минган елиб-югурувчи кишини чопқунчи, минг нафар тезюар пиёдани чопар этиб тайинласинларки, турли мамлакатлар, сарҳадларнинг хабарларини, қўшни ҳукмдорларнинг мақсадлари ва ниятларини билиб, ҳузуримга келиб, хабар қилсинлар, токи бирон воқеа, кор-ҳол юз бермасидан бурун унингchorаси ва иложи қидирилсин.

Чунончи, Тўхтамишхоннинг Ўрусхондан енгилгани ҳақида менга хабар етказганларида<sup>2</sup>, унинг паноҳ, из-

<sup>1</sup> Матнда «хабарнавис».

<sup>2</sup> Гап 1376 йили Тўхтамишхон Ўрусхондан қочиб, Самарқандга келиши билан боғлиқ воқеалар устида бормоқда. (—А.А.)

лаб ҳузуримга келишини билдим. (Шунинг учун) Үрусхонга қарши жанг қилишга тайёрлана бошладим ва Тұхтамишхонга ёрдам бердим.

(Шунга үхшаш) яна бир мисол. Ҳиндистонни забт этиш учун йұлға чиққанимда<sup>1</sup>, бу үлканинг ҳар бир вилоятида алоқида ҳоким ёки волий салтанат тахтида үтиргани ҳақида менга хабар келтирдилар. Чунончи, Мұлтон үлкасида Маллухоннинг иниси Саранг, Деклида Султон Маҳмудхон салтанат байроғини ёйғанды. Лоҳур<sup>2</sup> нохиясида Маллухон лашкар тұплаганды, Қанауж<sup>3</sup> вилоятида эса Муборакхон салтанатта дағыгарлик қилиб бош күтарған зди. Қисқаси, Ҳиндистоннинг ҳар бир вилоятида бирон-бир кимса салтанат тожу тахтига дағыгарлик қиларди. Бу хабар қулоғимга етгач, бу мамлакатни забт этишим осон туюлди. Чунончи, Ҳиндистонни забт этган вақтимда Рум Қайсари менинг баъзи мамлакатларимга чопқун қылгани, гуржилар бұлса үз юртлари чегарасидан ташқари чиқиб, менинг лашкарларим қамал қилиб турған баъзи қалъалар ичидаги одамларга ёрдам бераётгани ҳақида хабар келтирдилар. Үз-үзим билан кенгашиб, агар Ҳиндистонда күпроқ туриб қолсам, Эрон мамлакатида ҳам тартибсизлик бошланиши мүмкін, дедим. Шунинг учун Ҳиндистон пойтахтидаги ишларимни тезда тартибга келтириб, юриш бошладим. Йұлда бир неча кун Мовароннаұрда тұхтадим. У ердан Рум ва Гуржистон томон йўл олдим. Ӯша мамлакатларнинг барисини забт этдим.

<sup>1</sup> Бу воқеа 1398 йил априли 1399 йил априли оралиғида юз берган. (—А.А.)

<sup>2</sup> Лоҳур — Панжобнинг марказий шаҳри. (—А.А.)

<sup>3</sup> Қанауж — Ҳиндистоннинг қадимий шаҳри. Аградан шарққоңда, жанубий Панчала дарёсининг ирмоғида жойлашған. Гужарот вилояты пойтахти. (—А.А.)

141



## ТУРЛИ МАМЛАКАТЛАР АҲОЛИСИГА МУНОСАБАТ, УЛАРНИНГ АҲВОЛИДАН ХАБАРДОР БҮЛИШ, АВЛИЁЛАР ВА ДИН ПЕШ- ВОЛАРИНИНГ МОЗОРЛАРИНИ ТУЗАТИШ, ВАҚФ ҲАМДА НАЗР ИШЛАРИНИ ТАРТИБГА КЕЛТИРИШ ТУЗУКИ

Амр этдимки, фатҳ этилган ҳар бир мамлакатдаги сипоҳийлар (ўз ихтиёрлари билан) паноҳимга келсалар, уларни навкар қилиб, (аскарларим сафидан) жой берсинглар. У диёрнинг раиятини ёмон ҳодисалардан, қатл ва асиру банд этилишдан, таланишдан муҳофаза қилсинглар. Уларнинг мол-мулкини, буюмларини талон-торождан сақласинглар. Ўша мамлакатдан тушган ўлжа моллар эгаларига қайтариб берилишини текширилсинлар.

Саййидлар, уламо, машойих, фузало, акобир ва улуғларни азиз тутсинглар. Беклар, оқсоқоллар, дехқонлар<sup>1</sup> ва экин майдонларига ишлов берувчилар кунглини хушнуд этиб, ўзларига қаратсинглар. Раиятни умид ва қўрқинч орасида тутсинглар. Гуноҳлари ва қилмишларига яраша жазоласинглар. Менга бўйсунгандан мамлакатларнинг саййидлари, олимлари, шайхлари, фозил кишилари, дарвишлари, зоҳидларини суюргол, вазифа ва ойлик билан сийласинглар. Фақиру мискин, ногиронларга нафақа тайин қилсинглар. Мударрислар ва шайхларга кундалик маошлар белгиласинглар.

Авлиёлар, дин пешволарининг мозорлари ва мақбараларига вақфдан маблағ ажратсинглар. У ерларни палос, таом ва чироқ билан таъминласинглар. Биринчи навбатда амир ал-мўминин, мард кишилар шоҳи Али ибн Абу Толибнинг, унга Оллоҳнинг карами ва эҳсони бўлсин, муқаддас қабрларини яхши сақлаш учун Нажаф билан Ҳиллани вақф этиб берсинглар. Имом

<sup>1</sup> Дехқон – бу ерда ер эгаси маъносида.



Хусайннинг, Оллоҳ, ундан рози бўлсин, нурга чўмган муқаддас мозори, авлиёлар улуғи шайх Абдулқодир Жилонийнинг<sup>1</sup> муқаддас қабри, имоми аъзам Абу Ҳанифанинг, унга Оллоҳнинг раҳмати бўлсин, мақбарасини, Бағдодда нурга чўмган бошқа машойихлар, дин пешволари, улуғларнинг мозорларини яхши сақлаш учун баҳоли құдрат Карбало, Бағдод ҳамда уларнинг атрофидаги қишлоқлар ва бошқа жойлардан вақф сифатида ер-сув ажратсинглар. Имом Мусо Козим<sup>2</sup>, имом Муҳаммад Нақий<sup>3</sup>, Салмон Форсийларнинг<sup>4</sup> нурли равзали учун эса Жазоир<sup>5</sup> экин майдонларидан ва Мадоин<sup>6</sup> даромадидан вақф белгиласинглар. Имом Али ибн Мусонинг<sup>7</sup> табаррук равзали учун Кутаҳбаст ва Тус шаҳри атрофидаги ерлардан вақф ажратсинглар ва палос, чироқ ҳамда кундалик емиш-ичмишлар белгиласинглар. Шунингдек, Эрон ва Турондаги шайхларнинг мозорлари ва қабрлари учун ҳар бирига алоҳида, номма-ном назру вақфлар ажратсинглар.

Яна буюрдимки, ҳар бир мамлакат фатҳ этилгач, у ернинг гадоларини тўплаб, кундалик емиш-ичмишлар билан таъминлаб, уларга бирон иш берсинглар. Ҳамда барчаси тамғалансинглар, токи бошқа гадолик қилмасинглар. Агар тамғадан кейин ҳам гадолик қилгудек бўлсалар, уларни узоқ мамлакатларга сотиб юборсинглар ёки ҳайдасинглар. Шундагина гадо зоти мамлакатимдан йўқолади.

---

<sup>1</sup> Абдулқодир Жилоний — йирик мутасаввиф олим; қодирия тариқатининг асосчиси (1166 й. вафот этган).

<sup>2</sup> Имом Мусо Козим — шиаларнинг еттинчи имоми (799 й. вафот этган).

<sup>3</sup> Имом Муҳаммад Нақий — шиаларнинг ўнинчи имоми.

<sup>4</sup> Салмон Форсий — Муҳаммад пайғамбарнинг форс саҳобаси (655 й. вафот этган).

<sup>5</sup> Жазоир (бирлиги — Жазира) — Ироқнинг шимоли. (—А.А.)

<sup>6</sup> Мадоин — Бағдод таркибига кирган етти қишлоқдан бирининг номи. (—А.А.)

<sup>7</sup> Имом Али ибн Мусо — шиаларнинг саккизинчи имоми (821 й. вафот этган).

**РАИЯТДАН МОЛ-ХИРОЖ ОЛИШ,  
МАМЛАКАТНИ ТАРТИБГА КЕЛТИРИШ ВА  
ЮКСАЛТИРИШ, УНИНГ  
ОБОДОНЧИЛИГИ, ХАВФСИЗЛИГИНИ  
АМАЛГА ОШИРИШ ТУЗУКИ**



Амр этдимки, раиятдан мол-хирож йиғищда уларни оғир ақволга солищдан ёки мамлакатни қашшоқликка тушириб қўйищдан сақлансинлар. Негаки, раиятни хонавайрон қилиш (давлат) хазинасининг камбағаллашувига олиб келади. Хазинанинг камайиб қолиши эса сипоҳнинг тарқалиб кетишига сабаб бўлади. Сипоҳнинг тарқоқлиги, ўз навбатида, салтанатнинг кучсизланишига олиб боради.

Яна буйруқ бердимки, ҳар бир мамлакат фатҳ, этилса ёки жанг даҳшатларисиз эмину омонлик тиласа, унинг ҳосил ва даромадларини ҳисобга олсинлар.

Агар ерлик фуқаро азалдан бериб келган хирож миқдорига рози бўлса, уларнинг розилиги билан иш кўрсинар, акс ҳолда (хирожни) тузукка мувофиқ йифсинлар. Яна амр қилдимки, хирожни экиндан олинган ҳосилга ва ернинг унумдорлигига қараб йифсинлар. Чунончи, узлуксиз равищда кориз<sup>1</sup>, булоқ, дарё суви билан сугориладиган экин ерларини ҳисобга олсинлар ва ундей ерлардан олинган ҳосилнинг (учдан) икки ҳиссасини раиятга, (учдан) бир ҳиссасини салтанат хазинаси учун олсинлар.

Агар раият рўйхатга олинган ерлардан бериладиган солиқни накд ақча билан тўлашга рози бўлса, накд ақча миқдорини саркорнинг ҳиссаси ҳисобланган фалланинг мазкур даврдаги нархига мувофиқ белгиласинлар. Нарх-навога мувофиқ олинган накд ақчани сипоҳга етказсинлар. Бордию раият ҳосилни учга айтиришга рози бўлмаса, у чоқда ҳисобга олинган экин

<sup>1</sup> Кориз – ер ости сувларини йиғиш ва уларни ер юзасига чиқариш учун қуриладиган ер ости иншооти.



ерларни биринчи, иккинчи ва учинчи жариб<sup>1</sup> экин ер қилиб ажратсингилар. Бириңчи жарибдан (олинган ҳосилнинг) уч харвори<sup>2</sup>, иккинчи жарибдан – икки харвор, учинчи жарибдан бир харворини йигиб олсинлар. Бунинг ярмини буғдой, ярмини арпа ҳисоблаб, ҳосилнинг ярмини олсинлар. Агар раият бу йусинда солиқ тұлашга рози бўлмаса, у ҳолда бир харвор буғдойига беш мисқол<sup>3</sup> кумуш, бир харвор арпасига икки ярим мисқол кумуш миқдорида нархласинлар. Яна қалъя фойдасига бериладиган тортиқни ҳам бунга қўшиб қўйсингилар. Шулардан бошқа, қўшимча тарзда, улардан ҳеч қандай олиқ-солиқ, талаб қилмасинлар.

Булардан ташқари кузги, баҳорги ва ёзги дәхқончилиқдан олинган ҳосил раиятнинг үзига бўлсин. Лалмикор ерларни эса жариларга бўлсинлар, ҳисобга олинган бу ерлардан (солиқ олишда) учдан бир ва тўртдан бир қоидасига амал қилсингилар.

Ҳар шаҳар ва ҳар ердан олинадиган жон солиги, касб-ҳунардан ҳамда ўтлоқ ва сувлоқдан олинадиган солиқни тўплашда қадимдан келган тартиб-қоидага амал қилсингилар. Бордию бунга раият рози бўлмаса, бори-бўлганича иш тутсингилар.

Амр қиддимки, ҳосил пишиб етилмасдан бурун раиятдан молу жиҳот олинмасин. Ҳосил етилишига қараб, солиқни учга бўлиб олсинлар. Агар раият солиқ тўпловчи юбормасдан, солиқни үзи келтириб берса, у ҳолда у ерга солиқ тўпловчи юбормасингилар. Агарда солиқчини юборишга мажбур бўлсалар, солиқларни буйруқ бериш ва яхши сўз билан олсинлар; калтак ишлатиб, ишни уриш-сўкишгача олиб бормасингилар. Уларни боғлаб, занжир билан кишанламасингилар.

---

<sup>1</sup> Жарип – ер сатқи ўлчови. Бир жарип 3600 кв. газга, яъни тахминан бир таноб (958 кв. м)га ерга тенг бўлган.

<sup>2</sup> Харвор – бир эшак кутариши мумкин бўлган юк.

<sup>3</sup> Мисқол – оғирлик ўлчови, 4,235 гр га тенг бўлган.

Яна амр этдимки, кимки бирон саҳрони обод қилса ёки кориз қурса, ё бирон боғ кўкартирса, ёхуд бирон хароб бўлиб ётган ерни обод қилса, биринчи йили ундан ҳеч нарса олмасинлар, иккинчи йили раият ўз розилиги билан берганини олсинлар, учинчи йили (эса олиқ-солик) қонун-қоидасига мувофиқ хирож йифсинлар.

Яна буюрдимки, агар (ҳар ер ва элнинг) амалдорлари билан калонтарлари оддий фуқарога жабр-зулм қилса ва шу орқали бечораларга зарар етказган бўлса, (бундай вақтларда) етказилган зарарни калонтарлардан ундириб, жабр кўрганларга берсинглар, токи улар яна ўз ҳолларига келсинглар.

Хароб бўлиб ётган ерлар эгасиз бўлса, холиса тарафидан обод қилинсин. Агар эгаси бўлсаю, (лекин) обод қилишга қурби етмаса, унга турли асбоблар ва керакли нарсалар берсинглар, токи ўз ерини обод қилиб олсин.

Яна амр қидимки, хароб бўлиб ётган ерларда коризлар қурсинглар, бузилган кўприкларни тузатсинглар, ариқлар ва дарёлар устига (янги) кўприклар солсинглар, йўл устида ҳар манзилгоҳга работлар бунёд этсинглар. Йўлларга кузатувчи ва соқчилар қўйсинглар, ҳар бир работга бир нечта одамни жойлаштирысингларки, йўлларни кузатиш ва сақлаш ишлари шуларга тегишли бўлсин. Йоловчилар молларини ғафлат босиб, ўғирлатиб қўймасликларининг вазифаси ҳам ўшаларнинг зиммасида бўлсин.

Яна амр этдимки, катта-кичик ҳар бир шаҳар, ҳар бир қишлоқда масжид, мадраса ва хонақоҳлар бино қилсинглар, фақиру мискинларга лангархона<sup>1</sup> солсинглар, касаллар учун шифохоналар қурсинглар ва уларда ишлаш учун табиблар тайинласинглар. Ҳар бир

<sup>1</sup> Лангархона – йоловчилар қўниб ўтадиган ер; мискин ва етимесирга таом бериладиган жой, ғарифхона.



шаҳарда сарой<sup>1</sup> ва қозихона<sup>2</sup> бино қилсинлар. Ва раияту зироатни қўриқловчи қўрчилар<sup>3</sup> ҳам тайинласинлар.

Яна ҳар үлкага уч вазир тайинлашларини буюрдим. Булардан бири раият учун (бўлиб), ундан йигиладиган олиқ-солиқларнинг ундирилишини кузатиб, ҳисоботини олиб борсин. Олиқ-солиқ миқдори, солиқ тўловчиларнинг номларини ёзib борсин ва раиятдан йифилган маблагни сақласин. Иккинчи вазир сипоҳ ишларини бошқарсин. Сипоҳга берилган ва берилиши лозим бўлган маблаг ҳисобини олиб борсин. Учинчи вазир эса дараксиз йўқолган кишилар, келиб-кетиб юрувчилар (саёҳатчилар ва савдогарлар), ҳар хил йўл билан йигилиб қолган ҳосил, ақддан озгандарнинг молмулки, вориссиз мол-мulkни, қозилар ва шайхулисломларнинг ҳукми билан олинган жарималарни тартибга келтирисин.

Яна амр этдимки, ўлганларнинг молларини ўзоворисларига етказсинлар. Агар вориси йўқ бўлса, уни хайрли ишларга сарф қилсинлар ёки Маккайи муаззамага юборсинлар.

## ЖАНГУ ЖАДАЛ, УРУШ МАЙДОНИГА КИРИШ ВА ЧИҚИШ, ҚУШИННИ САФЛАШ, ФАНИМ ЛАШКАРИНИ СИНДИРИШ ТУЗУКИ

Амр этдимки, агар фаним (лашкари) сони ўн иккиминг отлиқдан кам бўлса, бу урушда амир ул-умаро (лашкаримга) сардорлик қилсин. Аймоқ ва туманлардан ўн иккиминг отлиқ унга ҳамроҳ бўлсин. Мингбошилар, юзбошилар ва ўнбошиларни ҳам ўзига ҳам-

---

<sup>1</sup> Матнда «Дор ул-иморат»

<sup>2</sup> Матнда «Дор ул-адолат»

<sup>3</sup> Қўрчи — қурол кўтариб юрувчи; подшоҳ, хон, сulton ва амирларнинг шахсий қўриқчиси. Бу ерда раият ва экинзорларни қўриқловчи ҳарбий бўлинма бошлиғи.



роҳ қилсин. Фаним лашқарига бир манзил<sup>1</sup> йүл қолгунча юриш қилиб, душман билан рұбару келгач, менга хабар юборсын.

Яна амр құлдимки, үшал үн икки минг отлиқ астарни түккіз қысмға бұлсинар, ушбу тартибда: құлда бир фавж, баронғорда уч фавж, жавонғорда уч фавж, ҳировулда – бир фавж ва қоровулда – бир фавж түрсін. Баронғорнинг үзи ҳировул, чоповул ва шиқовулдан иборат бұлсін. Шунға үхшаш, жавонғор ҳам ҳировул, чоповул ва шиқовулдан иборат бұлсін.

Ва буюрдимки, амир ул-умаро уруш майдонини танлашда (күйидаги) тұрт нарсани назарда тутсын.

**Бириңчиси** – у ернинг сувга узоқ-яқынлиғи.

**Иккінчиси** – аскар сақтайдиган ернинг хавфсизлиғи.

**Учинчиси** – ғаним лашқари турған ердан тепа-роққа жойлашиши ва офтобға рұбару бұлмаслиғи, токи күёш шұғласи сипоқийлар күзини қамаштиру масин.

**Тұртингчиси** – уруш майдони олди очик, кенг жой булиши лозим.

Яна амр этдимки, урушдан бир күн олдин лашқарни сағға тизсинар ва тузукка мұвоғиқ уни фавжларға ажратиб, душман томонға қараб юрсинар. Лашқар отларининг боши күзланған йұналишга қаратилсін ва юрап йүлдан чап ёки үнг ёққа бурилмасин. Яна буюрдимки, сипоқийлар күзи ғаним лашқарига тушиши ҳамоно, баланд овоз билан «Оллоху акбар!» деб такбир айтсинар ва сурон солиб, душман черики устига бостириб борсинар.

Лашқар назоратчиси<sup>2</sup> сардорнинг жанг вақтида хато қылганини күрса, дархол унинг үрнига бошқа сардорни үтиргизсін. Амирларға ва сипоқийларға эса мен үнга ишонч билдириб берган зафарнишон ёрлиқни күрсатсін.

<sup>1</sup> Манзил – карвоннинг бир күнлик йүли, тахм. 30 км. (– А.А.)

<sup>2</sup> Матнда «оризи лашқар».

ЎН ИККИ МИНГ ОТЛИҚ  
ЛАШКАРНИ САФГА ТИЗИШ ТАРТИБИ



ҚОРОВУЛ ФАВЖИ



ҲИРОВУЛ ФАВЖИ



ЖАВОНГОРНИНГ  
ҲИРОВУЛ ФАВЖИ



БАРОНГОРНИНГ  
ҲИРОВУЛ ФАВЖИ



ЖАВОНГОРНИНГ  
БИРИНЧИ ФАВЖИ



ЖАВОНГОРНИНГ  
ИККИНЧИ ФАВЖИ



БАРОНГОРНИНГ  
ИККИНЧИ ФАВЖИ



БАРОНГОРНИНГ  
БИРИНЧИ ФАВЖИ



ҚҰЛ



Амр этдимки, сардор лашкар назоратчиси билан берига душман сипоҳининг оз-кўплигини мулоҳаза эт-синлар, саркардаларини ғаним лашкарбошилари билан солиштиrsинлар. Шунга қараб, ўз сипоҳларининг каму қўстларини тўғрилаб, жангта ҳозирласинлар. Яна ўз сипоҳининг қурол-аслаҳаларини душманники билан таққосласинлар.

(Шунингдек), ғанимнинг уруш олиб бориш йўлларини шошмасдан, бир зайдами ёки шиддат биланми, жангта киришини кузатсинлар. Яна ғанимнинг жанг қилиш тартибини чамалаб қўрсинарки, улар бор аскари билан бир йула от қўйиб, шиддаткорона ҳужум қиладими<sup>1</sup> ёки фавж-фавж бўлиб, кетма-кет ҳамла этадими? Яна қўрсинарки, ғаним ҳамла вақтида, жанг қилиб орқага қайтиб, кейин яна ҳамлага киришадими ёки биринчи ҳамласи билан чегараланиб, охиригача савашадими? Ғаним агар орқасига қайтмай саваш қурса, сипоҳ, унинг ҳамласидан етган зарбага сабртоқат қилиб, охиригача туриб бериши керак. (Унда) шижиоат бир соатлик сабр демакдир.

Амр қилдимки, душман уруш очмагунича ўзларича жангта кирмасинлар. Яна амр этдим: душман жанг майдонига киргач, лашкар бошлиғи ясолда<sup>2</sup> турган тўққиз сипоҳий фавжга жангта тушиб, уруш бошлапшари ҳақида буйруқ берсин, чунки сипоҳ, лашкарбошисининг вазифаси, жанг вақтида қўрқувдан қўл-оёғи бўшашиб, саросимага тушмасдан, буйруқ беришдан иборатдир. У ҳар бир сипоҳ фавжини уруш аслаҳаларидан бири деб билсин ва ўқ-ёй, ойболта, қилич, гурзи, пичоқ ва ханжар каби ҳар бир фавжни ўз ўрни келганда ишлатсин. Ишбилармон лашкарбоши ўзини ва тўққиз сипоҳий фавжини бир тандек кўриб, уларни қўл-оёғи, боши, кўкраги ва бошқа

<sup>1</sup> Матнда «турктоз» атамаси қўлланган.

<sup>2</sup> Ясол – қўшин сафи. Ясол тузиш – қўшинни юриш, кўрик ёки жанг олдидан сафга тизиш.



аъзоларини ишлатиб курашувчи бир паҳлавондек ҳисобласин. Шундагина, ғаним сипоҳий фавжлари устига кетма-кет урилган тұққизта қилич зарбасидан кейин, тұққизинчи зарбада, албатта, енгилишига умид қылса бұлади.

Ҳақиқий лашкарбоши аввал ғаним устига ҳировул фавжини юборади, сұнгра ёрдам учун кетидан баронғор ҳировулини жұнатади. Баронғор ҳировули кетидан эса жавонғор ҳировулини жангга ташлайди. Шу тарзда душман аскари устига кетма-кет уч зарба түшгап бұлади. Бордию, шу вақт ҳировуллар ғанимга қарши күчсизлик қылсалар, у ҳолда баронғорнинг бириңчи фавжи от құйсін, кетидан жавонғорнинг иккінчи фавжини жангга ташласин. Шунда ҳам зафар қозонилмаса, баронғорнинг иккінчи фавжини жангга киритсін, кетидан жавонғорнинг бириңчи фавжини юборсін. (Улар жангга киргач), мен-га хабар жұнатыб, кейинги буйруқтаримни кутсін. Шундан сұнг Оллоқнинг мәдәду иноятига таяниб, лашкарбошининг үзи ҳам жангга кирсін. Мени ҳам уруш майдонида ҳозир деб билсінлар. Оллоқнинг ёрдами билан ғанимга саккиз зарба етгандан кейин, тұққизинчи зарбада душман енгилиб, фатху нусрат насиб бұлади.

Тұғри сардор улким, у шошма-шошарлик қымай, (аввал) лашкарини ишга солади. Бордию лашкарбошининг үзи қилич чопишига мажбур бұлса, иложи борича, үзини үлемдан сақласин, чунки лашкарбошининг үлеми үрдуга иснод келтириб, ғаним лашкарининг ғалабасига сабаб бұлади.

Шундай қилиб, сардор ақлу тадбиркорлик билан иш юритиб, шошма-шошарлик қымасин, чунки шошқалоқлик шайтоннинг ишидир. Чораси бұлмаган ишга киришмасин, чунки ундан құтулиб бұлмайди.

## ҚИРҚ МИНГ ОТЛИҚДАН ИБОРАТ ҮН ТҮРТТА ЗАФАРЛИ СИПОҲ ФАВЖЛАРИНИ САФГА ТИЗИШ ТУЗУКИ



Амр этдимки, агар ғаним лашкари үн икки минг отлиқдан ортиқ бўлсаю, лекин қирқ мингга етмаса, (лашкаримга) баҳтиёр ўғилларимдан бири сардор бўлсин. Икки бегларбеки қўшунонот, туманот ва улусот амирлари ҳамда қирқ минг отлиқдан кам бўлмаган сипоҳ билан унинг хизматида ҳозир турсинлар. Зафарли сипоҳ фавжлари, тадбиркорлик, мардлик ва мардоналийни қўлдан бермасликлари учун, мени доим майдонда ҳозир деб билсинлар.

Амр этдимки, менинг зафару баҳт келтирувчи чодиримни (лашкар) бошига олиб чиқишигач, үн иккита сипоҳий фавж тайинласинлар, уларнинг ҳар бирига улусот амирларидан бири фавж амири этиб белгилансин. У мен тузган саф тизиш, (ғаним) сипоҳи фавжлари сафини бузиш, жанг майдонига кириш ва чиқиш йўллари ҳақидаги үн икки тузукни доим назарда тутиши лозим.

Сардор улким, ғаним сипоҳи саркардаларининг сонини ҳисоблаб, уларга тенг келадиган лашкар бошлиқларини тайинлайди. У ғаним сипоҳининг жангда кўпроқ ўқчиларними, қилич чопувчиларними ёки найзадорларни майдонга туширишини назарда тутсин. Ғаним сипоҳининг рафторини кўрсингим, сипоҳ фавжларини узлуксиз, оҳиста-оҳиста жанг майдонига юборадиларми ёки ҳаммасини бирданига ҳужумга ташлайдиларми (буни яхши билсин). Жанг майдонига кириш ва чиқиш йўлларини ҳам мулоҳаза қилиб кўрсинг. Душман қай тарзда жанг қилишини англаш олсин. Гоҳида ғаним үзини камсоңли ёки қочаётгандек қилиб кўрсатади. Шундай пайтда, уларнинг макр-ҳийлалараги учмасин ва үзини қочаётгандек қилиб кўрсатишига алданиб қолмасин.

**ҚИРҚ МИНГ ОТЛИҚДАН ИБОРАТ  
ҮН ТҮРТТА ЗАФАРЛИ СИПОҲ ФАВЖЛАРИНИ  
САҒГА ТИЗИШ ТАРТИБИ**



КАТТА ҲИРОВУЛ



ШИҚОВУЛ  
ҲИРОВУЛИ



ЧОПОВУЛ  
ҲИРОВУЛИ



ШИҚОВУЛНИНГ  
ИККИНЧИ ФАВЖИ



ШИҚОВУЛНИНГ  
БИРИНЧИ ФАВЖИ



ЧОПОВУЛНИНГ  
ИККИНЧИ ФАВЖИ



ЧОПОВУЛНИНГ  
БИРИНЧИ ФАВЖИ



ЖАВОНГОР  
ҲИРОВУЛИ



БАРОНГОР  
ҲИРОВУЛИ



ЖАВОНГОРНИНГ  
ИККИНЧИ ФАВЖИ



ЖАВОНГОРНИНГ  
БИРИНЧИ ФАВЖИ



БАРОНГОРНИНГ  
ИККИНЧИ ФАВЖИ



БАРОНГОРНИНГ  
БИРИНЧИ ФАВЖИ



КҮЛ



Жанг күрган, тажрибали сардор улким, у урушнинг барча жумбоқларидан хабардор, қайси сипоҳ фавжини жангта ташлаб, қайси чигални қандай чоратадбир билан тузатиш ва қай усулда жанг қилиш кераклигини билиши лозим. Тажрибали сардор ғанимнинг нияти ва режаларини, унинг қай усулни қўллаб жангта кирмоқчилигини сеза билиши ва душманнинг ўша тадбирни қўллашига тўсқинлик қила олиши керак.

Чин сардор улким, қирқ минг отлиқ, сипоҳдан ушбу тартибда ўн тўртта сипоҳий фавж туза олади. Аввал ўзига қарашли сафларни тузиб, уни қўл деб номласин. Сўнгра баронфорнинг уч фавжини тузиб, улардан бирини баронфор ҳировули деб атасин. Яна жавонфорнинг уч сипоҳий фавжини тузиб, улардан бирига жавонфор ҳировули деб от қўйсин. Шу тарзда баронфор фавжларининг олдига яна уч сипоҳий фавж қўйиб, уларни чоповул деб номласин. Шу уч фавждан бирини эса чоповул ҳировули деб атасин. Шу тартибда яна уч сипоҳий фавж тузиб, уларни жавонфор фавжларининг олдига қўйиб, уни шиковул деб номласин. Бу уч фавждан бирини эса шиковулнинг ҳировули этиб тайинласин. Шундан сўнг қўл қаршисида синалган, тажрибали ўқчилар, қиличбозлар, наизадорлар ва баҳодирлардан иборат катта ҳировул тузсинлар. Чунки ҳировулнинг айнан шу фавжлари қаттиқ сурон солиб ёвни синдиради.

Ҳақиқий сардор улким, ғаним лашкарининг рафторини кузатиб боради ва амирлардан қай бири буйруқсиз юриш бошлаб, бошқалардан илгарилаб кетса, унга танбеҳини беради. Чин сардор душманнинг қай тарзда жангта кириши ва чиқишини назаридан қочирмасин, токи ғанимнинг ўзи уруш бошламагунча жангга киришга ошиқмасин. Ёв жангта кирганидан сўнг, сардор уларнинг жанг қилиш усулини кўриб ўргансин, жанг майдонига қай тартибда кирадилар ва чи-

қадилар, унга нисбатан қандай ҳужум этадилар, ҳамла қылғач, ортларига қайтадиларми ёки вақти билан қочиб, (кейин яна) фурсат пойлаб қайтадан жангта кирадиларми, (буларни кузатиб турсин). Яна сардорга лозимдирки, (қаттиқ зарба емай туриб) енгилгандек қоча бошлаган ёв кетидан құвмасин, чунки уларнинг ортларида күчли ёрдамчи құшинлар турган бўлади. Сардор шуни ҳам билсинки, ғаним лашкари бор кучи билан бир катта тўпдек бўлиб ҳужум қиласими ёки ўнгу сўл қанотини ёзиб, уруш олиб борадими?! Сардор аввал уларга қарши катта ҳировул фавжларини рўбару қилиши ва жангта ташлаши керак. Унинг ортидан катта ҳировулга мадад тариқасида кетма-кет чоповул ҳировули ва шиқовул ҳировулини жангта киргизиши керак. Уларнинг орқасидан эса чоповулнинг иккинчи фавжи ва шиқовулнинг биринчи фавжини жангта ташласин. Уларнинг кетидан эса чоповулнинг иккинчи фавжи ва шиқовулнинг биринчи фавжини жангта ташласин. Агар ғанимга етказилган ушбу етти зарбадан кейин ҳам ғалабага эришилмаса, у вақтда баронфор ва жавонфорнинг ҳировулларини жангта киритсин, (бу билан) ғанимга тўққиз зарба берилади. Агар тўққиз зарбадан кейин ҳам фатҳу зафар мұяссар бўлмаса, баронфорнинг биринчи фавжи ва жавонфорнинг иккинчи фавжини урушга солсин. Агар шу ўн бир зарбадан кейин ҳам ғалабанинг дараги келмаса, баронфорнинг иккинчи фавжи ва жавонфорнинг биринчи фавжини жангта ташласин. Шу ўн уч зарбадан кейин ёв енгилиб, ғалаба қўлга киритилади, деб умид қилсин. Мабодо бу ўн уч зарба билан ҳам фатҳу зафар ҳосил бўлмаса, у ҳолда, қўл сипоҳий фавжларини урушга шайлаб, ўзи ҳам улар билан жангта кирсин ва душман кўзига ўзини тоғдек кўрсатиб аста-секин, уюшган ҳолда ҳаракат қилсин. Уруш баҳодирларига буюрсинким, қиличларини яланғочлаб ҳужумга отилсинлар. Ўқчилар эса визиллатиб ёйлардан қалин ўқ

ёфдирсинар. Шунда ҳам фатху зафарга эришилмаса, сардорнинг ўзи жанг майдонига тушсин ва менинг (мадад кучларим) ва буйруқларимни кутсин.

## ҚИРҚ МИНГ ОТЛИҚДАН ОРТИҚ СИПОҲ ФАВЖЛАРИНИ САҒҒА ТИЗИШ ТУЗУКИ



Шундай тузук битдимки, агар ёғий лашкари қирқ минг отлиқдан ортиқ бўлса, бегларбекилар, амирлар, мингбошилар, юзбошилар, ўнбошилар, баҳодирлар ва бошқа сипоҳийлар менинг зафарли байробим остида бўлсин ва амру фармонимни кутсин.

Амр этдимки, қайси бир сипоҳий фавж амирига ёрлиқ юборсан, ёрлиқдаги ҳукмимга биноан иш тутсин ва унга хилоф иш қилмасин. Бегларбекилардан ёки амирлардан биронтаси ҳукмимга хилоф иш тутиб, ундан четта чиқса, қиличдан ўтказилиб, ўрнига «мунтазир ал-аморат» ҳисобланган (амирлик мартабасини кутиб турган) ўринбосари қўйилсин.

Ва (яна) амр қилдимки, улусот, қўшунот, туманотга тегишли қирқ аймоқдан тамға олган ўн иккитаси қирқ фавжга тақсим қилинсин. Тамға олмаган йигирма саккиз аймоқ амирлари эса (ўз лашкарлари билан бирга) қўл сипоҳий фавжининг орқасида саф тортсинглар. Ўғилларим, набираларим ўз фавжлари билан қўл қисмининг олдида ўнг қанотдан саф тизсинглар. Қариндошларим ва жиянларим эса ўз фавжлари билан қўл фавжининг олдириғида чап қанотдан жой эгалласинглар. Булар шай бўлиб турсинглар ва қаерга мадад етказиш лозим бўлса, ёрдам кўрсатсинглар.

Баронгорга олти сипоҳий фавж тайинлансин. Яна бир сипоҳий фавжни эса баронгор ҳировули сифатида белгиласинглар. Шунга ухшаш, жавонгорда олтида фавждан саф тузсинглар. Яна бир фавжни жавонгор ҳировули қилиб тайинласинглар.



**ТАМФА ОЛГАН ҮН ИККИ АЙМОҚДАН  
ТУЗИЛГАН ҚИРҚ ФАВЖНИ САФГА ТИЗИШ**





Амр этдимки, баронғор фавжларининг олдидан олтита сипоҳий фавж жойлаштирилар ва уларни чоповул деб номласинлар; бошқа бир фавжни тузиб, уни чоповулнинг ҳировули қилиб белгиласинлар. Шунингдек, жавонғор фавжларининг олдига қўйиш учун ҳам олтита сипоҳий фавж тайинласинлар ва уларни шиқовул деб атасинлар. Яна бир фавж тузиб, уни шиқовул ҳировули қилиб қўйисинлар. Чоповул ҳамда шиқовул фавжларининг олдига тажрибали амирлар ва синалган баҳодирлар бошчилигида олтита фавждан саф тузиб, катта ҳировул деб номласинлар. Бу олти фавждан бўлак яна бир фавж тузиб, ҳировулнинг олдига қўйисинлар ва уни ҳировулнинг ҳировули десинлар. (Лашкарнинг олд қисмида) ҳировул ҳировулининг ўнг ва сўл қанотига икки қоровулбегини қавм-қариндошларимдан иборат сипоҳий фавжлари билан бирга қўйисинларким, улар фаним лашкарини кузатиб турсинлар.

Амр қилдимки, ўша қирқ фавж амирлари, менинг ёрлиғим етиб бормагунча, жангга кирмасинлар ва навбат етмагунча жойларидан жилмасинлар, лекин жангга шай бўлиб турсинлар. Жангга кириш ҳақидаги буйруқ олингач, ёвнинг вазиятига қараб, сўнг жангга кирсинларким, фаним қайси йўлдан жангта кирса, унинг йўлини тўссинлар ва душман тўсган ҳар йўлни чораю тадбир ишлатиб очсинлар.

Амр этдимки, ҳировулнинг ҳировули жангта киргандан кейин, олти фавжлик катта ҳировулнинг амири ўз фавжларини бирин-кетин жангта туширсинки, фаним устига кетма-кет олти зарба берилгач, уларнинг сафлари бузилиб, кучлари синдирилади.

Шу пайт ўнг қўл чоповул амири ўзининг олти фавжини бирин-кетин ёрдамга юбориб, орқасидан ўзи ҳам ҳужумга ўтсин. Шунингдек, шиқовул амири ўзининг олти сипоҳий фавжини олдинда турган фавжларга ёрдамга юборсин. Уларнинг орқасидан ўзи ҳам (жанг



майдонига) етиб борсинким, Оллоҳнинг мададу инояти билан, ғаним устига ўн саккиз зарба урилгач, уларнинг кучлари синиб, орқага чекинадилар.

Душман бу зарбаларни егандан кейин ҳам бўшашиб маса, баронгор ва жавонгор амирлари ўз ҳировулларини жангга киргизсинлар. Шу тариқа иккала ҳировул фавжи ўнг ва чап қанотдан уруш очгач, ёв албатта бардош беролмай, кучи синади. Агар шундан кейин ҳам ғаним енгилмаса, баронгор ва жавонгор амирлари ўз сипоҳий фавжларини бирин-кетин унинг устига юборсинлар. Агар баронгор ва жавонгор амирлари зафарли аскарлари ҳам ғаним фавжларини енга олмаётганлигини кўрсалар, ўзлари душманни енгиш учун жангга кирсинглар.

Шунда ҳам баронгор ва жавонгор амирлари (ғаними енгишга) ожизлик қилсалар, баронгор тарҳида бўлган амирзодалар ва жавонгор тарҳида бўлган қариндошларим ғаним устига шиддат билан бостириб борсинлар. Буларнинг кўзлари ёв сардорида ва байроғида бўлсин, шижоату мардлик билан ғаним сафларини бузсинлар, сардорни қўлга туширишга интилсинлар ва душман байроғини ерпарчин этишга ҳаракат қилсинлар.

Агар шу зарбалардан кейин ҳам ғаним чекинмай, ўрнида тураверса, у ҳолда қўлнинг сараланган фавжлари ва баҳодирлари, қўл фавжлари ортида саф тортиб турган улусларнинг лашкарлари, барчаси бирданнига шиддат билан душман устига ташлансинлар.

Агар шунда ҳам фатҳу зафар қозонилмаса, сultonнинг ўзи шерюрак ва баланд ҳиммат билан ҳаракат қилсин. Чунончи, Қайсар билан бўлган жангда шундай қилдим: амирзода Мироншоҳ ўнг қанотнинг сардори эди. Унга Қайсарнинг чап қаноти рўбаруси ва ёнидан жангга киришни буюрдим. Чап қанотнинг амирлари – амирзода Муҳаммад Султон ва амир Сулеймон (шоҳ)га эса ёрлиқ юбориб, Қайсарнинг ўнг



қанотига ҳужум қилишни тайинладим. Үнг қанотимдаги амирзода Абу Бакрга тепалик устида турган Йилдирим Қайсарнинг қўл фавжига турктоз қилишни буюрдим. Үзим эса қўл фавжлари ва улус, аймоқ лашкарлари билан Қайсар томонга юрдим. Қайсарнинг сипоҳий фавжлари биринчи ҳамламдаёқ енгили. Султон Маҳмудхон<sup>1</sup> (қочаётган) Қайсарнинг кетидан қувиб, уни қўлга тушири ва менинг даргоҳимга олиб келди.

Тўхтамишхонни ҳам шу тузукларни қўллаб енгтан эдим. Унинг байробини эса ертубан қилишни буюргандим.

Агар ёв бостириб келиб, чоповул, шиковул, баронфор ва жавонфор фавжларини маҳв этиб, лашкарнинг қўл қисмига етар экан, у чоғда султон шижаот оёғини сабр узангисига маҳкам тираб, душманни даф қилиб йўқотиш учун олдинга ташлансин.

Чунончи, мен Шоҳ Мансур билан бўлган жангда шундай қилдим. У турган ерга етиб олдим ва у билан юзма-юз тўкнашдим, токи уни ҳалокат тупроғига қормаганимча урущдим<sup>2</sup>.

## ТАМОМ



<sup>1</sup> Султон Маҳмудхон – Чигатой улусининг Амир Темур давридаги иккинчи ҳукмдори (1386 – 1402). Биринчи ҳукмдор Суорғатмишхон (1370 – 1388) эди.

<sup>2</sup> Бу ерда Амир Темур билан Шоҳ Мансур ўртасида 1393 йил Шероз остонасида бўлган жанг назарда тутилмоқда.







Султон Махмудхон асир олинган Султон Боязид Йилдиримни  
 Амир Темур ҳузурига келтирмоқда. Шарафуддин Али Яздий  
 «Зафарнома» қўлёзмасидан миниатюра.  
 Шероз. 1553 йил.



Ховарнак қасри қурилиши. Камолиддин Бекзод расми.  
Хирот. 1494–1495 йиллар.

دا تاڭقىنى، مەيدا باراكادىلا سلىنى زان بىرىن بىر يېڭىدە وە حىم، پەزىزى شادىر، دا مەلىك  
 دە ئەتكىرىدە وە سىستان، دە كاچادىداش قىلىنىنىجىز، بىر بىرچىن قىلىنى، فەھىچىلى سايت انى كېشىتى  
 كېپا، دە شەنار، دە تەلەپ بىلە، دە سەرت باز، دە دەركىرسى، خۇزەن، اىسدىرىزدىل دە ئەلەپلىي سەت  
 دە ئەزىزلى، دە ھادە سەلۋات ئەلىشتەت، دە سەدا ئەنمەت ئەپەپا سەت كە مەسىزىن آقىن ئەلەوەنلىك  
 اند، دە ئەتكىتى سەلەون مۇلى ئەنلى تۈرىچ دە مەزن باست، دە ئاشن مەشىۋەر دە ئەلسەن كەرت  
 فيخىشىز قايدە ئەوشن بەردىت، ئەندىر كاپ، دە پۇشا، بەك، دەپەلەن، پەلەن، ئەن ئەن ئەن  
 گەرملىي يەنەدە، دە ئەنكەت كە ئەلدە دەست آمەدەن، دە ئەنكەت دەپلىي دەركىرسى، ساكى دە ئەست ئەن  
 مەساپا، دە ئەشتلىي ئەنم، دە ئەمسەر بەنداچار ئەشلىقىستەت، دە ئەختىنى ئەلەپ، دە ئەكەپ، دە ئەنلىت  
 بىلە ئەتكىرسى، بەك، دەپەلەن، دە دەنلى كەت كە ئەكى ئەننى، دە ئەننى ئەننى، دە ئەنلىنى دە ئەنلىنى،  
 ئەنلىق يەنەر، بىرىن ئەتكىرسى، دە ئەنلىنى دە ئەنلىنى، دە ئەنلىنى دە ئەنلىنى، دە ئەنلىنى  
 دە ئەنلىنى دە ئەنلىنى دە ئەنلىنى، دە ئەنلىنى دە ئەنلىنى دە ئەنلىنى دە ئەنلىنى دە ئەنلىنى، دە ئەنلىنى دە ئەنلىنى  
 ئەنلىنى دە ئەنلىنى  
 ئەنلىنى دە ئەنلىنى  
 ئەنلىنى دە ئەنلىنى  
 ئەنلىنى دە ئەنلىنى  
 دە ئەنلىنى دە ئەنلىنى دە ئەنلىنى دە ئەنلىنى دە ئەنلىنى دە ئەنلىنى دە ئەنلىنى دە ئەنلىنى دە ئەنلىنى  
 دە ئەنلىنى دە ئەنلىنى دە ئەنلىنى دە ئەنلىنى دە ئەنلىنى دە ئەنلىنى دە ئەنلىنى دە ئەنلىنى دە ئەنلىنى  
 دە ئەنلىنى دە ئەنلىنى دە ئەنلىنى دە ئەنلىنى دە ئەنلىنى دە ئەنلىنى دە ئەنلىنى دە ئەنلىنى دە ئەنلىنى  
 دە ئەنلىنى دە ئەنلىنى دە ئەنلىنى دە ئەنلىنى دە ئەنلىنى دە ئەنلىنى دە ئەنلىنى دە ئەنلىنى دە ئەنلىنى  
 دە ئەنلىنى دە ئەنلىنى دە ئەنلىنى دە ئەنلىنى دە ئەنلىنى دە ئەنلىنى دە ئەنلىنى دە ئەنلىنى دە ئەنلىنى  
 دە ئەنلىنى دە ئەنلىنى دە ئەنلىنى دە ئەنلىنى دە ئەنلىنى دە ئەنلىنى دە ئەنلىنى دە ئەنلىنى دە ئەنلىنى  
 دە ئەنلىنى دە ئەنلىنى دە ئەنلىنى دە ئەنلىنى دە ئەنلىنى دە ئەنلىنى دە ئەنلىنى دە ئەنلىنى دە ئەنلىنى  
 دە ئەنلىنى دە ئەنلىنى دە ئەنلىنى دە ئەنلىنى دە ئەنلىنى دە ئەنلىنى دە ئەنلىنى دە ئەنلىنى دە ئەنلىنى  
 دە ئەنلىنى دە ئەنلىنى دە ئەنلىنى دە ئەنلىنى دە ئەنلىنى دە ئەنلىنى دە ئەنلىنى دە ئەنلىنى دە ئەنلىنى  
 دە ئەنلىنى دە ئەنلىنى دە ئەنلىنى دە ئەنلىنى دە ئەنلىنى دە ئەنلىنى دە ئەنلىنى دە ئەنلىنى دە ئەنلىنى  
 دە ئەنلىنى دە ئەنلىنى دە ئەنلىنى دە ئەنلىنى دە ئەنلىنى دە ئەنلىنى دە ئەنلىنى دە ئەنلىنى دە ئەنلىنى

Шарафуддин Али Яэдий. «Зафарнома» асари қўлъесмасининг  
 16 ва 2a саҳифалари. 1629 йилда Самарқандда кўчирилган,  
 Абу Райхон Беруний номидаги Шарқшунослик институти  
 фондида сакланади. Инв. рақами 4472.



افت شلی کاین چنانی رمی و بسته ای نهاد نکار و نشاند ای سه پر پیش نمرت با اشاعی توار  
بود که در متن ای فرق قلم و نکت نداشت ساخت نگاشت زیرست نمیزد زال بر پیش نگاشت  
و خوش باره کار کاشتند و نخست انتقال نمود داد معمون خوش قل قل نکت ساختند نصف بدان بسته  
و پست و قل قل نکت ساختند نصف ای صفت اینها نکت و نکت از همین ناسخان خوب نمیشیده باشد  
بر نکت نمیشند وی را در بزم زنای پس پیش از آنها نات گردان که بپنده کند و این طرفت  
لر براش سبسته از انتقال نشاند و معاشر دش و بدان بزیر نمیزد و دهی خاند و مسانع بکار  
پست این دو لکار بزیر در کاره دهن انشیون وی بفرود افشار بدر نگاه نداشت و اینکار خاده دهن و نهاده  
کرد و این عکار در استان بزیر ای  
بکاری بزیر بکار مخواه بفرست بزیر که ای  
و بکار زدن ای  
در کار زدن ای  
و زدن ای  
بکار سبز باد نشان کرد و این قل قل بکار داد و بزیر نمیزد و بکار داد و بزیر نمیزد و بکار داد



Бронза шамдон. Туркистан. XV аср.



Хожа Ахмад Яссавий мақбараси учун ясалған қозон.  
Самарқанд. XIV аср охири.





Шоҳруҳ Мирзо рафиқаси Гавҳаршодбегимнинг муҳри.  
Хирот. 1457 йилдан аввал.



Муҳр. Марказий Осиё. XV аср.



Абдулла Хотифий «Темурнома» асари қўлёзмаси зарвараги.  
1568 йилда Али Ризо котиб томонидан кўчирилган. Абу Райхон Беруний  
номидаги Шарқшунослик институти фондида сакланади. Инв. рақами 2102.



Абдулла Хотифий «Темурнома» асарининг хотима саҳифаси.  
 1568 йилда Али Ризо котиб томонидан кўчирилган.  
 Абу Райхон Беруний номидаги Шарқшунослик институти  
 фондида сакланади. Инв. рақами 2102.





Абдулла Хотифий «Темурнома» асари қулёзмаси 1-вараги  
«а» сахифасидаги безак. «Шамс нақши». 1568 йилда Али Ризо котиб  
томонидан күчирилган. Абу Райхон Беруний номидаги  
Шарқшунослик институти фондидаги сақланади.  
Инв. рақами 2102.

INSTITUTES  
POLITICAL AND MILITARY,  
WRITTEN ORIGINALLY  
IN THE MOGUL LANGUAGE,  
BY THE GREAT  
TIMOUR, IMPROPERLY CALLED TAMERLANE;

First translated into PERSIAN by ABU TAULIB ALHUSSEINI  
and thence into ENGLISH, with Marginal Notes,

BY MAJOR DAVY,  
PERSIAN SECRETARY TO THE COMMANDER IN CHIEF OF  
THE BENGAL FORCES  
From the Year M DCC LXX to M DCC LXXXIII.  
AND NOW PERSIAN SEC'D. TO THE GOVERNOR GENERAL OF BENGAL.

The Original PERSIAN transcribed from a MS. in the Possession of  
Dr. WILLIAM HUNTER, PHYSICIAN EXTRAORDINARY to the QUEEN,  
F. R. & A. S. and of the ROYAL ACADEMY of SCIENCES at  
PARIS; and the WHOLE WORK published with a Preface, Indexes,  
Geographical Notes, &c. &c.

BY JOSEPH WHITE, B.D.  
FELLOW OF WADHAM COLLEGE, AND LAUDIAN PROFESSOR OF ARABIC IN THE  
UNIVERSITY OF OXFORD.

---

O X F O R D:  
AT THE CLARENDON-PRESS. M DCC LXXXIII. (1783)  
SOLD BY J. MURRAY, N<sup>o</sup>. 32 Fleetstreet, London; AND BY D. PRINCE  
AND J. COOKE, Oxford.



«Темур түзуклари»нинг Оксфордда амалга оширилган  
инглиз тилидаги нашри титул вараги.  
Буюк Британия, Лондон. 1783.



## BOOK THE FIRST.

## DESIGNS AND ENTERPRISES.

\* **T**HUS I formed measures and designs for the reduction of kingdoms, and for the obtainment of empire, and for defeating armies, and for circumventing enemies, and for making friends of foes, and for going out, and for coming in, amongst friends and enemies.

most important Schemes and Enterprises, which consequently lead to a knowledge of the genius, abilities, and extraordinary actions of the man; it has been deemed a proper introduction to that part of the Work, which may with propriety be styled his INSTITUTES. Another reason for prefixing this part of the Work to the other, is, that from the simplicity of the Narrative, it will (in the beginning) be better adapted to the use of those who are inclined to study the Persian Language.

A 2

FOR

«Темур тузуклари»нинг Оксфордда амалга оширилган инглиз тилидаги нашридан сахифа. Буюк Британия, Лондон, 1783.



T I M O U R.

*From an Original in the Bodleian Library*

«Темур тузуклари»нинг Оксфордда амалга оширилган инглиз тилидаги нашрида берилган Амир Темур сурати. Буюк Британия, Лондон, 1783.



Мири (беш тийинлик танга). Амир  
Темур ва Маҳмуд. Самарқанд шаҳри.  
Оғирлиги 1,51 гр. Кумуш. 1391.



Фулус (танганинг бир тури).  
Амир Темур.  
Самарқанд шаҳри.  
Оғирлиги 4,13 гр. Мис. 1383.



Мири (беш тийинлик танга).  
Амир Темур ва Маҳмуд.  
Самарқанд шаҳри. Оғирлиги  
1,51 гр. Кумуш. 1395.



Танга. Амир Темур ва  
Мухаммад Султон.  
Султония шаҳри.  
Оғирлиги 6,21 гр. Кумуш.  
Санаси ўчиб кетган.



Танга. Амир Темур ва Маҳмуд.  
Исфахон шаҳри.  
Оғирлиги 6,03 гр. Кумуш.  
Санаси ўчиб кетган.



Фулус (танганинг бир тури).  
Амир Темур.  
Самарқанд шаҳри.  
Оғирлиги 3,51 гр. Мис. 1383.



*Мири. (Беш тийинлик танга).*  
Амир Темур ва Махмуд. Хоразм.  
Оғирлиги 1,50.  
Кумуш, 1394.



*Фулус (танганинг бир тури).*  
Амир Темур.  
Оғирлиги 2,45 гр. Мис.



*Танга. Амир Темур ва Махмуд.  
Мордин шаҳри. Оғирлиги 5,95.  
Санаси ӯчиб кетган.*



*Танга. Амир Темур ва  
Мухаммад Султон.  
Язд шаҳри. Оғирлиги 6,17 гр.  
Кумуш, 1402.*



*Танга. Амир Темур ва Махмуд.  
Кошон шаҳри. Оғирлиги 6,00 гр.  
Санаси ӯчиб кетган.*



*Танга. Амир Темур ва  
Махмуд. Бомиён.  
Оғирлиги 5,95. Кумуш.  
1397–1398.*



## МУНДАРИЖА

Ислом Каримов. Миллий давлатчилигимиз  
тариҳининг мумтоз намунаси ..... 5

### ТЕМУР ТУЗУКЛАРИ

#### Биринчи китоб

Кенгашлар ва тадбирлар .....	13
Туғлуқ Темурхон билан учрашганимдан сұнг күнглимга келган биринчи кенгашим .....	18
Давлат қуриш олдидан қылган иккинчи кенгашим .....	20
Үз салтанатимни тузиш йұлида қылган учинчи кенгашим .....	24
Салтанатимнинг дастлабки даврларида қылган тұрттынчи кенгашим .....	26
Хуруж кунлари қылган бешинчи кенгашим .....	28
Хуруж вақтида қылган олтинчи кенгашим .....	29
Хуруж кунлари қылган еттинчи кенгашим .....	32
Жета лашкарини синдириш мақсадида қылган саккизинчи кенгашим .....	34
Салтанатни тиклаш йұлидаги тұққизинчи кенгашим .....	34
Салтанатимни мустахкамлаш учун қылган үнинчи кенгашим .....	36
Салтанатимга ривож бериш учун қылган үн биринчи кенгашим .....	37
Лашқаримни иттифоққа келтириш учун қылган үн иккинчи кенгашим .....	39
Жета ва Илөс Хожа лашкарига шикаст етказиш хақида қылган үн учинчи кенгашим .....	40



Мени құлға туширмоқчи бұлған	
амир Ҳусайннинг макру ҳийласидан қутулиш	49
учун қылған кенгашим .....	
Туронзаминни мұғуллар тоифаси қолдиқларидан	51
тозалаш учун қылған кенгашим .....	
Менга ҳар турли ёмонниклар қилиб чүчіб юрган ва	
қылмишлари учун «Мени ұлдиради» деб	
вахимада юрганларни үзимга эл қилиб олиш	
бобидаги кенгашим .....	53
Хуросон пойтахти(Ҳирот)ни олиш бобида	
қылған кенгашим .....	53
Сейистон, Қандахор ва Афронистон мамлакатларини	
забт этиш ҳақидалы кенгашим .....	54
Үрүсхонни бартараф қилиш ва Даشتى Қипчоқни	
босиб олишда қылған кенгашим .....	55
Гилон, Журжон, Мозандарон, Озарбайжон, Ширвон,	
Форс ва Ирок мамлакатларини забт этиш	
бобида қылған кенгашим .....	56
Форс пойтахти (Шероз)ни ва Ироқнинг қолган	
қисмини забт этиш бобидаги кенгашим .....	57
Тұхтамишхонга шикаст етказиш бобида	
қылған кенгашим .....	58
Доруссалом (Бағдод)ни ва араб Ироқини забт	
етиш түгрисидаги кенгашим .....	59
Тұхтамишхонни йүқотиши учун қылған кенгашим .....	60
Ҳиндистонни забт этиш учун қылған кенгашим .....	61
Ҳиндистон пойтахти (Дәхли)га лашкар тортиш	
борасида қылған кенгашим .....	63
Ҳиндистонга олиб борадиган йұлни афғонлардан	
тозалаш учун қылған кенгашим .....	64
Дәхли ҳокими Султон Маҳмуд ва Маллухонларни	
енгиш бобидаги кенгашим .....	65
Гуржистон мамлакатини әгаллаш учун қылған	
кенгашим .....	66
Миср ва Шом (мамлакатлари)ни фатх, этиш бобида	
қылған кенгашим .....	68
Рум мамлакатини забт этиб, Қайсар лашкарини	
синдириш бобида қылған кенгашим .....	70



## Иккинчи китоб

«Мамлакатларни фатҳ, этувчи...» .....	73
Дину шариат тузуки .....	79
Мамлакат ишлари тузуки .....	88
Менинг даргоҳимга илтижо қилиб, паноҳ, истаб келган турку тожик, арабу ажам тоифаларидан бўлганлар ҳақида тузук .....	94
Салтанатни ўз тасаррufимда сақлаш учун амал қилган тузуким .....	95
Сипоҳ, сақлаб туриш тузуки .....	98
Сипоҳга улуфа бериш тузуки .....	99
Сипоҳга танҳоҳ ва улуфа тақсимлаш тузуки .....	101
Ўғиллар ва набираларга улуфа бериш тузуки .....	102
Ўғиллар, набиралар, қавм-қариндошлар, амирлар ва вазирларни жазолаш йўли билан салтанатда интизом сақлаш ҳақида тузук .....	103
Вазирни танлаш тузуки .....	106
Амирлик ва ҳукмдорлик мартабалари тузуки .....	111
Аскарни энг қўйи мартабадан олий мартбагача тарбиялаб кўтариш тузуки .....	113
Амирлар, вазирлар, лашкар ҳамда раиятни тақдирлаб, мартабалар ва инъом-совғалар бериш тузуки .....	116
Катта ногора ва байроқ бериш тузуки .....	119
Сипоҳнинг яроқ-жабдуқлари ва анжом-жиҳозлари тузуки .....	120
Уруш ва тинчликда, «ётишу ҳузур»да ва мажлис-йигинларда ҳозир бўлиш тузуки .....	121
Вазирларнинг хизмат қилиш тузуки .....	123
Улуслар, қўшинлар ва туманларнинг амирларини тайинлаш тузуки .....	125
Навқарнинг бегига ва бекнинг навқарига муомала қилиш тузуки .....	127
Дўсту душманга муомала қилиш тузуки .....	130
Салтанат саройида ўлтириш ва ўрин олиш тузуки .....	132
Мамлакатларни забт этиш тузуки .....	133
Салтанатни идора қилиш тузуки .....	137
Мулку мамлакат, сипоҳу раият аҳволидан хабардор ва огоҳ, бўлиб туриш тузуки .....	139



Турли мамлакатлар аҳолисига муносабат, уларнинг аҳволидан хабардор бўлиш, авлиёлар ва дин пешволарининг мозорларини тузатиш, вақф ҳамда назр ишларини тартибга келтириш тузуки .....	141
Раиятдан мол-хирож олиш, мамлакатни тартибга келтириш ва юксалтириш, унинг ободончилиги, хавфсизлигини амалга ошириш тузуки .....	143
Жангу жадал, уруш майдонига кириш ва чиқиш, қўшинни сафлаш, фаним лашкарини синдириш тузуки .....	146
Қирқ, минг отликдан иборат ўн тўртта зафарли сипоҳ, фавжларини сафга тизиш тузуки .....	151
Қирқ, минг отликдан ортиқ сипоҳ, фавжларини сафга тизиш тузуки .....	155

## ТЕМУР ТУЗУКЛАРИ

Таҳрир ҳайъати:

Баҳром Абдухалимов, Бобур Алимов, Мұхаммад Али,  
Ашраф Аҳмедов, Омонулла Бўриев, Ҳайриғдин Султонов,  
Убайдулла Уватов, Дилором Юсупова, Пиримқул Қодиров

Халқаро Амир Темур жамғармаси ҳамда  
ЎзРФА Абу Райҳон Беруний номидаги  
Шарқшунослик институти Илмий кенгашлари  
томонидан нашрга тавсия этилган

Масъул мұхаррир — Ашраф Аҳмедов  
Тақризчи — тарих фанлари номзоди Омонулла Бўриев

Ишчи гурӯҳ:  
Зоир Исажонов, Шомуҳиддин Мансуров,  
Турғун Назаров,  
Ибодулла Шоймарданов

Мұхаррірлар:  
Абдулла Аъзамов, Тұлқин Ҳайит  
Дизайнер: Жақонбек Адилов  
Техник мұхаррір: Ульяна Ким  
Компьютерда тайёрловчи: Гулмира Қулназарова

Нашриёт лицензияси AI № 158, 14.08.09.  
Босишига рухсат этилди 4.04.2011. Бичими 60 × 90<sup>1/16</sup>.  
Балтика гарнитурасыда терилди. Офсет қофози.  
Офсет босма усулида босиди. Шартли б.т. 11,5.  
Нашр б.т. 9,20. 5000 нұсқада чоп этилди.  
Буюртма № 08-73. Баҳоси шартнома асосида.

Ўзбекистон Матбуот ва ахборот агентлигининг  
«Ўзбекистон» нашриёт-матбаа ижодий уйи.  
100129, Тошкент ш., Навоий күчаси, 30.

Телефон: (371) 244-87-55, 244-87-20.  
Факс: (371) 244-37-81, 244-38-10.  
e-mail: [iptduzbekistan@mail.ru](mailto:iptduzbekistan@mail.ru) [www.iptd-uzbekistan.uz](http://www.iptd-uzbekistan.uz)

**T39** **Темур тузуклари**/Таҳрир ҳайъати: Б. Абдуҳалимов  
ва бошқ., Форсча матндан А. Соғуний ва Ҳ. Кароматов  
тарж. – Тошкент: Ўзбекистон, 2011. – 184 б.

ISBN 978-9943-01-356-8

**УДК:** 94(575)  
**ББК** 63.3(5У)4